

黎大總統
文牘類編

山陰湯壽銘署簽



00765279

例言


一本編自黎公任鄂督及受任正式副總統。以至民國五年六月繼任大總統。六年七月去職。止。各項文牘。靡不編入。

一本編共分二十四類。曰國慶。曰建國。曰議會。曰共和。曰特局。曰政治。曰政黨。曰調解。曰用人。曰官制。曰外交。曰史治。曰財政。曰軍政。曰法律。曰農商。曰教育。曰治安。曰風尚。曰禁令。曰酬庸。曰選舉。曰就任。曰辭謝。而以附錄殿焉。

一本編係供文牘之研究。非注重於援用。故年月日概不附注。

一黎公第二次大總統任內之文牘。容俟續輯。以供家覽。

中華民國十二年十二月編者識



黎大總統文牘類編

第一類 國慶

致各報社報告武昌國慶日盛典

十月十日武昌舉行國慶典禮。京省暨各界代表到者四百餘人。與會者數萬人。外國領事及各界到者近十人。午後開會。中外騰歡。良由億兆一心。是以丕基既定。自今以往。羣力進行。民國光榮。曷其存極。謹此電聞。

附大總統來電

(一)

真電慰悲。國慶盛典。於江漢舉義之地。為華洋觀禮之場。文物高皇。冠裳翕集。植基羣罔。民氣發揚。從此合力進行。必能增五族光榮於大地也。

附大總統來電

(二)

十月十日武昌舉行追祭大典。展奠稱觴。慰享先烈。撫今追昔。哀感彌深。凱職守仗。靈不克躬。請鄂滄。薦進馨香。良用悵歎。茲擬祭文一道。交朱慶瀾哈漢章二君帶鄂。即請執事代。凱致祭。用慰諸烈士在天之靈。

附大總統勉勵各都督電

此次國慶禮成。中外騰歡。回思武漢起義。不過期年。全國翕然。基礎大定。求諸中外歷史。亦所罕聞。是我國民傾向共和。已成一氣。非各都督苦心毅力。保持秩序。豈易得此。惟願乘千

載一清之會。專以國利民福為心。使於萬斯年。水慶無極。然後可以對吾國民。願各都督共

附各者祝電

去歲十月十日。郡垣首義。震驚一省。維辟黃鶴。踴翻鸚鵡。氣吞雲夢。波撼岳陽。旬月之間。八方響應。咸起雲湧。用達成我莊嚴。地球之共和。民國偉烈。豈功。鐘分震古。吾秦介在。西陲。賴先烈之英靈。陸武漢。而崛起。儕儕三輔。莫定四關。高洛義兵。一線連通。勢聯犄角。誰切唇齒。俾我與共。黃信尋常。誰值週年紀念。特派周君銓。代表鳳翔。前來。洞光蘭室。為國瑞。秦人甲。茲奉觀盛典。陝都督張鳳翔。

民軍建義。依已斯年。國垣即於本日開會慶祝共和。追悼先烈。國徽重樂。掩映生輝。既奔走以備矣。亦先號而後笑。祝五大族於萬斯年。尤有陳者。古語云。創業難。守成不易。請易其說。曰。破壞本易。建設尤難。尚望兩總統暨諸名公。受盛危明。勉精國法。同心戮力。五軍國基。以

期前途。尤望在天之靈。(廿奇)

奉天國慶盛典。薄海同歡。武昌為倡義地點。英彥雲集。國旗高懸。引領慶雲。無任忻慕。

以此黃國共和。於萬斯年。更祝我國徵。與日同永。肅電奉賀。一百八十八。政長張培爵。

真雷志國慶大典。海內騰歡。組有鄂中。彌深敬仰。方今國基初立。人各有責。尤願與公共勉。

之。文小源。

國慶日演說辭

中華民國元年十月初十國慶日。為武昌民軍起義一周年。荷蒙 大總統命官致祭。參議院國務院暨 各鄰省代表 各友邦領事。聯翩蒞會於武昌。以追念中華民國之所自來。我將士吏民。延頸企踵。環而觀禮者如堵牆。車書填溢。樂舞雍容。甚盛典也。元洪遭逢時會。與有榮施。自惟德薄能鮮。奈辱艱鉅。感時撫事。恸逝者之長已。慮來日之大難。榮哀交乘。喜懼浴至。有不能已於言者。天地生人。由圖騰而部落。而國家。遞演進化。無非以保全治安為主旨。無論為君主民主共主。為專制立憲共和。要不外合人羣之心理。應世界之趨勢。俾國家成一健康強國之機體。以為保全治安之方法而已。吾華開國於世界為最早。其在上古時期。雖屬君主國體。而民貴君輕。公理早著。舉凡遜位避都。國疑國危。用賢刑罪。諸要政。無一不取決於國人。視聽國民好惡。同民無共而立憲之名稱。而無一非共和立憲之元本。是以三代以前。號稱極治。秦惡黔首。始創專制。每下愈況。極於晚清。君權愈尊。官常愈替。內之則凌虐民社。苛捐溢稅。奪利搜權。外之則開釁鄰邦。賊盟喪師。失地賠款。使我華夏神明宮廟。成一至惡。至貧。至弱。病矣。能興之國。人民土地之瀕死。垂亡者。不絕如縷。僥焉有不可終日之勢。是以民氣沸騰。舉國震驚。憤志。興言改革。歷經燕豫皖滇桂粵等處。凡十六次舉義。不就而於去秋。假手於武昌。武昌。今日。同志將士。才數百人。非與境外有信宿之約。一介之使。乃出萬死。不顧一生之計。揮師於大亂之端。以敵水陸六軍之家。所幸我友邦。嚴守中立。贊助功多。雖商務阻滯。亦

所弗恤。我鄰封仗義赴援。遣使約從。分兵犄角。旬月之間。全國響應。五十日而戰爭息。四月而帝制終。乃有中華民國共和立憲政體發生世界。以償我數萬義士頭顱。無量國民財產之代價。死者甘心。生者吐氣。此固前清天命允終。人心大去。我鄰封同舟風雨。利害切身。時機成熟。會逢其適。亦何敢貪天之功。然亦諸烈士之鐵血精誠。冒險犯難。為四百萬方里國家謀尊榮。為四萬萬人民謀福利。不惜捐父母。棄妻子。赴湯蹈火。犧牲一世。至於折臂穿胸。肉飛骨燼。伏屍成山。流血成川。以求所謂共和民國。凡事皆可以偽為。性命非可以假借。儒學所謂殺身成仁。舍生取義。佛氏所謂舍身救世。其堅苦卓絕。正氣大節。可以動天地而泣鬼神。國家尊而禮之。崇德報功。反本修古。不為泰也。特是破壞告終。死者之能事畢矣。開物成務。創業垂統。則生者之責也。乃寒暑一周。國體尚未公認。內政尚未統一。法令尚未完備。黨爭日烈。舊習未除。邊鮮繁生。信用未著。仍然急私利而忘公忠。逞意氣而昧時勢。俾當國者不畏外侮。而畏內訌。設時者謂不亡於專制。而亡於共和。覘國者遂謂吾民程度不足。朽索六馬。稍縱即逝。念彼先烈。能母內疚神明。元洪方竊竊私愛。何敢言慶。但專制國之責任。朝廷少數人負之。共和國之責任。全國人民負之。以吾國靈秀之民族。苟能竭其力。盡其才。國家萬無不强盛之理。當考吾國與列邦革命歷史。無不經數年或十數年。惟其戰爭既久。才力既竭。殺戮既多。人民方慘。日傷心。逃命之不暇。舉凡舊日社會之惡劣性根習慣。早已掃除淨盡。羣思悔禍厭亂。休養生息。是以易於為治。然其文章禮樂。或為百年而後興。今也以數十年之專制。一躍而為共和。人民之受

言而後當時之意曰不序。新國之美利未究。共和之真相未顯。其民心之放僻。士習之蕩張。兵
氣之驕悍。一年之中。國基未固。民生未寧。秩序未復。紀綱未振。風俗未淳。奸宄未戢。開國之初。
有此慘淡淒涼之狀。固自意料中事。誠無足怪。即謂今日社會心理。尚在新舊潮流激戰之中。
未為不然。然元洪所朝夕憂懼者。不在國弱民貧。不在人才缺乏。而在國民之無道德。無職業。
無道德。則前數痛而復再尊。日夷惠而心益誑。無職業。則下者流於乞丐賊盜。上者入於左道。
異端。必至華士聞人。說辭說辨。各義可以假借。法律不能範圍。以吾國人滿為患。日與不安本
分。不營生計。游手滑口。冗食分利之人。與之共和。其亡直可立待。是必道德以治其心。職業以
安其身。然後益之以公民之常識。曉然於國家之本位。世界之大勢。方今東西友邦。僉以維持
世界和平為要義。吾國能人人有道德。人人有職業。人人以國家為前提。其餘各事。以次而舉。
自然人民治安。國家富強。足以享有世界之和平。是則元洪所馨香禱祝。以求塵海內焉。嗚呼。
聖而應諫。列女在天之靈者也。抑元洪史有一言為都人士正告者。諸君楚人。當知吾楚之前
事。與其現勢。吾楚本神農之墟。富庶之國。周召文化。宣王武烈。江漢固彬彬風雅之林。乃成武
張其舍伐。春秋待以蠻夷。則以民風不靖。國政不修。毀譽何常。惟人自名。至於春秋戰國之間。
宋魯陳鄭。咸以商利立。滇海咸乘吳越。地直半天下。要由選任賢能。修明法度。毀家如子
文。稍吏若叔。定難異國。如葉公包胥。加以嚮子。蚡冒。檣。僕區之教令。畢路藍縷。以啟山林。
日討國人而中微之。告以民生在勤。禍至無日。是以荆楚民風。具有特性。周綱失御。則楚伯中

原六雄合從則楚為約長暴秦專則楚漢起新莽篡則春陵興曹魏僭稱則荆武合兵先挫其鋒元氏無道則徐陳方明諸雄首聲其罪皆足與上年義師先後輝映而吾國吾族之名號昭著於古今中外者實發源於漢王封地東流朝宗之一水揚子曰有道後服無道先強張江陵曰天下大事每以楚人當之此皆吾楚之光榮然而徐陳方明能起事而不能成功項羽孫權能成功而不能統一東晉南宋能以荆鄂為重鎮而不能用之為都會以爭中原歷代史學地學家或論楚地崑崙無積聚急疾有氣勢或論楚人剽悍輕疾好事寡信此又吾楚道德職業知識能力上之缺點方今水陸舟車四通八達為全國政治軍事商務交通競爭之中心點形勢倍從於前代所望我將士吏民力戒輕疾無常之弊毋存自滿自大之心易俗移風發舒其道德職業擴張其知識能力合羣同道博厚悠久以造成強大民國莊嚴宏毅之國民以為全國之中堅庶幾無負諸烈士之締造民國與諸君子之寵惠武昌也元洪昧道情學幸識體要幸賴民國之福得與冠裳之會奮萃海外之名賢魁秀相與樽俎玉帛酬酢揖讓於其間斯真生平之幸福然元洪得有今日武昌得有今日中華民國得有今日皆我大總統旋乾轉坤與各都督宣戰議和諸志士同心戮力登各友邦維持調護之賜惟祝民國千秋萬歲年平今日永久燕享諸君子於斯土俾我荆山漢水長留寵榮鶴樓風月增長聲價則尤世界大同之幸福也諸君大雅宏達於茲為辱尚希餉我嘉謨開我茅塞元洪謹率鄙人士敬而聽之九鼎大呂其亦不我遺棄也夫

第二類 建國

致表總統及各省論建都地點

清帝遜位。已經次旬。組織政府。瞬不容緩。徒以首都地點。南北爭持。遷延未決。人心皇皇。危險萬狀。夫欲為民國籌統一。規久遠。則臨時政府。自應以地形險要。交通便利。能覓全國樞紐者為適當之地點。居中馭遠。莫若武昌。有識者類能言之。第值此新陳代謝。情誼未孚。陝疆有戰。雲未靖之憂。滿清有死灰復燃之慮。蒙藏諸邊。尤為岌岌。倘非假因利乘便之勢。從容坐鎮。必不能維持秩序。控制中邊。稍一疏虞。將至人心動搖。鄰邦干涉。內憂外患。迭起叢生。言念及此。深為焦灼。南京參議院諸公。力持建都金陵之議。原欲改弦更張。從新締造。宅心未嘗不美。然統觀大勢。默相與清。兩害相權。必擇其輕。兩利相權。必擇其重。此中關係。屢詳各省函電中。無庸贅述。且即舍北京而論。建業偏安。猶不若武昌之形勝。攷諸往史。利害昭然。然且以特勢所造。猶不得不力圖治安。勉求讓步。若參議院諸公。必欲膠執成見。事久變生。誠恐以一時未審之謀。貽全國無窮之禍。倘使後人追原非有。悔將何及。諒熱心愛國者。當不出此。竊謂為暫時權宜之計。必須規定燕京。藉消隱患。將來宅中建國。仍在武昌。既足滌三百五十年舊染之污。亦可闡億萬世奠安之局。折衷定策。莫此為宜。如蒙允諾。即請從速組織臨時政府。規畫一切。一面仍開闢武漢。建築新都。洪雖不敏。願重其成。俟新會告成之日。即為總統移駐之時。勝朝反側。已就範圍。民國感情。亦乎一致。卸治之隆。胥操左券。豈惟我非方父老。羣相仰望。當亦我南中

諸公所樂為贊成也。洪雖將隸楚北，奉執鞭弭，為天下先，特以事機急迫，稍緩即逝，失此不言，禍患立見。當時立憲，概東大公，既不敢扶權利之心，以供私圖，亦不忍存畛域之見，以貽大患。皇天后土，實鑒此心。臨穎盼獲，神興靈馳。

致總統及各部總長請速組織政府

清帝退位，已近二旬，政府尚未組織，邦邦尚未承認，羣龍無首，前途可危。徒以變象未定，偷安旦夕，頃聞京津亂黨操戈，首難雖平，餘孽未靖，禍變之來，將未有艾。外人對此，極為激昂，某國並督謀運兵，入規京輔，設再藉時日，險狀環生，列強耽耽，難保不自由行動。瓜分之禍，即在目前。敢仰祈請為諸公告，國家橋立，首由政府，現雖南北和解，戰禍初甯，但新舊機關，雙方對峙，國足不一，命令無備，爾察我詐，莫知適從，致不法之徒，乘機思逞，呼嘯嘯，角立為雄，一隅糜爛，全國隨之。是謂兵亡，天災後導，連年饑饉，江淮以南，餓殍盈道，滿漢構兵，羣省響應，鄂寧擊鼓，陝晉烽烟，嗟我蒸民，流離失所，村落為墟，田園不治，夫僮海角，婦乞天涯，劫火餘灰，罔知所措，不圖安撫，何以善後，是謂民亡，滿清雖暴，猶可為國，自舉義旗，倏通半載，迺大局已定，猶事爭持，高切衷誠，維才畏禍，遷延不決，人人自危，滿蒙回藏，甫就羈縻，死友尚然，卧榻久睡，利一反側，豈復我有，分裂不當，必求平均，奔奔神州，擲此孤注，是謂國亡，四海困窮，民生凋敝，布枯於上，產墮於下，急圖統一，尚懼夫時，設外患一生，兵連禍結，斬木無援，析骸不飽，黑隸紅氓，猶求弗獲，軒黃遺裔，文絕人羣，是謂種亡，凡此數端，皆由於國基未定，有以召之，而究厥原因，仍

本於爭鄰之一念。論者執南北二京比較利害。連篇累牘。猶未探此時機。萬分危迫。含南京不至。離金北京必至。亡。縱金陵形勢。為勝無京。猶當度時審勢。量為遷就。況利使之勢。相判天淵乎。元洪非喪心病狂。何敢危言聳聽。特以禍機已見。更無爭意氣之時。其兄警弓。其弟垂涕。亡日亟矣。不忍不言。伏乞力祛成見。共濟時艱。早定國都。組織政府。庶可收中央統一之效。社外人干涉之漸。其餘問題。儘可從容解決。如蒙允許。即請速電北京。決定大計。無任翹盼。臨穎請命。魂靈交馳。

致各省各團體痛陳時局

前以國都未定。曾於江甯放滙詳陳。幸蒙嘉納。迨總統蒞職。已越決旬。國務各員。猶未舉定。夫有政府。然後有國家。有部員。然後有政府。若總統擁虛號。而各部無專司。是猶五月歷胎。半歲雜書。形體不具。其狀與無政府同。方今一髮千鈞。存亡呼吸。直追急起。尚懼失時。十日之間。已非昔比。一之為甚。豈堪再誤。敢就目前危象。再為諸公涕泣陳之。自東南各省。首倡義兵。外人營壘。損失鉅萬。徒以無覺可乘。全忍未發。迨者京畿激變。延及津保。長蘆夾卷。鞠為邱墟。甲國增兵。乙國接蹊。選地屯營。分日巡市。自由行動。莫敢誰何。陽為衛商。陰為滅國。聯軍之象。復見目前。北望無雲。已成殘索。此對於外交。可為痛哭者一也。南北交通。自秋徂冬。倉卒募軍。率無紀律。以暴為政。以亂為止。以黨效為干戈。以要挾為自由。名器為植黨之資。主將為護符之具。上行下效。此什彼效。負義不明。威令不一。首自為域軍。自為家山。暴所傳。如響斯應。始於導線。終

於燎原。且剖瓜分。憫不顧恤。且長江伏莽。尚披新朝。勝國羽林。猶沿舊幟。稍失遷就。爰起蕭牆。此對於軍政。可為痛哭者二也。滿清叔世。新政繁興。財力困難。已臻極點。借債修路。遂為讓王。爾者東南軍隊。名目繁縟。江漢一隅。幾盈十萬。調查各省。亦逾曩額。餉械俱窮。公私交困。欲裁則有詳潰之慮。欲留則無應付之方。大局之危。已如累卵。且各司建設。經緯紛繁。匪有鉅費。尤難摩畫。挖肉醫瘡。必仍借債。抵礦抵路。各不相謀。列強眈眈。踞瑕思逞。壘斷借疑。監查用途。稍一失宜。已制死命。殷鑒不遠。炯在波蘭。此對於財政。可為痛哭者三也。江淮流域。久因水災。家無饔飧。道有飢饉。中更兵燹。分析離居。地節屈伸。猶未安宅。滔滔江水。忽漲丈餘。無田不除。潰堤未復。及今不救。浩劫已深。弱者化為遊魂。強者趨為流寇。僵屍疊積。腐疫流行。骨肉相殘。將無唯類。此對於民政。可為痛哭者四也。四民雜處。惟士難馴。嘗平養客。唐宋策科。皆以羈縻。隱為消納。迨軍事初興。學堂中輟。師徒數萬。膚集城垣。餬口無資。嗚呼。橫議各區。黨派互相。排。裂冕毀冠。潰坊圮表。洪湖澎湃。山谷為傾。雖有賢良。亦甘蹈引。大國無教育。則綱紀繩士無防閑。則禮義廢。回紇雖滅。猶戴袂袂。身毒雖墟。猶傳佛教。哀我神州。曾彼弗若。誰驅秀民。流為遊士。其行可怵。其境可憐。龜毀積中。咎歸主臧。此對於教育。可為痛哭者五也。凡此學業諸端。關係存亡。彰明較著。其他險狀。尚有難觀。縷數者。而擲要問題。首由於都會之紛爭。繼由於部員之各執。感情所蔽。意見所蒙。遂致將德兆生靈。擲諸孤注。言念及此。不寒而慄。夫以我同志諸公。出生入死。萬禍不辭。但為同胞謀幸福。非為個人營權利。光明磊落之心。早為天人所共

曠中山先生號占海外垂三十年功成身退眇然不污立懦廉頑尤堪矜式是吾黨之公已不待元洪表曝至義幟初張萬流仰鏡民權主義昭然揭日月而行倡憲業者既及邇新猷伐義軍者亦暗輸同意現在共和成立南北一家起義與加功實行與暗助兩面相權孰輕孰重此中亦駁難軒輊竊謂破壞建設才雖相異用實相資當此四面楚歌事機危迫國務各員但須擇學識經驗確有專長無論新舊南北皆當協力贊成以期成立縱萬一少數部員全才難得亦當統權利害稍示通融斷不能以一髮之微牽動全體一部不職不過失司各部未成立亡國此中關係無待解人况彈劾之權猶操國會與迎送於今日軍補救於將來明達諸公諒必能共體時艱早決大計設再遷延不決禍變日深一日以後將有後求如今而不可得者鰥蚌相持漁人得利彼時受滅獲之慘痛悔此弟之爭持滅種已成噬臍何及元洪殘喘尚存初心未泯審機觀變戰戰兢兢誠不忍大好河山及身剖裂心所謂險不敢不言昔楚莊之訓國人也曰禍至無日蘭庸之誠屈氏也曰師克在和况在斯時尤為危急近聞滿蒙諸族猶且力持大體選派議員卓識公忠同深欽佩矧我同族反事指廷生何以謝遠舉死何以對烈士伏乞互相敦促廣為開導俾民國政府早日觀成振領提綱猶可為治功魁禍首爭此須臾倘得邦本奠安主權恢復馨香尸祝定仰元勳元洪雖受妄言之罪亦可以瞑目矣臨穎雷涕不知所云。

致唐總理各部總長敦促臨時政府成立

元洪為總攝政府。及為齊時。南北告哀。正電盈尺。逆言者諄諄。聽者藐藐。一誤再誤。遂延至今。明令已頒。祇賦未發。禍機四伏。誰實為之。而令志士踣於山林。妾女憂於機杼。以言外患。則京津一帶。編布外兵。合約簽名。分國繪色。近復多方煽惑。飛短流長。謀問我軍心。淆亂我輿論。漁人收利。顧影自雄。存芥手原。將無再土。以言內亂。則烟騰粵嶺。火熾蘇台。貴淦有壓陣之雲。秦隴有迷塗之霧。加以權利相競。意氣相爭。魯難甫平。潯憂未弭。皖江南北。已成戰場。鬼哭明陔。神謀曹社。茫茫浩劫。原有牙。逆雖稍具熱忱者。猶當於一息尚存之時。力圖統一。而哀哀諸公。乃或猜心藏忌。潔志鳴高。夙解棋分。夷然弗恤。哀我生之不造。痛大命之將傾。瞻仰昊天。曷其有極。夫共和宣布。南北一家。雖稍抱野心。斷不容於千夫交指之世。我當勉諸公。止宜瀝膽披肝。和衷共濟。縱為一所。如不合。權見相乘。亦可藉議會為中堅。持人民為後盾。福民利國。有何猜虞。若必踣踣鍾山。徇伴泥濘。甚或虛張聲勢。隨危重兵。空谷嘯而狼奔。暗室驚而鬼至。微論北方議會。舉起冠裳。亦恐宗黨連累。變生肘腋。稍一疎虞。豈堪設想。此猜心之足以亡國也。國本未定。民心動搖。扶顛持危。匹夫有責。昔仲尼去魯。猶望龜山。靈均懷楚。竟投湘水。諸公遠徵古訓。近察時艱。蓋職公忠。豈思廉視。縱使材力絲薄。自懼弗勝。亦當遵天投艱。勉期成立。徐圖引退。未為失時。以全局之存亡。較個人之榮辱。孰輕孰重。無待解人。若必假田園以藏拙。託泉石以鳴高。時日久積。禍變日亟。國家淪喪。身亦殉之。豈有首陽為公淨土。此退志之足以辱身也。竊謂一髮千鈞。事機危迫。羣策羣力。尚難圖存。若一部缺席。則國務之職。既不成立。連帶之責。

亦莫由免險象環生。莫可克詰。而况各部之俱處困難。諸公如必以滅種為樂觀。以他邦為堪事。則元洪惟垂手待斃。夫復何言。若肯愛憐昆弟。顧念子孫。拯已死之人心。扶初生之國脉。即請查照前電。在京總長。先行籌辦。在南總長。輕騎減從。迅速啟行。如其冒昧真前。致遭危險。請罪元洪。以謝諸公。如其擁兵自衛。致啟禍端。亦當罪諸公。以謝天下。倘五日以外。猶事稽延。則是諸公甘棄我民國也。嗚呼。萬民。斷不能隨數人之身。戴胥及溺。惟有懇表大總統。先行派員著理。以圖補救。情迫氣哽。言盡於斯。翹首江雲。鵠俟電覆。

附蔣尊盧痛陳時局電

奉黎副總統佳電。不忍卒讀。大局安危。千鈞一髮。羣策羣力。或可挽回。蓋以不才。謬承公舉。接事三月。百端叢生。凡所設施。動輒得咎。固不能強我以就人。復何忍以負浙者負國。然一經整理。徒託空言。未能見諸行事。惟日夜企禱中央政府。早日組成。庶可弭各界之紛爭。謀全國之統一。乃遷延日久。險象環生。吾民何辜。行將不國。言念及此。不覺涕零。自惟資淺。惟切杞憂。藉默至今。此心如海。幸我大總統苦心維持。副總統竭誠勸告。苟有人心。寧不感奮。抑冀更有陳者。現在各省都督。軍政民事。集於一身。西北皆委任於中央。東南則悉由公舉。雖鈞暫行之制。究妨統一之權。倘自問無扶顛持危之才。即應知推賢讓能之義。若不自度量。徒事把持。甚或懷疑藏忌。坐視紛裂。更何顏以對全國父老。蓋擬俟政府成立。即行陳辭。以避賢路。其他如地丁錢漕鹽課等項。皆屬全國收入大宗。或議減免。或驟更張。錯雜紛紜。

莫可先詰財政紊亂國本動搖殊非共和民國之幸福。應請大總統分飭提案付議公決。頒令通行以維命脈。臨穎不勝迫切待命之至。

附蔣雁行痛陳時局電

竊維互爭意見自賊之熾據奪利權君子不齒。今南北政府已經成立。而統一政策尚待實行。主體猶虛強隣環伺。如魚肉之登刀俎。勞馬之跋懸崖。吾國之危險未有甚於此時者也。當務諸公即合羣力以謀之。猶恐大局難支。顛仆不起。况各有變端迭出。內訌紛乘。蘇州警信。連傳秦地戰雲未已。黔蜀之爭方止。大通之鬧旋聞。以皖有論一省中內訌如此。他省可知。以各省紛論。表面上現象如此。內容可知。倉生何辜。受茲塗炭。民國何處。遭此災屯。坐令禍端起於蕭牆。大患生於眉睫。四分五裂。瓦解上崩。推原由來。誰執其咎。以前民軍起義。外人所以不行干涉者。蓋因遵守公法。善視民軍。存一時持重之心。衡兩大相爭之勢。今則南北雖成統一。然兵閭之事。日有所聞。暗潮之生。無時或已。苟於此一月間。而地方秩序。未見安寧。政府機關。尚難完備。則外人必將謂我民國已無維護治安之能力。而藉口於自保之說。實行其干涉之端。亦縣神州。流為商埠。全國同胞。降為奴隸。諸公忍見之乎。請蔡副總統。南此告哀之電。而不痛哭流涕者。必非救時愛國之儔也。抑雁行尚有進者。表面之紛爭。猶易為力。如軍隊各存意見。各省自為風氣。尚可披心瀝膽。共申勸告之忱。推誠布公。徐收統一之效。惟今日之事。內容之紛競。有什百十倍於表面之現象者。言語則針鋒相對。如存駁詰。

之懷。辦事則旗鼓相當。國願爭持之烈。假自由以行其罪惡。藉共和以逞其私圖。象論喧譁。羣言僥。欲保種而適以禍種。欲救亡而適以速亡。外人尚未有滅國之行。中國轉自現割。裂之象。國不亡而我自亡之。列強不瓜分而我自分之。慘境悲觀。莫甚於是。諸公忍為之乎。且列強雖不干預內政。而尚未承認共和。危迫之機。聞不容髮。急當召集國會。編定憲法。以刑列強之承認。必外交上先有完備之能力。政治上始有聯合之精神。呼吸存亡。關係故巨。為今之計。惟有懇請大總統副總統迅賜主持。各總長速行就職。各部之組織既完。政府之機關自備。務期調和意見。屏棄利權。爭一事而得勝利。不足為榮。論一書而居失敗。不得為辱。以公心為治事之基。庶民國有富強之望。否則覆亡無日。禍在燃眉。雖行奮蹈海而死。一瞑不視。不忍見吾國之亡也。夫意氣之爭。可以爭之於干戈。已定之時。不當爭之於國事。未平之日。諸公明達。當以為然。或者諸公高蹈烟霞。忘情軒冕。不願置身利氣。爾所名境。人各有志。安能相強。祇以一身之好惡。較諸大局之安危。孰重孰輕。不待智者而決。諸公從不能暫屈一時失志。以扶國步之艱乎。侯將采時事稍平。宜尋泉石之盟。再賦送初之願。亦未為晚。雁行月餘。以未觀此時艱。慄慄危懼。欲哭無淚。欲語無文。今日敢冒萬死。直言於大總統副總統。暨諸公之前。區區苦衷。伏希垂察。

第三類 議會

湖北省議會開會演說辭

今日為貴議會開會之期。元洪對於諸君。有戀眷之情。有迴顧之感。貴議會開幕以來。不僅為鄂省治亂所關。且為天下安危所繫。國維耑慎。以至今日。諸君代表民意之責任盡。即元洪維持現狀之負擔亦稍紓矣。鄂省為首義之區。貴議會又為全省民命所託。故一舉措而天下觀聽悉屬焉。趨向胥定焉。是臨時組織之議會。視正式成立之議會為難。而任鄂省尤難也。然則今日開會之紀念。非吾鄂起義後第一大紀念乎。元洪對於諸君之感情。有不能默爾者。陽夏一役。民命凋殘。廬舍蕩於烽煙。脂膏泮於鋒鏑。故欲補苴罅漏。則甲士方苦於無衣。欲張皇要圖。則司農又屈於仰屋。續鳧截鶴。挹注為艱。後海光河。疏鑿匪易。而能因勢利導。化險為夷。以至今日者。諸君之力也。此為對內之感情。改革甫終。建設方始。吾鄂衝通九省。戰館中樞。故謀制度之變更。則推鄂執牛耳。策事權之統一。則以鄂著先鞭。南國之風化早開。東去則大江屈注。振表者必挈其領。尋流者務溯其源。而能有開必先。無遠弗屆。以有今日者。諸君之力也。此為對外之感情。鄂省風氣開通。敢先自經改革。創夷最劇。更兼五方之雜處。四民之失業。故風鶴偶驚。則謂南風之不競。奸宄潛滋。則啟楚人之多謠。將欲通爾我之情。泯鷓鴣之氣。化游惰使息作。以福利為前提。治本治標。擇術宜慎。無小無大。從公是期。倘無法以撫綏。奚以潤夫枯朽。而能還定安集。匡直勞來。以有今日者。諸君之力也。此為一般之感情。軍民未分以前。庶政紛呈。均資籌畫。軍民分治以後。萬端待理。尤賴扶持。維獨力之難支。仗羣材以交勵。特是經營伊始。尚未完畢。舉路之功。責任既專。斯可取臂指之效。故凡經諸君所協贊者。其誘導為最多。既經

諸君所抗議者。亦觀摩為最切。其有緩急異施。剛柔異用。動靜異宜。操縱異勢。要視輿論之從違。惟取多數為解決。而能釋回增美。合力進行。以有今日者。諸君之力也。此為特別之感情。今者元洪於迴顧之餘。特眷戀諸君不置者。則以大厦同扶。危舟共濟。烈風雷雨。臨難弗避者幾人。廣土眾民。所性不存者斯在。諸君司萬民之喉舌。為識時之俊傑。此日之職責雖卸。將來之担負方殷。當此新舊遞嬗之交。江漢締造之始。諸君極目滄波。關心桑梓。匹夫責在天下。安石繫乎蒼生。其能忍然忘情。毅然弗顧乎。勗哉諸君。前程甚遠。來軫方遑。後顧無窮。殷憂曷已。元洪自維老驥。登峻坂以懷慙。起視長鴻。撫中原而心惻。汲長綆短。攬涕霑膺。竊願諸君匡所不逮。慎勿棄我如遺也。

致袁總統論兩院制

民國初建。百端待理。立法機關。尤屬重要。查歐美各共和國會制度。不盡相符。多數所趨。咸為兩院。以吾國幅員之廣。戶口之蕃。政見之替。如亂絲。國基之危。若累卵。採用兩院。自不佞言。惟是默窺現情。熟審大局。問題種種。尚待磋商。一憲法從國會生。總統從憲法生。今吾國舉定總統。既在未頒憲法以前。而製造憲法之國會。尚未完全成立。且組織國會。及召集國會之權。亦無明文為之規定。可疑者一。又法國代議院議員。悉由人民直接選舉。元老院則由各州立法部人分舉。美國制度。大概相同。今吾國軍事甫竣。各省議會名目紛糾。人口多寡。尚無正確比例。且議局議會。新舊雜糅。資格龐雜。青臧諸邊。尚有向無議局者。根本問題。已不能劃歸一

律。將來實行選舉究竟以何為據可疑者二。又法國參議院僅為起草法律之一機關。德國參議院則明載憲法。其權與代議院等。今吾國大總統副總統既由參議院投票公舉。國務總理及各國務員均須經參議院之贊同。是其資格無殊國會。已決無取消之理。然將來統一政府告成。可廢即以參議院改為上議院。尚難臆斷。可疑者三。以上三端。亟宜解決。稍不察慎。大憲隨之。敬請吾公綜攬全規。妥籌辦法。迅速宣布各省。俾有遵循。庶不至議論紛生。轉滋歧異。無任禱企。

附表總統覆電

個雷敬悉。兩院制為大多數國家所採用。中國國會。自宜從同。專論極宮。承商各節。就部見條復如下。(一)現舉總統副總統。係屬臨時機關。即以臨時約法為根據。制憲法之權。屬於國會。約法第五十四條。已有明文。至召集國會。為臨時總統之權。國會組織及選舉法。則由參議院定之。約法第五十三條。亦經規定。似尚無甚窒碍。(二)將來國會如採兩院制。則都意上院為地方代表。議員應由各地方議會。及行政長官。分別選派。下院為人民代表。議員應一律由人民選舉。人口比例一節。係屬選舉法問題。儘可查照近年統計。酌定員額。至蒙臧青海情形。與內地不同。可另定特別選舉法。應俟將來詳細討論。規定適宜之制。(三)現在南京參議院。係臨時過渡機關。照約法第十八條。本須另行組織。俟約法上之參議院一經成立。則現在之參議員。即當交代。至參議院與將來國會之關係。約法第二十八條。亦已

明定。總之此次辦法，約可分為三期。自臨時政府組織大綱發布，至臨時約法成立為第一期。已屬過去之事。自約法發布，至憲法成立為第二期。正係現今之事。憲法成立以後，乃為第三期。係屬將來之事。茲第一期之事，既經結束，吾人應將第二期之事，努力辦理，以開第三期之端緒。以上界限，解剖明晰，一切歧異之點，自可消弭。愚慮所得，用敢縷陳，仍乞大教。

致大總統請速定省議會法

政府初成，憲令未布，地方制度，為國家構造之基，關係尤為重要。查各省臨時議會，本非正式選舉，或因議局機關變更名目，或集少數人士，選舉議員。當時庶政草創，原欲旁資輿論，救弊扶偏，不得不稍示變通。急漸成立，現在大局漸定，責難遂多。組織既不完全，行動輒生窒礙。甚至審議一案，而各團肆行詆謀，公選一員，而軍隊橫加蹂躪，以同屬熱心愛國之人，遭際危時，贊襄大計，應如何左提右挈，共濟艱難，祇以議論偶乖，勃谿疊起，風潮震盪，舉國騷然。縱議會秉公立論，內有無尤，然始謀不臧，終難免貽人口實。綿綿不絕，將成網羅。長此因循，禍何能艾。論者痛琴擾之形，思調停之策，乃欲自定法規，重選議會。探原治本，貴拜嘉言。然法令必漸者，統一言論，必利諸施行。設使省自為政，人自為謀，將來中央政府，明布憲章，開門造車，未必能九州同軌。弊章更選，則往事紛紜，仍貫自安，則顯相抵觸，啟爭構亂，更甚茲時。夫明邇而昧遠，不可謂智。治偏而害全，不可謂仁。朝夕思維，彌增憂灼，伏懇我大總統，亟圖挽救，迅命內閣，妥定省議會及議員選舉法。交院議決，月內頒行，俾各省議會，一律改組，庶乎眾星共緯，萬彙同

流與論既真。煩言自執。除此逼渡時期。仍望愛國同胞。相與屏棄成心。維持現狀。縱偶有齟齬。亦必忍忿。須臾。真安大局。快意虧行。甘心傷性。民今方殆。視天夢夢。及爾昆弟。毋相猶也。倘渝此心。其何能淑。臨風請命。無任馳惶。

致參眾兩院請速舉議長

國會成立。瞬屆浹旬。議席虛懸。中外人民。期望至急。一日無國會。即一日不能行使人民之主權。政府無從發生。列強不能承認。時勢變遷。事機危迫。無論何種方法。總祈首先舉定議長。俾得早日開會。以固邦本。而安人心。不勝急切待命之至。

致國務院及參眾兩院論議員公費歲俸

連日接各方面來電。僉謂兩院原訂公費。及參議院自定歲俸。值此財源枯竭。國民不堪負擔。並屬轉進忠告。元洪竊以為此項款額。與其他法制不同。姑無論美制法制。給日給。要當以本國財力與夫官吏俸給。及各省議員薪金之規定。為加減比例之差。考各國財政。美國歲入二十萬萬元以上。英國十六萬萬元以上。法國十四萬萬元以上。吾國歲入不足三萬萬元。至選舉議員。以人口為律。吾國議員較各國為多。而財政較諸國為絀。此其不能援他國為比例者一也。查吾國官俸。就中央言。惟各部次長月給五百元。與參議院議員現定歲俸六千元之數。相埒。外省除都督民政長外。無盈此數者。刻因庫款空虛。尚在籌議削減。議院諸君。半負義務。員額多寡。亦迫不侔。此官俸之可借為比例者一也。國會者。會範圍雖有閥。爪等級究無區分。查

各者議員歲俸約十元內外。議長倍之。兩院諸君。初處京華。服食較費。照省倍給。似屬相當。即以前臨時參議院為衡。其時參院未集。員額尚簡。亦祇月給三百元。此近今議員之可援為比例者又一也。前者五國借款參議院反對。謂恐如埃及印度。積債亡國。實出於良心之主張。茲者國步艱危。更倍前日。湘豫皖贛。災歉時聞。救苦獨甘。寧忍出此。兩院諸君。號稱明達。區區愚忱。唯採擇焉。

領銜呈大總統請諮詢政治會議各員以救國大計文

共和國家。以法治為歸宿。當破壞之後。亟宜為建設之謀。所有應行法治。千端萬緒。雖急起直追。猶恐不及。民國初創。以參議院為立法機關。而成立年餘。制定法案。寥寥無幾。惟以黨爭聞於天下。適為建設之障礙。決無進行之計畫。中外士庶。乃移易其渴望之心。屬諸國會。以為國會既成。必可將各項法制。依次制定。不意開會七閱月。糜帑數百萬。而於立法一事。寂然無聞。欲僅如前參議院。尚能立米鱗西瓜之法。而亦不可得。民國前途。豈堪久待。蓋因各議員被舉之初。別有來由。多非人民公意之所推定。謂為代表。夫將誰欺。其有愛國思想者。固不乏人。而爭權利。徇黨見。置國家存亡。人民死活於不顧者。反佔優勢。且人數過多。賢者自同寒蟬。不肯若如飲狂水。餘皆盲從。朋附。煙霧障天。雖有善者。或徒喚奈何。甯與同盡。上下兩院。性質相同。因之立法成績。毫無進步。中外援為詬病。國家日益帖危。上無道揆。下無法守。賴我大總統。以救國為己任。毅然剛斷。將亂黨議員資格一律取消。今候補當選人。以次候補。願候

補人員與前次人員資格相同。無論一時斷難如額。即使如額。而八百餘人築室道謀。仍忌議論多而成功少。現在國本初定。重要法案。何啻數百件。由今之道。以七閱月而未立一法。雖遲以百年。亦復何濟。而強鄰環伺。破產在即。豈從容高論之秋。我不自謀。必有起而代之者。欲不為人之牛馬奴隸。何可得耶。元洪等行政人員。亦國民一分子。國苟不存。身於何有。苟利於國。違論其他。用敢聯名切懇大總統。始終以救國為前提。萬不可拘文牽義。以各國長治久安之成式。施諸水深火熱之中華。歷考中外改革。初期以時勢造法律。不以法律強時勢。美為共和模範。而開國之始。第一次憲法。即因未縛政府。不能有為。遂有費拉德費亞會議修正之舉。是役也。全體會員。無不有政治之經驗。其會議之所議決。多軼出原有憲法範圍以外。而自操制定憲法之全權。論者不詆為違法。先例具在。可為明徵。現在政治會議。已經召集。與美國往事。由各州推舉之例。正同。請大總統飭下國務院。諮詢各員。以救國大計。若眾意咸同。則共和政體之精神。即可因茲發軔。即例以南京政府。以十四省行政官代表之參議院。其完缺大相懸殊。正與華盛頓修正憲法若合一轍。元洪等承乏地方。深知人民心理。痛惡暴亂之議員。各國論調。亦極公允。我大總統何所顧忌。而不為之。所以文明國議員。無論何黨。皆以扶持本國為宗旨。斷無以破壞阻撓為能事者。現在國民黨員。悉經解散。其餘健議員。素知自愛。聞已羞與噲伍。憤欲辭職。雖欲團結。已屬無從。留此少數之人。既無成立之希望。應請大總統給資回籍。另候召集。各議員皆明達廉潔。決不戀戀於五千元之歲俸。而浮沈於不生不滅之間。以

誤國家大計。狂夫之言。聖人擇焉。伏乞鑒核施行。民國辛甚。(各省都督民政長署名)

呈報取消地方議會國民黨員文 頌衍

真電計達。查國民黨勾結為亂。證據確鑿。既奉大總統命令。一律解散。凡屬省議會國民黨員。及各縣議會國民黨員。自不能聽其把持。特予寬免。鄂省國民黨暴子。賢繁有徒。尤以省縣各議員操其主動。檢閱該廳所呈案據。情迹顯然。當宋案借款發生。黃興等利用機會。傾覆邦家。該支部有假託全省公民名義。致各縣議會參事會令總統總理辭職歸案。有省議員楊瀚芳(中畧)等。致參特兩院請彈劾袁趙退職就審之電。軍政府請調國軍。原所以保衛治安。該黨致函本部。則謂北方開米軍隊。姦殺異常。致函孫文。則謂黎督閱檄。電調北軍。摧殘民黨。致函滬交通部。則謂岑西林到後。已商渠密電中央。將駐漢北兵撤回。致函李烈鈞。並特派該黨省議員方震。黨員項傑。赴贛接洽。則謂黎督續調北軍。執迷不悟。民政府改選自治。原所以力圖治本。該黨致函孫文。黃興。李烈鈞。則謂各縣自治改選在即。做支部不得不從各縣自治預備基礎。鄂省據長江中心。為東南門戶。有做支部在。尚足為本黨坐鎮北門。作全國之樞紐。綜觀前後文電。破壞統一。增壯聲援。與該黨本部黨員國會議員同出一氣。然猶謂亂未發覺也。迨贛寧將亂之前。該黨省議員詹大悲。趙鵬飛等。發難於漢口。贛寧已亂之後。該黨省議員梅鍾漢等。任職於上海。羅雲錦等。從逆於沙洋。或懸賞緝拿。或查明正法。檔案具在。無可諱言。其餘該黨省議員請假四出。更不勝數。洎大局已定。始行陸續回省。現蒙京邑各屬人。

之控告。知事軍隊之報告。均謂前次亂事。牽涉議員。湖自兩年以來。屢起風潮。省垣則眠食類驚。各縣則流亡載道。追原禍始。莫不痛心。此等殃民禍國之徒。豈惟法律所不容。抑亦神人所共憤。鄂省伏莽甚多。瘡痍未復。若長令此等議員。憑藉機關。挾持政治。後患之來。何堪設想。本都督民政長有守土牧民之責。斷不敢養癰貽患。致蹈庇護亂黨之嫌。自應援照大總統鈞令。斷自湖口倡亂之日起。所有省縣該黨議員。一律追繳證書徽章。限令即日出會。以清根本。其才具可用者。仍當隨時考查。其暴亂最著者。尤須嚴加管束。以仰副大總統除暴安良之意。除令飭警廳暨各縣知事遵照辦理外。合行通告。(湖北民政長列名)

解散兩院令

上年六月。本大總統申令。以憲法之成。專待國會。開國五年。憲法未定。大本不立。亟應召集國會。速定憲法等因。是本屆國會之召集。專以制憲為要義。前據吉林督軍孟恩遠等呈稱。日前憲法會議及審議會通過之憲法數條。內有眾議院有不信任國務員之決議時。大總統可免國務員之職。或解散眾議院。惟解散時。須得參議院之同意。又大總統任免國務總理。不必經國務員之副署。又兩院議決案。與法律有同等効力等語。實屬震悚異常。考之各國制憲成例。不應由國會議定。故我國欲得良安憲法。非從根本改正。實無以善其後。以常事與國會較。固國會重。以國會與國家較。則國家重。今日之國會。既不為國家計。惟有仰懇權宜輕重。毅然獨斷。將參眾兩院。即日解散。另行組織。俾議憲之局。得以早日改圖。庶幾共和政體。永得保障等

語。近日全國軍政商學各界。函電絡繹。情詞亦復相同。查參眾兩院組織憲法會議。時將一載。迄未告成。現在時局艱難。千鈞一髮。兩院議員紛紛辭職。以致迭次開會。均不足法定人數。憲法審議之案。欲修正而無從。自非另籌辦法。無以慰國人憲法期成之渴望。本大總統俯順輿情。深維國本。應即准如該督軍等所請。將參眾兩院即日解散。剋期另行選舉。以維法治。此次改組國會本旨。原以符速定憲法之成議。並非取消民國立法之機關。邦人君子。咸喻此意。此令。

致各省區等通電

萬急南京馮副總統各省督軍省長徐州張巡閱使廣東陸巡閱使承德都統張家口都統歸化都統龍華護軍使學夏護軍使瓊州龍督辦導河提督岳州吳司令各鎮守使各報館鑒。元洪自就任以來。首以尊重民意。護守約法為幟志。雖德薄能鮮。未饜輿情。而守法勿渝之素懷。當為國人所共諒。迺者國會再開。成績鮮彰。憲法會議。於行政立法兩方權力。畸輕畸重。未劑於平。致滋口實。皖奉發難。海內騷然。眾人所集。皆在國會。請求解散者。呈電絡繹。異口同聲。元洪以約法無解散之明文。未便破壞法律。曲徇眾議。而解紛靖難。智勇俱窮。亟思避位避賢。還我初服。乃各路兵隊。逼近京畿。更於天津設立總參謀處。自由號召。并聞有組織臨時政府與復辟兩說。人心浮動。詭言繁興。安徽張督軍北來。力主調停。首以解散國會為請。迭經派員接洽。據該員復稱。如不即發明令。即行通電卸責。各省軍隊。自由行動。勢難約束等語。際此危疑。

震撼之時。誠恐貌躬驟然引退。立做兵端。匪獨團體政體根本推翻。抑且攘奪相尋。生靈塗炭。都門首善之地。受害尤烈。外人為自衛計。勢必至始於干涉。終以保護。亡國之禍。即在目前。元洪等思再四。法律事實。勢難兼顧。實不忍為一己博守法之虛名。而使兆民受亡國之慘痛。為保存共和國體。保全宗畿人民。保持南北統一計。迫不獲已。始有本日國會改選之令。忍辱負重。取濟一時。各聲如痛。內疚神明。所望各省長官。其曾經發難者。各有悔禍厭亂之決心。此外各省。亦皆曲諒苦衷。不生異議。庶幾一心一德。同濟艱難。俟秩序回復。大局粗安。定當引咎辭職。以謝國人。天日在上。誓勿食言。黎元洪。

第四類 共和

創設東亞大同社宣言

元洪德薄才鮮。荆楚一武夫也。於世良愧無濟。惟持此熱心熱血。以與天下相見而已。職陸軍時。飲恨專制。竊憤德中集。忤然欲動。迨瑞澂督鄂。則尤悖甚。憑凌吾族。肆其野蠻。煽熾淫威。株連風影。剝膚之痛。刻不聊生。是可忍也。孰不可忍。甫經袒臂。從者疊肩。眾志成城。瞬息光復。誠非起義初志。所逆料者。深愧未遑建設。復貽漢上蹂躪。不穀無良。罪誠莫逭。幸天下英雄響應。復克南京。消虜捲旗。和議始建。造成民國。得達共和。乃荷公推。委膺斯任。歸功失當。衾影多慚。回憶孫中山二十年社會鼓吹。艱困備嘗。始達此興漢目的。執熱得濯。何敢忘飲水之源。今幸我同胞早有同心。羣興社會。以化除融洽為宗旨。期強民富國之前途。大哉懋矣。惟願從此抱定

宗旨實行。復何慮外來之侮。第恐內容遠背。則不堪設想於將來。不惟夫禦外之權。將反蹈召禍之轍。內閣黨禍。外戚瓜分。倒持太阿。受人以柄。滅亡之慘。曾不旋踵。迨及噬臍。將何補救。言念及此。最難難安。元洪不敏。竊願附驥登龍。創設東亞大同社於武昌。建設交通部於滬上。不以集家為急務。惟以從家為大經。以輔各團體之進行。以補各團體之不足。眾有義舉。首贊成之。眾有失和。首調處之。其間果能融洽。元洪不敢居功。其間設有離羣。元洪不敢辭咎。現身說法。促進共和。初非對黨之私心。力正徇私之時弊。天人共鑒。元洪此心。惟願各會各黨同胞。曲鑒愚誠。痛除畛域。交融水乳。黨禍不興。庶中華鞏固。永無外釁之乘。民國莫安。可冀富強之日。大局幸甚。元洪幸甚。謹言。

覆伍秩庸溫宗元汪兆銘三君

銑雷悲。自議和以來。往復商榷。將近兩月。十回百折。頗費經營。如此不辭艱難。不避勞怨。以顧惜無數生命。保全無數財產。卒能和平解決。造成共和民國。其德無涯。其功無量。此時大局初定。百廢待舉。仍乞大力維持。建設完全共和民國。則不獨頌締造之功。即萬國亦莫不慶平。和之福。元洪自慚才疏。惟冀時賜教言。以匡不逮。不勝禱盼之至。

致孫總統論除意見

項城真寔。諱已入覽。此後組織中央。統一南北。及一切建設方法。在在皆重要問題。稍一失著。即足以啟內訌。而招外侮。閣下學識最精。內政外交。早深研究。當必胸有成算。解決進行。但刻

下各省人心。尤必須協同一致。共襄大業。始易弭隱患而促成功。元洪於鄂屬各軍及各部處業。經本此意通飭。期相勉勵。其他省各機關處。應請由尊處通知。以便拔除意見。各東大公。摩趨於至當不易之辦法。毋使民國前途。稍有阻滯。實所欣禱。區區微忱。即希亮察施行。

致中央及各省消除私念

武昌起義。原謀國利民福。毫無自私自利之念。參雜其間。故不匝月而全國響應。可見我民國起義諸同志。無遠無近。無先無後。均同此光明正大之公心。始得有今日效果。乃不意專制政治。尚未盡除。而假共和以遂私圖之事。迭次傳聞。或假之以謀私利。或假之以報私怨。或假之以蹂躪商賈。或假之以侵損人權。種種怪狀。人道何在。是又豈起義時我同志始願之所及哉。革命軍起。革命黨消。此固有識者之言。某等敢進言曰。共和國之革命軍消。蓋以破壞易而建設難。不如此不足以收盡全國之俊傑。而共救時艱。凡此所述。皆少數不肖輩之所為。實非我大多數同志之所預料。羅蘭夫人有言。自由自我而生。自由自我而死。言念及此。為之寒心。若不早補救。是武昌為天下後世之罪人。用特通告。務乞垂念民國之成立不易。各相監督。毋令此不肖之輩。得假公名以遂私謀。人方謂滿洲去而民國成。某等則謂滿洲去而民國建設尚屬初步也。莽莽神州。功魁禍首。言之殊深危懼。想全國同志。必不河漢此言。

准旗族自由入籍示

照得共和成立。五族一家。凡屬滿蒙回藏人民。同係中華民國國民。即應風同道一。修好釋嫌。更無

種族畛域之見。查上年清廷與民軍議和條約內載：待遇滿蒙回藏第六條，從前營業居住等限制一律蠲除。各州縣聽其自由入籍等語。當經雙方簽押。萬國周知。成為定案。所以尊重人道。鞏固國基。示大同而收統一。法至良。意至美也。但此四族人民，除藏人遠處西陲罕至內地外。回人則散處中原。已成習慣。業與漢族耦居無猜。蒙古人則元代已有隨便居住之制。亦在同化之列。惟滿族及蒙古旗民，當前清開國之初，限制過甚。以致人無執業，家無恆產。生齒日眾。額餉不敷。貧困無依。情形可憫。前清之執政，殊有乖人道。是以民軍義師一舉，各省旗民順從。本省荊州駐防，以經繳械領餉。該旗民等所以舍清廷而歸民國者，原以希望休養生息。寬大之政。但發給餉料，乃維持現狀之事。其根本至計，仍須按照前議聽其自由入籍。必使旗民有自謀產業之方。而後國家無生計之累。須知民軍革命，專為政治改良。平等自由。五族有同享之利。益斷無令該旗民獨自向隅之理。誠恐各地方人民未盡周知。或妄生疑慮。為此仰各府縣軍民人等一體知悉。嗣後各該地方，遇有旗人入籍置買田宅營業居住等事，著與本籍人民一律平等看待。聽其自由。並由各地方官出示保護。各自治紳董力予維持。務須親愛同胞。共臻上理。慎勿此疆彼界。我詐爾虞。所有土民客民從此親仁善鄰。講信修睦。始媾相結。財貨相通。不得有需索把持欺生排外等弊。如有造謠生事違背法理擾亂治安一經發覺即仰該管地方官按律治罪。以符民國大道為公。不使一人失所之至意。其各遵照勿違。

復雲南唐繼堯等共善法治電

萬急雲南唐督軍慶岑雲階先生上海梁任公先生貴州劉督軍永州譚送陞督軍等同鑒承電示撤銷軍院愛國之忱昭然若揭溯自帝制議興波詭雲譎輸贖費造意緣法飾非舉國皆瘡莫敢發難湏焉首義薄海從風合議機關應時成立披雲見日再締共和則是軍院諸公大有造於民國也項城長逝責在貌躬猥承諸公擁護之殷提撕之切約法國會獲慰初心雖幸免乎愆尤猶自慙其濡滯諸公乃主持正論踐履前盟舉重光之日月還我國民掣百戰之山河歸諸政府從此民有常軌國無曲師藩禍不興鄰氛自戢則是軍院諸公尤大有造於後世也共和國家匹夫有責同舟共濟端賴羣材元洪憂患餘生久矣權位布衣歸老於願已償祇以約法所推責任攸寄思與諸公左提右挈宏濟艱難推誠以結邦交虛己以從輿論一日在位萬民具瞻方今財政拮据文治靡靡內憂外患紛至沓來補救之難百倍疇曩尚望不我遺棄相與有成毋以收拾軍隊為天職已完毋以召集國會為人心已定毋以恢復約法為遂躋法治毋以懲辦禍首為永絕官邪率此臨事而懼之心或收通力合作之效此則元洪早作夜思願與諸公共勉者也軍務院已撤銷一切善後事宜仍希隨時電告共籌結束其有奇材懇績為國賢勞者並希臚舉事實藉備延攬元洪洽叩。

附雲南唐繼堯等來電

萬急大總統國務院各部總長參議院眾議院各省都督將軍巡按使並轉各鎮守使歸化康承德府張家口都統北京英文京報國民公報轉各報上海時事新報中華新報轉各報

鈞鑒。軍務院第六號布告文如下。帝制禍興。滇黔首義。公理所起。輿情一致。桂粵浙秦湘蜀。相繼仗義。其時因戰禍蔓延。未知所屆。獨立各省。前敵各軍。不可無統一機關。爰暫設軍務院。為對內對外之合議團體。其組織條例。第十條規定。本院俟國務院依法成立時撤廢之。等語。屢次宣言布告。一再聲明。今約法國會次第恢復。大總統依法繼任。與獨立各省。最初之宣言。適相符合。雖國務員之任命。尚未經國會同意。然當國會開會時。元首先任命。以俟追認。實為約法所不禁。本軍務院為力求統一。起見。謹於本日宣告撤廢。其撫軍及政務委員長。外交專使。軍事代表。均一併解除。國家一切政務。靜聽元首政府國會主持。為此布告天下。咸使聞知。唐繼堯。岑春煊。梁啟超。劉顯世。陸榮廷。陳炳焜。呂公望。蔡鈞。李烈鈞。戴戡。李鼎新。羅佩金。劉存厚。叩寒印。

宣布各省撤銷軍務院令

據唐繼堯。岑春煊。梁啟超。劉顯世。陸榮廷。陳炳焜。呂公望。蔡鈞。李烈鈞。戴戡。李鼎新。羅佩金。劉存厚。等。寒日電稱。軍務院已於七月十四日。宣告撤廢。其撫軍及政務委員長。外交專使。軍事代表。均一併解除。國家一切政務。靜聽元首政府國會主持。各等語。慨自改革以來。迭經變故。矩矱不立。變亂弘多。法紀陵夷。民生塗炭。本大總統繼任於危疑震撼之際。遵行元年約法。召集國會。組織責任政府。力崇民意。勉任艱虞。該督軍等。顧念時危。力闢大義。撤銷軍務院。及撫軍等職。納政務於一軌。躋國勢於大同。義聞仁聲。曠如日月。千秋萬世。為國之光。惟念大局。雖

學殷憂未艾。宜如何栽培元氣。收拾殘餘。永絕亂源。導成法治。補苴罅漏。經緯萬端。來日之難。倍於往昔。所期內外在官各深兢惕。同心協力。感致祥和。以成未竟之功。益鞏無疆之業。本大總統有厚望焉。此令。

撫慰蒙民令

自民國成立以來。五族一家。不分畛域。各蒙古王公等。亦皆深明大義。翊贊共和。邦國前途。實深嘉賴。本大總統德薄能鮮。忝膺重任。凡從前所定優待各族條件。暨待遇蒙古條例。繼續遵守。勿敢或渝。夙夜兢兢。惟以撫輯邊氓。綏靖疆圉為急務。方冀各旗官民人等。安居樂業。同享昇平。乃近有不肖匪徒。聚眾滋事。奸淫擄掠。殘殺無辜。以致少壯死於鋒鏑。老弱轉於溝壑。流亡載道。良用惻然。茲特派塔旺布魯克扎勒丹巴達爾齋為宣撫使。撫慰蒙民。詢問疾苦。各旗官民人等。如有下情壅於上聞之處。儘可據實陳訴。由該使隨時入告。本大總統勤求民瘼。必當設法綏安。以慰各旗喁喁之望。著各該使立即分赴蒙疆。切實宣慰。其有未明近政。阻眾自衛者。併著酌量撫恤。俾安生業。此令。

誥諭勿圖私利令

納民軌物。理世之經。綱紀戾常。談治所病。軍興以來。國事搶攘。羣生寥逐。秩序蕩然。本大總統受任之初。即以導成法治為己任。宣言內外。設的向趨。邦人君子。怵於危亡之大勢。扶持患難。相冀有成。惟有少數之人。每圖一偏之見。或阻眾集議。凌軼範圍。或隱庇逋亡。託名自固。甚且

排斥官吏。樹植黨援。假愛國為名。實召亡之漸。盱衡時局。良切隱憂。須知國勢顛危。有如累卵。兼程並赴。猶慮後時。再有跌宕之形。立召分崩之駭。國且不國。私利何存。倘能識厥從違。尚望翻然自省。若仍不顧大局。一意孤行。國法具存。公論胥在。本大總統為捍衛國家計。亦不能不籌所以善其後也。此令。

第五類 時局

致哀總統及各省痛陳時弊

整軍治民。分途異轍。自各省光復。軍人秉政。習為故常。當時義幟初張。戎衣未定。敵兵逼處。伏莽潛滋。非假軍威。斷難鎮攝。自是厥後。流弊叢生。略奉數端。仰塵清聽。文武兼資。古難其選。方柄圓鑿。必債事機。夫以各省都督。其深嫻韜略。熟計民生者。豈不就熟駕輕。泛應曲當。然片甲不更。高才難繼。設或滑陸無武。絳灌無文。榮感政策。督亂方略。學識所蔽。左道乘之。巨奸倚為窟巢。悍將憑為傀儡。馴至禍機四伏。眾怨沸騰。民力竭而不知。軍心懈而罔覺。明德為累。大局偕亡。其害一也。各司人員。端資素學。才有獨擅。業有專攻。類象羣分。源清流汰。今使與軍界同隸一尊。用人則妄事鑽營。處事則橫加干涉。甚至把持賢路。接挽私人。以國家行政之權。為將士酬庸之具。稅關礦局。察院而據要津。錄事科員。解甲而談兵藝。一人迫脅。全局動搖。俊彥聽聲。士夫戴額。其害二也。開牙擁燹。黨然自雄。號召徵券。多多益善。寓客僑民。流氓賤隸。濫名糜餉。寃逐其間。紀律廢弛。鎗械置乏。以彈壓則不足。以紛擾則有餘。夫當此隣交未定。國難方深。

在上者不以為心腹之憂。而以為爪牙之利。洲民擊處。大禍循環。若墮深淵。罔知所底。其害三也。軍隊既多。急謀支應。地方賦稅。予取予求。暴斂苛捐。威迫計誘。疲民以逞。竭澤而漁。羅掘既窮。乞靈外債。恣財贖戎。逞恤其他。甚至搜括萬家。餓殍之費。不足供一軍衣冠之費。森森戈戟。剝骨剝心。子子旌旗。塗膏疊血。債臺疊積。大陸淪胥。其害四也。司法獨立。憲國所同。八議之條。已成錫狗。所以銜通民隱。保護法權。拔克防奸。脅歸約束。自重兵在握。任意執行。假軍法為護符。視民命為兒戲。甚至無辜士庶。遽起青鋒。未獻官員。橫罹黑彈。帝閣不開。閭曹難問。吞聲斂涕。莫敢誰何。茂蔭春凋。克霜夏結。茫茫慘酷。不辨晦冥。其害五也。軍興以來。瘡痍滿目。農工艱業。商賈凋殘。撫死卸傷。未遑籌議。今分遣軍隊。駐防外縣。奉命遠來。龐然自大。勾結紳吏。蹂躪閭閻。有司不敢繩。委員不敢懲。高堂廉遠。惟強是從。搶掠則白骨埋冤。姦淫則紅顏畢命。殺氣所薄。江水為哀。猶復粉飾其詞。掩人耳目。商民解體。老弱遁逃。邦本既傾。國運以盡。其害六也。仕途擁擠。餬口無資。懷刺塞塗。挾竿穿限。女無媒。面員笑。士無介。而呈身。捷足者宣驗。標門者獻望。乃復聯絡軍人。結集會社。蘆中窮士。競逞辯鋒。援下先生。爭談時政。隱善闡惡。則四座快心。假公濟私。則萬夫鼓掌。羽翼既盛。膽魄俱雄。軍營一呼。政界俱倒。雖有聖智。亦難維持。其害七也。軍民並轄。積厚培高。權力之專。誰與倫匹。夫位高則啟爭。勢重則招軌。綜一省軍官。最高之級。何啻數百。綜一省政界。最優之差。何啻數千。一人更動。全局推翻。稍擁重兵。即圖反側。縱使服從命令。遵守範圍。而遊士亂民。羣相趨附。謠言熒聽。沒語錄金。假部命以觀兵。托民若而

伏罪。兵連禍結。更擅為雄。鵠蚌相爭。依蟲共化。其害八也。兵權既重。省界斯分。畫畛區疆。各為風氣。鄉鄰有闕。則開戶不前。越人警弓。則含笑而道。其或擴張權力。消納亂兵。以近省為尾閼。藉鄰封為甌脫。鄭艾周稻。楚列吳瓜。蠶綿紛萬。靡有底止。內訌不息。外患相乘。其害九也。強藩坐縮。閩外自專。厚集黨援。廣招朋類。上不承於總統。下不謀諸庶民。叱咤則山嶽為崩。揮霍則江湖俱竭。稍有異議。立煽兵變。猶復封章乞骨。露表陳情。陽居諫讓之名。陰示把持之實。雖有中興政府。亦苦於張孤不弦。長鞭莫及。周代列邦。唐朝藩鎮。積重難返。可為寒心。列強耽耽。已操成算。遷延不改。即名瓜分。其害十也。凡此十害。皆由於軍民不分。範圍太廣。流弊所趨。雖賢者亦有不免。而今日軍界。尤為可危。一曰無道德心。三軍餉糧。供自兆民。愛國衛鄉。根諸天性。迺欲敗度。任意橫行。予女玉帛。視同性命。譬彼輪機。稍觸即發。淫心熾於俄頃。貪念勃於崇朝。甲仆乙興。此呼彼應。遂至城郭莫適。市廛焦土。漢池九仞。祇賸殘灰。秦獄十年。猶存怨氣。雀符潰散。盜賊橫行。誰為厲階。至於此極。二曰無法律心。軍人天職。首重服從。萬夫一心。如臂使指。迺拔劍擊柱。網紀蕩然。發令則詆排。吏官則鼓噪。甚且勒索重餉。迫脅長官。土芥營規。弁髦軍法。爵祿不足摩其忿。刀鋸不足懾其心。徵調拘於飛符。淘汰窮於善笑。毒風所煽。全國蔓延。瓦解土崩。亡行無日。三曰無責任心。國民從軍。具有義務。有事則禦侮。無事則服勤。迺呼朋嘯侶。河上逍遙。酣嬉酒肉之場。徵逐笙歌之隊。軍事戰術。懵然罔知。國難民艱。夷然弗恤。投戈棄甲。共做天口。錢不知身為何人。兵為何事。人心已死。大命將傾。瞻望中原。不知誰主。夫以今日絕續。

存亡千鈞一髮。但使有一於此。已足亡國滅種。而有餘而況險象之俱備乎。日月幾遷。河山猶昨。成功由於軍人。而致敗亦由於軍人。自我得之。自我失之。此志士所為深哀。而強鄰所為竊笑也。竊謂消隱患於無形。垂宏規於久遠。惟有將軍務民政劃為二途。民政長綜攬政綱。必須臧諸議會。命諸政府。凡現設各司局。除路航郵電鹽稅海關應劃歸政府。不立專政。司法獨立。直隸中央。其餘之政。概歸民政長管轄。以一事權。財政一司。擗節核計。綜一省收支之款項。交會議決。而歲納其部。庶可以統一政權。維持國力。至每省定一都督。專轄軍隊。悉歸中央委任為制。一除干預政治。擅舉軍官之弊。此外各項名目。概行取銷。實行徵兵制度。以便訓練。劃分區域。招選土著。除長官外。均不許各兵攬雜。及年則入伍。滿限則歸農。則全國皆兵之制。可推行也。統籌國防計畫。以利指揮。更開學校。編定教科。俾目的有共趨。眼光有專注。一朝有警。執挺撻兵。則同仇敵愾之心。可預致也。天千金之喪。必振其領。百尺之網。必挈其綱。果能分事程功。和衷共濟。為國家保秩序。為人民樹楷模。民國之基。未有不鞏。諸萬世者。在昔東瀛丕變。首撤強藩。北美崛起。先聯各省。軍民分權。有條不紊。古今中外。理有同符。明知積習已成之時。改絃更張。必滋異議。然千夫交指。不虞帝制之自為。七聖俱迷。當懼天心之難障。必欲偷安旦夕。稱快一時。東帝西王。上行下倣。人道滅絕。國法淪亡。莽莽神州。不亡於滿廷之親貴。而亡於民國之英雄。不亡於專制之淫威。而亡於共和之初政。試問諸公。數十年來。慘澹經營。呼號提倡。改革之謂何。得毋變本加厲。與初心相刺謬乎。元洪風隸戎行。未嫻民事。倉卒之間。謬蒙推戴。

舉鼎覆餗。拋填索塗。蒞職以來。時虞傾越。頃復憂勞。文瘁精力日枯。每念及鄂中父老。顛連困苦。良用惻然。推原罪首。萬死難辭。何敢久以輕材。妄膺疆寄。何況西江月冷。粵海風悽。六詔聲聲。五溪兵氣。槍烟罪於蘇滄。彈雨濺於蕪城。蜀道則骨肉流離。隴水則肝腸斷絕。近更鄂州。辨屈徵府。呼援錦繡河山。竟無淨土。如丘自煎。如瓜自剖。爭權攘利。同投外人。哀我子孫。淪為奴僕。萬劫不復。職是之由。言既有所不敢。默復有所不忍。日坐針氈。淚痕滿面。椎心泣血。若鯁在喉。中夜旁皇。戰衣俱濕。誠恐失此不言。將更無偷生之望。不得不痛陳時弊。妄瀆鈞聽。如蒙俯賜贊成。即請將此議交院。立予表決。致進行。元洪不才。當先率鄂中軍界。為天下倡。微特朽索奔駒。自輕負擔。亦且孤舟駭浪。獲慶安瀾。異日皇輿鞏固。漢族長存。飲水思源。胥由公賜。生死問題。爭此一著。臨風禱祝。泣不成聲。瞻望旌麾。伏希電覆。

致大總統參議院論時局

六部改組。竟成泡幻。誰為厲階。遂使莽莽神州。陷於無政府地位。國之不存。黨於何麗。籌思及此。五內如焚。推厥原愆。皆因誤解共和。漫無界說。憲章不振。秩序紛如。內訌不已。外患斯乘。不有法律。其何能國。元洪內察我國之現狀。外審列強之視線。蠱測所及。不能不為大總統暨參議院諸君痛切陳之。按文明國法律原則。命令不能變史法律。然當非常緊急之時。得發大權命令。緊急命令。是命令可濟法律所不及。我國政府。一日不鞏固。即外人一日不承認。元洪之禍。近在眉睫。此誠危急存亡之時矣。大總統受國民委託之重。責有專歸。應請當機應斷。無徇

黨派無拘常德。但以民福國利為前提。並按約法第十五條第三十一條三十六條。得以救活從事。庶幾秩序不紊。而邦本以甯。元洪以期望於大總統者此也。參議院諸君為國民代表。即為國家命源。立法之機關停滯一日。即政府之危險增加一分。爭議不決。延宕時日。如國家何。如大局何。議者謂前清之亡。既由立憲。後來之禍。亦在共和。諸君偉畫蓋善。諒早詳及。人孰無心。何忍出此。惟望知識互換。意見消融。不隸黨籍。但謀福利。共促國基之鞏固。勿滋他族之狡謀。庶共和前途。視此為轉圜。國會基礎。賴此而穩健。航航諸公。甯容代慮。元洪之切禱於參議院諸君者此也。尤有進者。財政之磋商。日形困難。鄰邦之謀議。正在進行。毫釐偶差。千里貽誤。稍縱即逝。間不容髮。長此牽延。強濟何及。元洪才疏補苴無術。覆巢可慮。堂燕何安。惟有訴請各都督。共扶綱維。以救危局。自茲以往。大總統主持於上。各都督維持於下。並請參議院諸君速為贊同。俾國務員即日表決。政府早日穩固。勿啟外人以無政府之騰誦。而生其覬覦。元洪雖犧牲性命。冒犯斧鑕。誠不忍坐俟滅亡。享止沸沃羹之餘。偷樂積薪之下。故於政黨榮譽。無不贊成。意見爭執。決不阿附。謹蒙駕駘。為諸君後盾。前車既覆。來日大難。疹恤時艱。欲揮無淚。臨電嗚悵。不盡神馳。

致各省痛陳時事

軍事救平。閭閻更易。磨光刮垢。如月重輪。元洪逃在下風。獲遠純蝦。袒拒摩力。敢不拜嘉。然天步方艱。禍源未泯。干戈可以定亂。而不能攻心。羅網可以除奸。而不能防口。一年以來。政府於

亂黨亦既周旋。曲至矣。卒之貌合神離。始親終叛。一隅倡亂。全國騷然。高台召雷。空谷來風。毋亦謹於防閑。而疏於修省歟。夫大功者。罪之導也。奇福者。禍之媒也。今者渠魁四逸。餘孽未清。潛藏者。約將養毛。就撫者。鷹猶帶眼。亂離之後。繼以凶年。潰敗之餘。成為流寇。明烈帝撤邊兵。以防閑。既虞根本之動搖。唐代宗勅勦將以開藩。復慮威權之潛降。人以為卿雲旭日。洪以為虎尾冰淵。人以為磨石金湯。洪以為羊腸劍閣。前事不忘。匹夫有責。當此改組更張之際。竊敢與朝野上下一商榷之。政府之弊。待革多端。要其大者。可得而詳。民國初立。綱領未張。節制枝披。為日不足。行政則多於用智。而少於推誠。理財則明於治標。而昧於培本。交鄰國則曲為遷就。而無先機疾赴之方。待功人則虛與羈縻。而無默化潛移之術。有一於此。未或不危。尤以用人最貽口實。任賢之道。責在深知。祁奚舉親。聖人所許。然豐沛舊人。濠泗宿將。固於一系。反似不公。可議一。霸道既創。英主叠興。必任中才。以為易制。使貪使詐。相習成風。然其興勃焉。其亡忽焉。况在民邦。迭為公僕。何猜何虞。不為遠計。可議二。處士虛聲。謬相標榜。譬彼畫餅。不可療飢。勝國瀆流。何裨國是。啟浩誥。國前鑒匪遙。邦本浮搖。豈堪輕付。可議三。遊士叫囂。元功跋扈。挾持朝政。自帶已然。餌位則驕。折鼎覆餗。莫敢誰何。可議四。利民福國。政黨所崇。吾國政客。茫如朦朧。或阿以營。或攻以挾。終南捷徑。廉恥蕩然。別派開山。分支樹幟。鳴鳩偕侶。二三為群。官職有濫。黨會無畔。調停敷衍。雖聖猶窮。可議五。凡此數端。無能曲諱。甚至趙內閣成立以後。六閣員石決之時。政府竟以下駟充乘。散材架屋。泄沓因循。載離寒暑。自隳國勢。輕失

人心。誰為政府畫此策者。豈不大可慨哉。然而害必由於所啟。弊每生於所防。元洪竊行衡禍。始未嘗不太息痛恨於約法也。夫同意彈劾。兩不相容。徵諸法理。尤難強合。晚近以來。宦途愈靡。二三豪傑。每起然於政黨潮流之外。或蜚居窮巷。或退處閑曹。或辱元下僚。或廁在遠地。韜光斂曜。惜羽珍毛。誰肯置身於國會之前。以供其否決。而闖羊柔靡者。乃得以拔茅連茹。旅進旅退。上承總統之頤。中伺國會之息。下迎司員之心。國家大計。隨諸異漢。賢俊日遠。政治愈頹。迨其失職。國會不敢彈劾也。彈劾則無解於前日之贊成。政府不敢罷斥也。罷斥則最難於復人之繼任。卒至勢不相安。決然舍去。一總長堅辭。而全部停矣。一總理潛逃。而全院停矣。漢武丞相。明思輔臣。庸材相尋。元樞迭易。如奕甚然。豈有結局。何莫非同意之弊。有以致之。况絕續之交。屢陷於無政府乎。且定法諸公。豈不以是歲抑僉壬。防閑專制。然錯營之夫。何孔蔑入。知利祿之可以階致也。則皆聯絡議員。奔走政客。以聲氣結英俊。以金錢賄貪頑。託黨魁為揄揚。獻證書為援繫。區區同意。予取予求。眾口既箝。高官自賞。誰復為國家負重任者。而政府用人失當。行政日非。轉得以國會牽制之言。自解於天下。此豈立法諸公之始願哉。夫用人者。治國之本也。制法者。立政之基也。未有私念參於其間。而可久安長治者。伏願大總統開誠布公。與民更始。求才必慎。用才必堅。砥礪廉隅。滌蕩瑕穢。虛己以聽。立賢無方。國務諸員。各啟乃心。嚴守權限。堅忍沈毅。不為外抗。毋輕入而不董。毋曲學以取容。毋畏難以苟安。毋避罪而求去。尤願兩院諸賢。詳定憲法。規畫遠謀。俾各部總長。悉聽政府之自擇。而一切禁糾掇接之制。皆所

當刪信之也。專則責之也。重善無顧慮。惡無遁詞。其為裨益。豈有涯涘。元洪奉治軍旅。人微言輕。况當戰勝之時。為逆耳之論。免罪為幸。誰所願聞。然狂夫之言。聖人擇焉。夫差驕於會稽。而舉國為墟。若教狃於蒲騷。而全軍盡沒。蓋存亡治亂之機。判於寸心。移於俄頃。不可不慎也。伏願大總統無忘京畿之被刺。元洪無忘陽夏之被圍。兩院諸賢無忘請願滿廷之被逐。勵精明慎。相與有成。或者吾國猶有豸手。江波不澄。塞雲方黯。獨行踽踽。維音曉曉。瞻望首都。為其有極。

第六類 政治

致各報館論軍民分權

各報館鑒。侵電諒遠。軍民分權。為當今正本清源之策。優游不斷。貽患滋深。元洪推魯武夫。恨不能見微識遠。倉皇推戴。竟作禍魁。天下滔滔。不堪回首。往者不諫。來猶可追。鄂省民政長一席。已交臨時議會公舉。昨十六日開會。全體舉樊君增祥當選。樊君鴻才卓望。海內斗山。元洪素所欽仰。將來察吏安民。承流宣化。必能造福吾鄂。庸才得代。距離無量。伏乞大總統迅予委任。並電催樊君。尅日起程。一俟文從到省。元洪當將民政概行交代。專管軍隊。口口倘駐。餘願猶存。經武整軍。請訂禦侮。責任所在。九死不辭。仍希諸公時錫教言。共措危局。尤為厚幸。臨穎引領。無任瞻依。

覆袁總統論軍民分權

魚電悉整軍治民。分途異轍。自各省先復。軍人柄政。習為故常。推其流弊。何可究詰。元洪風隸戎行。未嫻民事。舉鼎覆餗。拋填索塗。濫職以采。時虞潰越。近復憂勞交瘁。精力日枯。何敢久以輕才。長膺疆寄。當此戎衣初定。國步方艱。固不忍存潔身引退之心。亦不願貽負乘致寇之罪。再四思維。惟有將軍務。民政劃分兩途。分事程功。庶有神益。樊君增祥。馮才碩學。物望所歸。以之專任民政。必能駕輕就熟。措置裕如。前以內務司長相逆。本擬俟至鄂中。再行發表。奈屢徵不起。不得不述明意見。乞助鼎言。倘蒙俯賜成全。微特元洪責任。得以稍輕。且可藉湖北一省。為天下倡。究應如何辦理。及定名之處。希即裁奪。先復為盼。

附袁總統覆書

虞電悉。驚浪烈風。悚息津液。壯誦一再。樊慮為開。晚近人心。多私功利。禍患之作。此為厲階。來電深鑒軍人柄政之弊。擬將軍務民政。厘然分途。自鄂為倡。以資表率。非行如曾閔。學如程朱。安能及此。舉國如公。登黃農而抗歐。夫矣。軍民分權。古今通義。建武之中。歸重刺史。乾德之季。分寄漕司。百年昇平。蓋本諸是。東瀛府縣。西歐州部。亦與軍民離而不合。方鎮行葦。得失可知。詳釋名論。古今不易。我公勲德。區域罕儔。兼容並包。緝有餘裕。乃復謙抑。垂慮久遠。公為先導。其孰敢後。高義盛懷。惟在撫亂。不敢逆許。又不忍違。當集學理兩家。研究再四。外省官制。必本偉論。名稱一切。頗難適宜。就近制言。布政巡撫。追溯其源。皆民吏也。直稱知事。又嫌小過。茲擬名為民政總監。為全省民政之長。刻正草具官制。俟既議通過。即行發表。

在官制未定以前。似宜仍用民政長名稱。即布卓裁示復。以便任命。禁雲門處。現已婉電敦促赴鄂。我公維持大局。優禮名賢。皆推卓絕。盪淘紛督。福壽斯民。一言興邦。公真不朽。世凱蒸。

致中央及各省論軍民分治

軍民分治。鄂已實行。近措置已有端緒。遠德聯邦會長之政。近鑒督撫專權之弊。官制既定。軍政民政分職。各殊。雖時地異宜。措施容有先後。而大端不可改更。夫光復之初。戰在國內。民戎事可以並治。光復以後。戰在國外。若以文吏兼統軍民兩政。身無戰術。士卒豈聽指揮。若以軍官兼統軍民兩政。遇事出征。地方誰為主宰。乃胡都督既有商榷之條。程蔣孫譚張李柏各都督。亦陳討論之議。原諸公圖治之苦衷。無非為保全治安。維持現狀起見。雖贊同之與抗議。不厭求詳。惟幸無可否之問題。不過時期之討論。元洪蔡蔡內外。權衡重輕。謹據管窺。更申芻蕘。夫歷代弊政。無過滿清。滿清弊政。無過咸同以後。皆督撫民兵兼並。民政鹽司為其奴隸。郡縣此於輿台。以至好惡任心。法紀擾亂。民國肇造。豈可不鑒前車。顧慮慮事權牽掣。運掉不靈。不知中央如首領。各省如肢體。政權統一。何慮分權。各都督遠謀勝算。不拘近切利害。易明公私。易判所願。率行大法。一德同心。若夫伏莽未平。軍裝難別。自可畧寬。限次第改更。期限既滿。即不得以他端藉口。內政隆污。胥判諸此。至於外界風雲。變幻不測。軍事運用。妙在一心。追維前清之失。既由軍權之不清。歷觀列邦之強。實賴軍政之統一。夫以外患侵凌之急。都督擔負

之重。萬一有事邊陲。張我師旅。對外之策。自急於對內。治兵之責。尤重於治民。不有居者。誰守社稷。不有行者。誰捍牧圉。惟先事之預防。乃有備而無患。諸君將為維持現狀。目前時期有緩急。而捍禦外侮。則職權有專。元洪組織進行。心力交瘁。非敢膠於故見。實為慮及將來。區區之愚。實為老馬。維諸君諒鑒。

致中央及各省實行軍民分治

鄂省軍民分治。已於七月一號實行。所有內務財政教育實業事項。元洪於昨日交代。心源即於昨日接印視事。其司法交通外交事務。暫附民政長管轄。俟官制定後。直請中央。此外鄂省陸軍軍隊學校局廠。仍由元洪擔負。伏念元洪不才。謬荷三軍推戴之殷。兆民保託之重。參列彊寄。弦望九旻。綴拾補苴。智盡力索。天畏民鑒。斯夕徬徨。幸國民恕其慙辱。大總統矜其顛邁。解除民政。稍卸仔肩。心源猥以疏庸。謬膺任命。明知才力竭蹶。無裨時難。惟當民國締造之始。樊山未出。代理需人。不得不勉策駑駘。暫行承乏。仍請速催樊山。早日蒞任。以重專職。而免負事。心源在職一日。即盡心力一日。斷不敢以暫時瓜代。意存委卸。仍懇大總統時賜訓言。各省都督共與維持。以端基礎。臨電屏息。無任悚惶。(民政長劉心源會銜)

覆大總統協商政策

軍密。捧讀條電八綱。茲事體大。於中國政治前途。極有關係。大總統具閣中肆外之嘉謨。奮長駕遠馭之偉略。熟籌審度。計出萬全。孫黃兩先生業表同情。元洪粗知大體。自當贊成。政策畢

定公理無殊。交資互益。勉為後盾。嗣望時加訓誡。無任悚惶。

附表總統來電

連日與孫黃二君商榷內政進行方針。由凱開出大綱八條。(一)立國取統一制度。(二)主持是非善惡之真公道。以正民俗。(三)暫時收束武備。先儲備海陸軍人才。(四)開放門戶。輸入外資。興辦鐵路礦山。建置鋼鐵工廠。以厚民生。(五)提倡資助國民實業。先著手於農林工商。(六)軍事外交財政司法交通。採取中央集權主義。其餘斟酌各省情形。兼採地方分權主義。(七)迅速整理財政。(八)竭力調和黨見。維持秩序。為承認之根本。以上八條。孫黃皆表同情。如執事亦予贊成。即作為我四人協定政策。嗣後進行事件。即懸為目的。以決疑義。而杜亂言。諸祈教正。盼速電復。

舉辦自治令

自來鄉遂州黨。率啟良規。當夫鄉老。允稱善制。我國自治精神。已昌明於往古。徵諸東西各國。凡地方繁盛之由來。胥因自治制度之完善。蓋為官治之輔佐。謀公益之振興。循序進行。社會於以發展。法至良。意至美也。清季舉辦自治。各項章制。粗具端倪。民國肇造。廢續前規。中更變故。遂以停頓。本大總統受任以來。深惟致治之道。宜在於此。而歷年成效未彰。非自治之不良。實由於立法未周。易滋誤會。廢置不舉。怒馬可憂。現值百度維新之際。以民治為基礎。自應要定良制。尅期舉行。著內務部迅將地方自治制度及舉行自治一切事宜。研求至當。分別釐訂。

務以適合國情民意為根本之建設。庶幾推行無阻。漸進大同。有厚望焉。此令。

第七類 政黨

覆共和黨

佳電悉。國家強盛。端資政黨。吾國自改革以來。民智初萌。未暇及此。賴諸公宏謨偉功。首倡宗風。春雷動而萬木青。晨雞鳴而四山白。高山振響。薄海從風。猥採虛聲。辱推宗表。學疏責重。愧懼交并。惟念理事諸公。五族耆賢。參事諸公。人倫模楷。全國人才。於斯為盛。雖燭火之明。見差日月。而素絲之質。願附永藍。謹當勉竭愚忠。仰徇尊命。尚望吾黨同人。堅持宗旨。共闡政綱。合世界為眼光。本國民為懷抱。不爭權利。不矜名譽。不恤身家。瓜可摘而不解其餘。葵可焚而不待其變。羣策羣力。以有成也。豈惟全國之福。我黃帝在天之靈。實式憑之。望風色喜。無任瞻依。

覆共和黨就理事長

電悉。方今黨派分歧。各樹一幟。輒促共和。毫無實效。伐憎阿好。舉國騷然。諸公策五國為一致。進全國於大同。集益廣思。允堪模楷。元洪何德。謬蒙推舉。稟葭倚玉。且感且慚。尚希排蕩橫流。發揮宏願。監督政府。導正國民。扶顛持危。實共賴之。元洪應為我共和黨請公三呼萬歲。

致各團體論政黨

竊維羣治進化。政黨攸關。確立綱維。諒求國是。銜達赴的。非向懸針導機。體於健全。從文明之

進步。組合徵之毅力。競爭。持以公心。雖曰赤幟紛張。眾言淆雜。而縱經橫緯。必竟其端。萬道千途。悉宗一軌。究其歸宿。蓋未有不以國利民福為前提者。我國肇造。如木初生。本實動搖。枝柯脫弱。扶持呵護。勢可參天。若肆摧殘。遂撥立絕。瑞賴豪俊輩出。植國之槁。宏濟艱難。支撐危局。發掘偉抱。洞悉時機。前路漫漫。庶乎有步。不謂名與貴異。事竟心違。公益未達。私私方烈。此大黨員急進。限制無聞。淫滑同流。玉瑕兼蓄。或懷挾怨毒。求逞一時。或貪圖利權。大施攻訐。所以東林賢者。同室操戈。洛蜀通儒。徒相傾軋。習俗移人。賢者不免。末流之弊。可為寒心。用特忠告。黨人化除畛域。毋以私忿忘公誦。毋以睚眦成仇讐。毋爭名位。而肆詆譏。毋恃意見。而分門戶。尚望並持毅力。獨立不撓。一德同心。協謀幸福。盡精政術。蔚為偉人。扶顛救危。國基永固。庶幾令名懿德。炳耀寰區。元洪不敏。後德若之後。亦與有榮施焉。拳拳之私。企盼真察。

農社會黨本訴

電悉。集會自由。係法律內之自由。如宗旨正大。即受保護。如擾亂治安。自當取締。時復。

致中央及各省忠告政黨

文與此今商通論此實同

竊維羣法進化。政黨攸關。樹立綱維。輒求國是。衝途赴菴。準向懸鉞。導機體於健全。促文明之進步。組合徵之毅力。競爭持以公心。雖異幟紛張。衆言淆雜。而縱經橫緯。必竟其端。萬道千途。悉宗一軌。究其歸宿。蓋未有不以國利民福為前提者。我國肇造。如木初生。本實動搖。枝柯脫弱。扶持呵護。勢可參天。若肆摧殘。遂撥立絕。瑞賴豪俊輩出。植國之槁。宏濟艱難。支撐危局。發

行宏抱洞志時機。前路漫漫。庶乎有差。不謂名與實非。事與心違。公益未遑。私競方劇。此黨之急進。限制無聞。涇渭同流。玉珉兼美。或懷挾怨毒。求送一時。或貪圖利權。大施攻訐。所以東林賢者。同室操戈。洛蜀通儒。黨徒相軋。習俗移人。賢者不危。第其流弊。可為寒心。忠告黨人。化除畛域。毋以私忿忘公誼。毋以睚眦成仇讐。毋爭名位。而肆譎謀。毋持意見。而分門戶。尚望各持毅力。獨立不撓。一德同心。協謀幸福。殫精竭慮。蔚為偉人。扶顛持危。國基永固。庶幾令名懿德。炳耀寰區。元洪不敏。得隨諸君之後。亦與有榮施焉。拳拳之私。惟求垂察。

致六大政黨

方今黨派紛歧。各樹一幟。鞭促共和。毫無實效。伐憎阿好。舉國騷然。諸公策六團為一致。進全國於大同。集思廣益。尤堪模楷。元洪何德。謬蒙推舉。兼葭依玉。且感且慚。尚希排蕩橫流。發揚宏願。監督政府。提挈國民。扶顛持危。實式賴之。

再致中央及各省忠告政黨

連接警電。全國震動。燃箕煮豆。旗鼓互張。黨見所拊。不惜犧牲。國家以殉。元洪初心。豈料有此。程都督徐軍長。並矢箴言。朱蔣兩督。更申訓諭。至來軍警之警告。啟輿論之批評。羣言交謫。萬矢一的。幸大總統有軍人干涉之禁。二次閣員得參議院同意之舉定。諸君愛國熱忱。不禁為四萬萬國民馨香禱祝也。元洪於前次痛陳罪言。然猶不免鯁鯁覆慮者。謹就各面之觀察。再致前途之忠告。惟諸君詳察焉。一、內界觀。夫兩利相權。則取其重。兩害相權。則取其輕。議員

代表四萬萬國民。並非代表一部黨人。民權可畏。典情難拂。諸君深明大局。當恤人言。况政府虛懸。羣情惶恐。經濟界既虧。覆篲之山。國民捐難。掘臨渴之井。迷途容豈再誤。歧路雖悔何追。此觀於內界。不能不效忠告者一。外界觀。東北之風雲孔棘。西藏之烽烟正熾。瞬息萬變。不可端倪。故財政之監督。不議於改革之日。而議於進行之時。東使之西行。不由於外幕之乘實。固吾內訌之起。雖叢先集。覆轍可虞。設非力保中堅。違云聊固吾圍。此觀於外界。不能不效忠告者二。一過去觀。以言前事。我不可不鑒於亡清。以言近憂。我不可不鑒於昨日。九州鑄錯。萬牛難挽。在當日推倒專制。驟進共和。矯枉或不免過正。補牢尚覺其非晚。是以拾遺補闕。惟旁觀者最清。進步改良。亦文明國所不諱。無事追瞻前代。止可近鑒當幾。此觀於過去。不能不效忠告者三。一現狀觀。泰西各國。進行既任。如許階級。美法成規。去今不遠。或七八年。或二三次。經營締造。艱險備嘗。我國破境甫終。建設方始。秩序未復。民國未甦。欲冥鴻之飛。必豐毛羽。為鷹廈之構。先資象材。故非拱衛中央。則不能謀統一。非維持現狀。則不能保治安。倘猶割地索賄。勢必土崩瓦解。此觀於現在。不能不效忠告者四。一未來觀。查臨時期限。不過三月。國會召集。尚屬萌芽。友邦無承認之明文。內地有紛歧之黨派。萬一潰裂。其咎誰尸。羣雄耽耽。攫取而代。惟確立不拔之始基。斯不予采者以口實。豈可使成形之政府。再蹈危機。神明之肯綮。降為奴隸。諸君竭力支持。猶虞不及。扶質立幹。一髮萬鈞。此觀於未來。不能不效忠告者五。綜此五觀。惟求一德。諸君立論雖殊。而所持之目的則一。主張或過。而所期之事實則同。凡逆耳之忠

言皆人心之公道。故當以道德保尊重之法律。不可以黨見失國民之代表。庶上以紓大總統憂勤之念。次以堅國務員責任之心。元洪不佞。亦得從君子後。從容措理。決不徇一二人私意。為萬世罪魁。藉口。嗚呼。高祈矜鑒。

致各省都督各黨會

國慶大典。薄海騰歡。荷蒙京省及各界代表。遠道跋涉。惠臨此邦。又承佩玉瓊琚。環辭遙錫。尚勝榮幸。元洪得依附光寵。樂觀禮成。何快如之。惟念去年今日。諸先烈諸志士。作始之艱辛。與建國後政治經歷之危險。破壞匪易。建設良難。方今內憂外患。相逼而來。後軫方道。殷憂曷極。伏望共持初志。合五大族人民之家。廿二省四部土地之廣。同心戮力。一致進行。期有以對諸先烈在天之靈。達諸志士倡義之首功。而不負今茲之盛典。國民前途。庶有亨乎。凡屬國民。與亡有責。敢布厥心。藉鳴謝悃。

致統一黨慶祝紀念大會

國基新造。民德未純。當此內憂外患之交。宜有定傾扶危之計。貴黨經年以來。對於民國重要事件。注意主權。力持大體。上年十一月敬電。所以維繫時局。轉移世道人心。尤為覺世福音。當奉為主臬。茲逢初周紀念。特馳電聊伸郵忱。尚望擴張政策。發宣於正式國會政府之成立。主持公道。以與各黨扶助進行。則民國之幸福也。

致進步黨維持黨務

內訌外患迭起環生。非有穩健政黨決難救國。決難自存。吾共和統一民主各黨內感於政見之相同。外迫於時勢之危險。毅然合併。斷不容絲毫權利之念。攪雜其間。元洪自去年以來。本此目的。惨淡經營。曾屢派代表孫君亮卿。竭誠磋商。幸和願克償。大黨成立。茫茫前途。或有轉機。諸公熱心黨務。當同慶幸。竊惟政黨有重人才。決非囿於一隅。徇於偏見。所能制勝。元洪猥以孱庸。謬膺重任。朝夕求賢。惟恐不及。常恐海內豪俊。棄我如遺。宜宜以已成之局。更行破壞。動搖事體。離散人心。前有少數黨員。因意見未通。輒宣共和黨不啻合併。元洪再三勸解。項鄂共和黨支部派員赴京。磋商一切。元洪復面加訓勗。當不致有決裂之虞。尚希同舟共濟。毋事紛爭。致為他人所竊笑。本黨幸甚。

致進步黨策勵共維大局

進步黨成立。元洪謬被推為理事長。自維才力綿薄。常恐弗勝。惟國步方艱。諸待建設。非合穩健分子。同心一德。不足以策進行。三黨主義素同。自應結為一體。此次合併之舉。適符初志。逆計大局。裨益宏多。執鞭相從。實所深願。元洪樹國家前途之計畫。皆將於新黨是望。自當以愛國家若愛新黨。迨他從事。弗知其他。願我同人。努力偕行。共肩重任。倘以閹牆之界。門戶之分。同室操戈。授人以柄。匪特非元洪投身政黨之意。亦非諸君組織政黨之心。元洪與新黨為一體。力所能逮。靡敢告勞。天忠勿渝。希共察鑒。

致進步黨本部

卅電悉。本黨聞成立大會。到者既多。梁張伍那孫湯王滿數公。皆久有天下重名。諸賢雲集。妙譽颯馳。此皆籌備諸君子半年以來。奔走號召之力。始有此莊嚴燦爛之現象。元洪謬荷公推。得以與於盛事。謹距離三百。為中國大局幸。為本黨前途幸。

第八類 調解

致袁總統及各團體解決皖事

連接大通上海電。稱安慶調處無分府各軍。並由南京派兵輪三艘。陸軍五營。夾攻大通。居民逃竄等情。殊堪驚駭。魯難甫終。皖警疊告。茫茫弱海。渺無津涯。悲從中來。罔知所措。天實為之。謂之何哉。皖省自尤復以來。三更節鉞。商民蕩析。十室九空。鋒鏑餘黎。未遑安宅。孫督連職。甫慶更生。而南北齟齬。相持不決。兩方軍民。各阿其主。飛章夕播。露檄朝傳。黑白混淆。玄黃慘變。禍機猝發。遽爾興戎。夫以孫黎二公。義旗颯舉。轉足蕪通。坐安廬嶺。左提右挈。相得益彰。偉烈豐功。彪炳寰宇。同心救國。有何猜嫌。且派員協商。具有前議。加以紳民之代表。重以總統之委。員更不難樽俎之間。立斬修輯。若風波起於俄頃。震電發於崇朝。武力相陵。惡聲必反。當此政。府初成。千鈞一髮。外未信於隣邦。內未孚於宗黨。殺機一起。兵禍相尋。設使神州陸沈。遺民羽化。覆邦殞祀。克在目前。誰為厲階。而至於此。得毋與二公初心相背謬乎。元洪生長滿朝。參觀髮史。未嘗不太息痛哭於揚韋也。竊謂民國始萌。天步方蹶。端賴豪俊。共濟艱難。皖省之危。已如累卵。雖是非曲直。各執一詞。然丁茲急難之秋。斷無鬩牆之暇。縱謂假武裝為鎮攝。藉兵力

為撫綏。誠恐鶴唳風聲。蛇形弓影。一隅潰裂。五族隨之。玉石俱焚。彼時又何以自解。伏乞孫蔡二公。與黃公統籌全局。維持現狀。其所調水陸各軍。皆則收回成命。虛則靖息浮言。協力和衷。以待政府之解決。一面仍懇袁大總統迅速籌商。無任決裂。尤為厚幸。外患內訌。神號鬼泣。凡百君子。各淑爾身。元洪脾內已生。復何多望。但得諸公俯鑒哀忱。共成大業。則受賜多多矣。臨穎請命。無任神馳。

致安慶孫都督及各團體撤回軍艦

元洪於黎宗獄案未謀面。去年曾通電聲明。此次支虞兩電。徒以皖事危急。風聲鶴唳。草木皆兵。無論孰勝孰負。而大局已不堪設想。敵省近在比鄰。應盡纓危往救之誼。訪聞安慶大通一帶。商輪不許下客。用派張萃徐三君。乘楚謙兵艦前往調和。並嚴令不許開炮。該輪現泊皖江。可覆按也。幸黎宗獄悔禍。倉皇遠遁。賴孫都督及柏軍長迅予維持。不致牽動全局。下風遜聽。驚喜欲狂。當飛電楚謙兵輪。火速撤回。張萃徐三君何至延不奉命。總之元洪衷心救世。但知以國家為前提。此外概所不計。知我罪我。固無庸自為表暴也。皖事既靖。張萃徐三君仍須恪遵前令。迅速撤回。如必仍至大通。即是無端干涉。敵省斷不認為委員。特此奉聞。伏希鈞察。

致袁總統黃留守維持皖事

大總統元電悉。元洪為大通問題。曾於支虞兩電。披瀝直陳。冀圖和解。原以當時羽檄交播。風鶴皆兵。救機一聞。姑無論勝敗是非。而地方已不堪設想。敵省近在比鄰。應盡纓危往救之誼。

訪聞院江告警。商輪不許下客。派張辜徐三君乘楚謙兵艦。前往調和。不載一兵。不運一彈。並嚴令該艦管帶。不許開砲。妨礙大局。頗費苦心。該艦現在歸途。可覆按也。幸黎宗嶽悔禍。率徒遠遁。孫都督及柏軍長竭力維持。解決之速。不至牽動全局。下風逃聽。驚喜欲狂。當於蒸日急電楚謙兵艦。無庸下駛。翌日復電催張辜徐三君迅速回鄂。如果無端干涉。做有斷不認爲委員。此電均由孫都督轉交。元洪天良未泯。何至尤人自效。總之元洪愛民愛世。但知以國家爲前提。此外概所不言。恩怨當付諸萬人毀譽。當俟諸百世。知我罪我。固無庸自爲表暴也。至黎宗嶽揚款潛逃。殊屬不合。頃接張辜徐等通電。黎宗嶽尚在九江。應請大總統迅委委員。督同到通清理。如果捲逃侵蝕。自應照章辦理。以彰大公。倘交代有著。將來或念其前勞。別予位置。大總統無偏無黨。自有權衡。元洪未敢干預。惟據稱黎宗嶽隨行千五百人。從軍最久。歸里無資。按諸彈亂。酬庸似均在大總統於濟之例。究應如何安置。並候鈞裁。元洪性懇詞激。越職言事。闕罪良多。然天職所在。終不敢寒蟬位焉。貽罵後人。但使諸公因恨生奮。因奮生公。俾遺民史魁危局重安。元洪得解甲歸田。踵門請罪。含笑入地。誠所甘心。每三復史編。輒想廉藺。去人不遠。故告始末。伏希鑒納。

致袁總統皖鄂督及各省撤回安慶軍隊

支雲譚遠。聞南京所派水陸各軍。業已停進。足見黃公願全大局。俯納芻言。元洪敢爲皖而生靈。額手拜賜。惟疊接文通九江急電。並據皖南紳民報告。皖軍胡萬春晝夜猛攻。已越三月。距

通不過十里。並帶有機關槍八支。管退炮四尊。隨行。勢甚危急等情。聞之驚駭欲絕。國本未定。禍患方深。此何等存亡絕續之交。乃竟一意獨行。操戈同室。如黎公一身。原不足惜。且果使罪狀昭彰。亦所自取。但各省自有公論。中央自有明文。何不可稍緩須臾。宣布意見。以靜待政府之解決。而乃悍然出此。自違其六。縱不為皖南計。獨不為全局計乎。孫公提倡民權。闡明佛學。斷不至以權利二字。變易方針。然徵諸現象。雖最愛孫公如元洪者。又將何以為解。伏乞孫公。將出發軍隊。火速撤回。黎公將分府各員。自行取銷。暫稱司令。其民政財政各事。宜概歸皖督管轄。以期統一。至皖都督一席。關係全存。非合皖南北同人。公議去留。不足以折人心。而維大局。仍希召集代表。擇地開議。速為表決。中山先生。執同盟之牛耳。克強兄。維南軍之虎符。既能維持於前。必能保全於後。並乞剴切勸諭。轉危為安。無任禱盼。不然。一隅潰裂。全國淪亡。敵省近在比隣。禍機密切。方當秣馬厲兵。力圖自保。斷不忍作壁上觀也。知我罪我。付諸達人。

附孫都督覆電表明誤會

黎副總統。虞電當時因有誤會。曾經電詢真偽。並派代表赴鄂。面陳一切。事後追憶。始知黎副總統以干涉之口。行其調和之心。愧感交集。並大通問題。解決迅速。未致驚擾商民。固由柏軍長善後有方。亦未始非副總統之誠。但有以感動也。至大通用款。其鹽厘項下。担仕英德賠款。為數甚鉅。黎宗岳前向稅務司聲明。另款存儲。有稅務司公文可據。事關交涉。如何著落。大總統外交部財政部自有權衡。毓筠地處嫌疑。未便過問。惟所謂黎宗岳隨行一千

五百人。恐係傳聞失實。查黎宗岳於柏軍長未到大通以前潛行逃走。並未攜帶軍隊。所有駐通各營。均經柏軍長設法遣散。回籍之兵。復行集合。抑或另行募借。以為索餉。張本。應否承認。非皖省所敢置喙。總之取銷大通分府。議決於參議院。令發於陸軍部。與私人問題無涉。敵處僅守部令。毫無違越。而明賢責備。似以孫黎交惡為疑。殆非事實。本不必斤斤置辯。而公私權限。不宜稍涉含混。故敢率陳。然於黎副總統罷兵息民之忠告。惟有加勉。以副盛意而已。皖都督孫毓筠叩印。

致譚都督解決黔事

趙君均騰昨歸。黔事中央訖無解決。惟望湘鄂設法了結。此案爭執日久。若再遷延。禍變之生。不可思議。鄂受影響。湘尤切膚。日夜思維。莫名焦灼。洪江會議。黔代表牟琳等。以全權委任。既三方協同。簽字表決。條約萬不能作為無效。黔軍歸黔。滇軍歸滇。本至當不易辦法。黔電多方抗爭。要不能將黔軍歸黔。一語抹煞。其異點惟繳械與不繳械耳。劉春霖等電。亦但舉席正銘等回黔平亂之電。以為口實。於條約究不敢議及。可知公理所在。無可駁回。此時宜就彼中所指目者。略予通融。以塞黔中之口。仍照會議條件。決定執行。以安黔軍之心。查席電。係因黔中反對條約發生。措詞憤激。亦固其所。既為黔中所忌。宜即將席正銘陳開釗數人。暫留湘鄂。酌量委用。徐再遣還。以免衝突。辰常黔軍。仍請中央簡派宣慰使。率之還黔。所有滇軍。節節退出。悉照條約辦理。至黔軍愛黔。必勝於愛湘。駐湘有械。不肯禍湘。回黔有械。甯至禍黔。是不繳械。

不足慮。席正銘等人容與。黔人有降。暫不還黔。率以回黔者。係宣慰使責任。決無暴動之事。足尋仇報復。不足慮。鄙見如此。我公如以為然。即請會電大總統。迅即委定宣慰使。發布命令。刻日進行。以免再生他變。至經此次中央命令之後。黔中如再有挾私抵抗。公然稱兵者。即是有心破壞共和。實為天下公敵。元洪與公責任所在。斷難坐視。惟酌奪示覆。

附國務院來電

奉大總統令。據黎副總統譚都督電稱。趙君均騰昨歸黔。事云。斷難坐視等情。查洪江會議條件。中央為慎重起見。是以迭電湘鄂。熟商辦法。現經黎副總統譚都督切實調查。苦心和解。雙方自應遵照辦理。趙均騰即由中央任命。赴黔宣慰。未到差以前。在湘軍隊。仍責成楊前都督約束。趙宣慰使接管之後。楊前都督即遵照前電來京。至電稱黔中屢電抗爭。要不能將黔軍歸黔一語抹煞。蓋公理所在。本無疑義。惟繳械不繳械問題。實為兩方爭執要點。現既得黎副總統譚都督指陳利害。瞭若指掌。彼此自可共諒。且一方面有宣慰使擔負責任。一方面又將陳席等人暫留湘鄂委用。似兼善並顧。凡從前唐都督及貴州各界迭電所疑。更可釋然。於洪江條件。除第六條請派宣慰業經施行外。其四五七八等條。均為目前即須履行條件。應責成趙宣慰使協商唐都督辦理。自經此次解決。雙方應即和衷共濟。勿存意見。此外遇有應商事宜。趙宣慰使唐都督均可就近會商。黎副總統譚都督。以期和平宗旨。貫徹始終。是所厚望。等因。理合電達。

致贛督李烈鈞為扣留軍械事

彭賀兩君蒞鄂。省長問題。共同磋商。尚易解決。至貴省槍彈案。昨接陸軍部復電。文曰。胡都督卅日電悉。關懷大局。雅意維持。至深欽佩。贛省槍械扣留原由。前經通電詳述。諒已察及。現在贛省甫當兵燹之後。匪徒從而生心。軍心亦未鞏固。無識之徒。多不知服從命令。驟爾輸入利器。費多可慮。亦殊非贛之福。擬即派員詳確調查。如該省實需槍械。不至再生變故。當由部酌量籌撥。中央決無成見。但以顧全大局。息事寧人為主。當亦為明達所深察也。等語。細詳電意。較前大為活動。執事若能持靜穩態度。嚴守秩序。約束軍隊。毫無授人以柄之處。調查員必不至顛倒是非。軍部斷不至始終膠執。相見以心。何嫌不釋。高明以為如何。除派本府秘書梁柏年會同黃君危函商一切。並當中央迅飭藍司令緩提鎗械外。先此電聞。

致湘皖贛粵四省及黃克強為宋案借款事

四都督微電。譚都督東江兩電。李都督暨卅支三電。柏都督儉微兩電。胡都督微電。及黃先生有東兩電。一一誦悉。元洪感支兩電。計達台覽。宋案借款。兩事發生。文電紛馳。謠言叢起。分崩離析。禍在眉睫。願以發端宏大。收拾艱難。時勢逼人。調停無術。竊念借款一事。屢訟數年。祇以國信未著。條件太苛。更迭數手。迄無所就。今既各國讓步。連成苟於通過。原議不再受虧。即小節亦當共諒。此時洋賠各款。既須速還。軍政各費。不能停止。各省又不能立集鉅款。用為抵制。更不能保將來政府借債之事。永不履行。則是今日舍借款無救急之方。舍五國無現成之款。

為今之計。國民惟有監督用途。力求補救。至於宋案。當然由法庭主持辦理。政府有無犯罪。司法獨立。自有特權。似此兩案。均無萬難解決之問題。而其致此之由。則以借款適成於宋案發表之後。宋案適生於選舉總統之先。市虎杯蛇。疑心暗鬼。一若暗殺為帝制之謀。借款為軍爭之費。果有此事。吾寧以陽夏之慘痛。博此共和。又豈能坐視沈淪。自甘奴隸。顧所以委曲求全者。一則項城為救時之英雄。決不逆潮流而犯名義。一則現世值過渡之危險。深恐因激烈而連危亡。不意彼此爭持。是非各執。在諸公熱忱愛國。嚴守共和。義憤忠誠。至堪銘佩。但國務院財政部各都督。疊次通電。要亦各有理由。未可偏廢。總觀全國輿論。人心趨向。可知諸公本明白無他。所慮望風承流者。誤會意旨。到處聚眾開會。言論過激。駭人聽聞。現在漢滄等處。中外商民。停貨不辦。銀根緊急。倒閉相尋。最饋不寡。怨咨交作。紛電告急。咎將誰歸。若非請諸公早為防遏。以鎮靜和平之態度。出此險難。誠恐事與願違。果與因反。國未蒙其福。民先受其禍。屆時亦安得徧國人而剖心共白之。今者法權未有正式裁判之確期。議院未有正式否認之成案。似不能遽為政府罪。共和國。既特設此立法司法兩大機關。人民自當以全權付託。我輩惟有各守秩序。靜候法庭議院之解決。以免舉國紛擾。如其尚有猜疑之黑幕。元洪不難聯合各都督。全力擔保。永守共和之責任。以取信於國民。而息無量之憤憤。其餘自當迎刃而解。元洪與諸公昔為生死患難之交。今為唇齒輔車之勢。感赴援之厚誼。懷通好之真誠。區區此心。萬不至舍舊謀新。去近圖遠。惟外觀世局。內審國情。但知以國利民福為前提。以保育共和維

持統一為宗旨。不忍南北稍形決裂。尤不忍武漢重見兵戎利害相權。存亡所繫。各有責任。未敢苟同。此事和平辦理。則國基鞏固。國用充盈。威德遠行。友邦公認。諸公手造民國。永垂無上榮譽。否則內部崩裂。強敵剖分。民國不成。諸公前此勳名。亦將安在。若強鄰承認。方殷而人民猜疑頓起。茫茫前途。夫豈敢知。元洪恃在夙好。敢貢罪言。情盡於斯。尚祈矜察。

附黃興覆電

青電至誠感人。金石為開。興縱推愚。竊不喻此。惟借款適成於宋案發生之後。宋案適生於選舉總統之前。市虎杯蛇。種種誤會。皆由而起。如吾公之所云者。夫宋案如何辦理。固當由法庭主持。惟以堂堂政府。首受嫌疑。國民一言及此。則曰此藉題發揮也。借債不交國會議決。暮夜發押。國民一言及此。則又曰此借題發揮也。自吾人觀之。三事本不相聯屬。而當事者。反得利用此項機會。併為一談。使天下之真是非皆為藉題發揮四字所打消。今假設宋案發生。無所謂總統問題。夾雜其間。借款事起。更無所謂宋案與總統問題為之牽連。則殺人者豈可置之不問。違法者亦豈可任其為所欲為。興對於宋案。純主法律解決。借債要求交國會通過。終始如一。實與吾公所見相符。文電具在。可以覆按。尤有言者。共和政體。應審民意為依歸。當此輿論紛騰之際。政府不自反省。與國民披誠相見。乃據外人無根之報紙。發為命令。以欺飾天下。幸國人皆顧全大局。否則逼之激之。至於此處。前途何堪設想。我公艱難締造。手創民國。當亦同深痛心。興與公相見於患難之時。相交已一年之久。既不相渝。

後當視今。尊電所云。以全力担保。永守共和。公之苦心。興所素識。公之至誠。全國所共感。我公倘有其道。凡百君子。莫敢不從。豈惟與奉命。

致中央及各省規勸政府

大總統今均敬悉。前接湘皖贛粵四都督通電。元洪即專電勸解。免致誤會。元洪與四都督向為生死患難之交。今為唇齒輔車之誼。深檢其均明大義。不變初心。此次聯電抗爭。要本於愛國亦忱。激而出此。雖傳聞失實。未暇擇詞。而愈直不阿。實堪屬俗。經大總統再三解釋。同為救國。當不難上下相原。抑元洪犯人之憂。有不憚反覆詳陳者。竊惟此次爭議。實由借款適成於宋案發表之後。宋案適生於政府改組之先。混為一談。遂滋疑慮。果使即事分疏。平情論斷。自不難迎刃而解。宋案之成。純構於洪應函件。徵諸輿論。猶多信總理之無他。惟司法獨立。自有特權。固不能據洪犯間接之信。指為爰書。亦不能憑總理辯護之詞。視為政令。為政府計。宜早引渡洪犯。送交法庭。是非非。聽其裁判。總理有罪。不以勢相凌。總理無罪。不以辯相競。公心既白。異議潛消。此一事也。借款既鉅。負擔斯增。自應尊重民權。提交國會。惟此次合同早通。過於參議院。參觀中央文電。總辦之差。既有誤會。三讀之省。亦經聲明。且折扣雖異。合較便宜。洋員雖增。自由點涉。當債權交迫之會。值轉圜難得之機。苟大綱不至懸殊。即小節無妨曲諒。為國民計。當責嗣後國會諸公。擁護憲法。監督用途。示政府整頓財政之方。杜外人干涉財權之漸。既舒近禍。尤免遠憂。此又一事也。凡此兩端。均非絕難解決之案。第恐天下之憂。尚有不

在此而在彼者。溯自戰端甫息。和議肇成。南北之見未融。新舊之爭未泯。嚴霜堅冰。早埋隱患。雖憂時俊彦。力予維持。而樂禍貪士。每生離間。忠言之逆耳。不如讒語之悅心。庸論之聒聞。不如邪詞之聳聽。面輪背笑。貌合神離。一年以來。萬事俱廢。自維薄德。匡諫無從。當此國會初成。方期戮力同心。共圖晚蓋。乃亂雲變幻。急電紛馳。詎中央者。謂因借款之利以資軍餉。疑南方者。謂假借款之案以推政府。宵居廣廈。則盜影懸心。晚入空山。則鬼聲繞脊。杯蛇市虎。積稿成說。報煽其波。說張其說。風潮所播。山岳摧崩。奸狡者既藉以圖功。偏激者復挺而走險。推其流極。必至舉莽莽神州。遙遙華胄。胥斷送於奸人播弄之中。而啟衅之因。實由於疑之一字。有以召之。縱使借款案。永不發生。或旋當消滅。能保其再無他故乎。夫萬心之合。不能拒寇讎。一念之離。足以惑種族。誰實為之。至於此極。此真元洪所深思泣血悲痛填胸者也。伏維大總統。幹旋危局。締造新邦。遺大投艱。萬流宗仰。惟至悲可以感物。惟至誠可以格天。聖本於仁。佛成於忍。在昔魯陽揮戈。日為反舍。生公說法。石尚點頭。杞婦哭而城傾。耿侯拜而泉湧。矧茲分陔。俱屬同胞。果出以纏綿悱惻之情。何難收翊贊維持之効。夫勇者不以言尚人。智者不以威示眾。惟度世者乃能入世。惟馭人者乃能下人。尚望虛心應物。觀過知仁。毋為激論。允望各都督。各議會。各政黨。各屬成見。共矢公忠。恍時局之可危。念家居之不易。毋為捉影捕風之語。毋懷吹毛刮骨之心。駭浪孤舟。互相維繫。或者誕登彼岸。猶保餘年。不然。始以浮言相詰。繼以盛氣相加。終且以兵戎相見。抱薪救火。禍亂循環。煮豆燃箕。同歸於盡。豈惟將來苗裔。靡有孑遺。方

且已往勳名亦將安在。後世觀黍離之野。過麥秀之墟。誰復許晰事端。曲原心迹。夫以革命數十年。伏尸數千里。而結果僅乃若此。豈不哀哉。湖北兵燹餘劫。縮穀要衝。創血未乾。淚痕猶在。誠不忍操戈相擊。引刃自戕。鄉鄰失火。則舉族環呼。昆弟鬪牆。則羣季聚投。切膚之痛。百倍鄰封。諸公為手創民國之人。豈忍更令淪胥。不容休養。度愛民者必不出此。天命難謀。國魂將落。惟諸公貴表國之

致各省通告對付宋案借款意見

自宋案宣布。元洪即通告各省。力持鎮靜。乃反對借款。同時發生。中央政府遂成為眾矢之的。頃接上海公民會電。命名立論。尤駭聽聞。大局危亡。迫於眉睫。元洪五中震慄。若鯁在喉。敢於國人未死之先。進其忠告。查宋案證據。為程都督所宣布者。果否政府主使。抑係應洪搗測。違功招謠誣欺。均不可知。狡黠者流。希圖功利。動則假一二人為之標幟。且滛報所載。未經電布之證據。牽涉尚多。即愚如元洪。亦遭詆毀。要犯尚未就擒。原案尚未確定。自當要膠督之引渡。聽法庭之制裁。萬目睽睽。豈能掩飾。即政府有罪。亦不難求信讞。昭示國人。共和國家。首重司法。豈惟行政官廳。不容干預。即至立法機關。亦當然不能侵犯。刺宋一案。純屬法律問題。前者宣布證據。不出之於法庭。而出之於政府。學律者猶竊議其非。乃各省團體。當法庭未判以前。動輒任意通電。率入政治。搖動邦基。加人以犯罪之名。而先自居於違法之貫。不知而言之。是謂昧理。知而言之。是謂侵權。擁約法者。毋乃非是。夫宋君民國元勳。洞胸飲彈。凡屬血氣。悲憤填膺。然跡其奔走呼號。蒙艱履險。瘡口於民權蟄伏之日。瘡軀於國會蟬蛻之夕。何非為全國

生靈共謀福利。逝者已矣。來日方長。同屬國民。尤當鞏固共和。維持大局。寧可以宋君殉全國。不可以全國殉宋君。必欲激於客氣。挫及人心。罪業既尚未成。惡聲安至。不反設。一旦演成慘劇。玉石俱焚。莽莽神州。同罹浩劫。既違諸公復讎之願。又豈慰宋君革命之心。至借款一事。尤有當加討論者。清室不綱。庫儲如洗。賠款外債。積壞成邱。民國處凋敝之餘。當建設之際。萬緒待興。一籌莫展。借貸濟急。亦固其宜。南京比款。已開先例。一年以來。情勢愈迫。丁斯危急。但求其保存國體。監督用途。忍痛含辛。力圖德法。據黃先生所質問。與財政部所宣布者。條件內容。尚多出入。果如財政部所云。借款大綱。已經參議院通過。自不能僅以一偏之見。作為廢案。即使條約遷就。損失滋多。亦當責議院以交權。不能罪政府以違法。議員俱在。檔案可稽。溯本尋原。豈難徵信。抑元洪更有進者。當此債權交逼。政費日繁。中央困於索逋。各省疲於告急。即無外患。猶有內憂。前帝專制自逞。民族不張。猶可假借款之問題。作革命之材料。今者共和已定。休戚相關。果使有碩畫盡謀。措持危險。操推行盡善之券。為緩急足恃之資。亦何難強政府以相從。貽國民以無畏。不然。不借則我國既無良方。欲借則外人豈能讓步。破產之禍。如火燃眉。縱政府止渴飲鴆。鑄茲大錯。亦惟本和衷之念。籌救濟之方。內定人心。外全國體。若遽爾飛檄四布。全案推翻。其危言義憤。固屬可欽。然債務不清。兵禍相繼。能保外人不干涉財政乎。能保外人。不實行瓜分乎。哀哀波蘭。昭昭覆轍。淪胥之慘。損失之多。以後方今。莫翅倍蓰。言念及此。可為寒心。夫養指而失肩。仁者所不取。跋胡而疋尾。智者所不為。以興邦之言。造亡國之史。此尤元洪

所推心感頌泣下沾衣者也。總之正式政府尚未告成。臨時政府自當承認借款之案。稽之於議院。刺宋之案。訴之於法庭。我等或膺閭寄。或典疆符。或秉言權。或標政幟。均持鎮靜。免陷危亡。不然。外人方遞國書認民邦。而我等反以移文顛政府。自生自戮。自種自鋤。救國之謂何。得毋名與實相乖。而果與因相反歟。元洪一介武夫。謬隨諸君子之後。親握義旗。名譽既淡。然若忘權利更夷。然弗顧。惟念天步艱難。民生凋敝。商帛於市。農望於途。寡女泣於空閨。遺孩號於大澤。茫茫禹甸。將成殺場。予于周黎。已無生氣。常恐以藐然一身。變為罪首。力所能濟。但求扶持邦本。保衛地方。既不屑迎合意旨。作政府之私人。亦不敢破壞紀綱。為國民之公敵。一息尚存。此心不死。黃帝涉降。寶式監臨。風雨同舟。尤祈共濟。各省都督民政長。辱託比鄰。夙同患難。諒必哀彼黎庶。共此素心。誰非胞與。寧忍忍然。各政黨各議會。自任救時。更多俊彥。尤望統籌全局。協力維持。若或持激論。致啟爭端。同室鬩牆。將無噍類。兆民之災。度亦非諸公之福也。其

亡其亡。繫於苞桑。臨電哀鳴。血隨淚盡。

致中央及各省調停國事

湘贛皖粵四都督微電。秦晉直奉魯豫甘黔桂吉江十一都督。元皓兩電均悉。此次借款案。案風潮震盪。幾擾全局。在四都督傳聞夫實。容有措詞激烈之處。在政府大度包荒。亦有慘澹維持之隱。若全國紛擾。分門爭執。既恐傷同僚之感情。亦似失中央之威信。我等同綰疆土。互相維繫。尚望十一都督共息責言。四都督同遵軌道。推誠締好。相與有成。大總統有督率上下之

權。有維持民國之責。尤望保持統系。消過禍萌。痛切陳詞。毋任盼禱。

致各省報告調停贛事意見

前為贛事有電。有由都督議會公派代表。往迎民政長蒞職一語。係為調停各方面意見。聯絡地方感情。修好釋嫌。藉省隔閡起見。並非以此事交議會議決之謂。行政官吏。當然由總統任用。況已經任命之民政長。省會更無討論之理由。所慮誤會前言。致生波折。殊非元洪維持國制。鞏固政權之本意。為今日計。惟有直接開誠相見。或能達了。斷不宜牽涉他途。轉滋糾葛也。特此申告。統希亮察。

致李烈鈞規勸贛事

此次湘粵皖贛四省。電爭借款。原本於愛國熱忱。直行已見。元洪曾屢為剖白。中央及各省都督。共釋意見。然猶本深信於贛省者。則以贛自去年以來。拒民政長。逐鎮守使。中央雖再三迭讓。而贛則愈接愈厲。似專與中央為難。遂致疑此次抗爭。亦為藉端反對。且露師江表。列戍連營。尤非湘粵皖空言辨護者。可以比倒。以致中央之欲撤換。各省之請公討。傳檄飛書。一夕數盈。元洪或婉言勸止。或暫不置復。毅然以調停自任。非有畏於贛也。誠以國基漂搖。民生塗炭。職此一版。大局尚未可知。而鄂贛兩省。已罹慘劫。曾屢託便人。請公潔身引退。舉賢自代。蓋公辭贛督。則可釋前疑。公舉贛督。則可弭後患。乃區區之愚。不蒙矜納。適辱委彭願問。來鄂不得。已委曲磋商。以為欲圖解決。必先表我公之心迹。破政府之疑團。而後可。故擬定三條。請達承

案。一請公聲明服從中央。二歡迎起民政長實行軍民分治。三九江鎮守使由中央簡員接任。竊謂軍人服從中央。是其天職。可允者一。軍民分治。貴者既已實行。且趙身未履。贛與既無惡。非汪氏政長可此。可允者二。鎮守使一職。將來應否廢止。應俟官制之解決。此時相沿既久。王上將辭職。自可由中央另簡。可允者三。彭顧問旅行之時。曾與約十日為期。俟復命。並電告中央。請俟十日。方謂委曲求全。必為我公所見納。乃奉中央曲允之電。已先接贛省省認之文。並請元洪電達中央。元洪不難遵命也。特以中央懲前毖後。若何措施。非元洪所能逆料。公既無充分之理由。又無實在之兵力。負隅自固。徒苦吾民。前者公屢電抗爭。皆以民利民福為幅。今若此。是以義始而以利終。以功始而以罪終也。天下後世將謂公何。聞公新招之兵。多不足恃。所部之將。亦多被疑。且贛省高民積怨者眾。特無機以發洩耳。爐場之桐不足憂。而蕭牆之禍。乃可懼。一朝決裂。公豈有高蹈之路乎。夫以實力則如彼。以虛名則如此。貪個人難得之權。而以贛為殉。仁者所不出。這一時無聊之忿。而以身為殉。智者所不為。明達如公。何至此。無亦徹於摩下。道其中而不覺歟。元洪與贛有比鄰之誼。與公為患難之交。誠不忍公之往而不追也。故敢試波陳辭。為最後之忠告。請公毅然獨斷。或允或否。即日明白宣示。俾元洪委曲調停之心。可以告無罪於天下。現在中央各省文電紛馳。請元洪以調停之說。責元洪以被人欺玩。元洪皆無辭以對。恐再或遷延。人民不我待。元洪敢保鄂軍決不與我公相見。至北方軍士。奉諫中央。元洪一分嘆耳。將來政府明發命令。既不能聯名反抗。自不能勒令歸休。

前路茫茫。實難逆覩。惟有約束鄂軍。嚴保武漢。以符維持之意。我輩軍人立言。當直截爽快。公對元洪。尤無妨拘誡相告。幸無悶懔其詞。而仍令他種機關為公作傳聲電線也。臨電為勝哀痛迫切之至。

致各省都督通告贛亂

疊接程譚唐蔡四都督電詢贛事。經於卅日四次通電詳陳。翌晨接九江陳司令電。亦經照轉在案。前日倉猝調兵援潯。實因該省確有鉅變。情跡未著。不便明言。所幸兵去甚早。使林虎之兵與湖口隔絕。潯城不至為匪所據。現李烈鈞為非伐總司令。林虎為副司令。已高懸討袁白旗。林擅由德安進逼沙河。首先攻擊北軍。湖口截留潯贛所調軍隊。劫奪中央派送護軍使印信之余。大鴻等。並有設立總統府之說。可見蓄謀已久。取勢甚大。必非主客兩軍嫌疑衝突之尋常故事也。查本平鄂省屢次破復匪黨證據。及此次贛亂情形。均以討袁為名義。以煽惑各省軍隊響應為後援。以土地利權抵押某國。接濟餉械。託庇租界洋場。為入手辦法。並有洋兵隨行保護。洋員幫同謀議指揮。而東隣某黨。乘機煽惑。惟恐吾國之不亂不亡。彼計一行。瓜分立見。若輩以南北之意見。總統之權利。不惜將中華民國斷送外人。誠所大惑不解。夫選舉總統。權在國會。一兩月間即可發表。若輩豈不之知。而願出此勞民傷財亡國敗家之下策。毋亦別有所圖。超軼民國法定之外者。諸公手造民國。同處南疆。所望對於半壁。痛加忠告。以期早日和解。存亡所繫。間不容髮。惟我諸公實圖利之焦急陳詞。千萬禱盼。

致馮副總統各省督軍省長等電

萬急南京馮副總統各省督軍省長徐州張巡閱使廣東陸巡閱使承德都統張家口都統歸化都統龍華護軍使寧夏護軍使瓊州龍晉辦導河提督岳州吳司令南鄭鎮守使平陽鎮守使大同鎮守使多倫鎮守使懷慶歸德鎮守使南陽鎮守使天津鎮守使南京鎮守使南通鎮守使兗州鎮守使曹州鎮守使壽州鎮守使洮南鎮守使康定鎮守使鳳凰廳鎮守使各報館鑿比來訛言朋興奸人互煽疆吏不察竟有誤據傳聞激為橫決者局勝駭異疆吏膺政府之寄屏藩邦國保又閭閻上下相維休戚與共苟有疑竇寧不可到切陳明乃竟同然一辭推波助浪貽禍所及豈可勝言元洪猥以頑年謬投艱局所以慨然不辭者原見喪亂之餘羣倫望治軍人皆履心之寄總理尤患難之交方期牖戶之謀豈有堂廡之隔匪歲以來虛己以聽縱府院議政持論偶殊卒無不降心相從和衷共濟毋謂芝泉剛介之性實為元洪直諫之貴國交粹絕政變迭生閣員內睽國會外偏改組之聲再接再厲私心耿耿詎忍謂然顧維護調停苦無良策誠恐爭持日久荆棘日深壹意孤行羣呶四起臨崖而返則威信全廢越軌以趨則綱維盡扶必陷芝泉困難之地轉違元洪愛護之心何若暫予解官俾其養望往績未遠去思彌深金玉之音寧容久闕不然新陳代謝責萃藐躬稍存賣友之心豈少謀身之術度諸君愛惜芝泉尚不如元洪之真摯也閣員副署先例可徵且既經國會之質問自應俟內閣之答覆法理之爭終有定論必徑指為違法亦似失於平情至若總理去職軍寄無人首都治安觀瞻所

繫非得資深望重者。不足以領袖軍旅。綏靖人心。警備之設。原為暫舉。內閣成立。寧事駢枝。中央各府。何嫌何疑。而假以叢爾之師。遙相監視。此尤不攻自破者也。國會再召。黨幟紛歧。成績虧闕。爭端迭起。適者議憲之舉。過為束縛。利用時機。率行可決。萬夫憤激。目為禍胎。督軍不忍立法之偏。遂有修正之請。老成遠慮。實獲我心。稍托公忠。忍持異論。顧念明達尚多。討論未竣。竭誠疏瀹。豈必無功。但使啟懸崖勒馬之心。何苦蹈蹊田奪牛之咎。留呈不報。職是之由。曾於孟王二督軍表明斯意。必謂袒護議員。弁髦強吏。法之受縛。政於何施。自計之愚。亦不出此道。遂謠詠。甚至謂拒言加譴。半予免官。元洪於各督軍分同公僕。情則家人。袍澤之交。干城之寄。喜肥感瘡。息息相關。何況僕僕長途。諄諄謹論。建言縱激。謀國皆忠。當四郊多壘之秋。賴萬里長城之託。而乃自殘手足。罰出無名。脫有緩急。誰足恃乎。謂此令為交局。則御事猶存。謂此令為在府。則外人安見。流言止於智者。不謂以堂堂督軍之尊。竟甘為一二人奸人所惑。感也。外交未決。險象環生。江淮之間。赤地相接。飢民潛滋。伏莽未靖。天意人事。蓋可知矣。國家設官。以為民也。協力拊循。猶虞弗濟。若復阻兵安忍。倒行逆施。假軍勢為聲援。以流言相號召。責議員以聯邦之罪。而願據一省以稱尊。糾內閣以違法之嫌。而願扶三軍以抗命。推其流毒。必至分裂之危。淪諸五季。保護之痛。儕諸三韓。復辟共和。皆成畫餅。青史之罪。縱不動心。諸君旦夕之間。將何所託足乎。夫贛寧之役。謀統一也。滇黔之師。護共和也。今日為憲法而獨立。則尚在二讀之時。為元首而獨立。則並無謀叛之事。若乃一夫下野。羣帥稱兵。舉無名之師。貽去者之玷。

豈惟以私害公。亦且反德為怨。自誤誤人。更何取焉。諸君之明。當不若是。元洪老矣。一葉兩豆。或蔽聰明。深淵薄冰。常懷惕懼。耳提面命。深所歡迎。苟有利於國家。亦何惜於項踵。若必動搖邦本。擅啟戎端。以國徇身。悍然不顧。元洪憂患餘生。飽經世變。始終民國。心力俱殫。俯仰此身。了無愧怍。萬不忍身見淪亡。同為臣僕。固當於全國父老之前。謹謝不敏也。搢誠相告。贊式圖之。蔡元洪卅一印。

第九類 用人

致袁總統請改任山東都督

疊接烟台濟南急電。深為駭愕。現在共和成立。胡越一家。况同隸省域。尤當共策進行。力圖補救。迺竟以各戴都督之故。藉武力為後援。雖諸公熱忱義憤。或曉懷桑梓。或保護閭閻。未嘗不光明正大。然殺機一開。龍蛇起陸。牽一髮而動全身。合九州而鑄大錯。各省效尤。列強乘釁。雖有聖智。亦無所施。設大陸神州。竟從此釀瓜分之禍。我山東最親愛之同胞。將何以謝天下乎。胡都督賢勞國事。奔走拘囚。海內同志。久深景仰。自武漢起義。贊助外交。東南半壁。倚為長城。元洪飲水思源。尤深私感。乃因新政體統一。竟請取銷重任。歸隱故園。視富貴若浮雲。愛共和如性命。此等人格。真當鑄金事之。設諸公堅執成見。必欲強仙鶴於樊籠。役神龍於囚輦。明德為累。令聞不彰。揆諸君子愛人之心。豈忍出此。至張都督內清伏莽。外固邊防。其功原不可沒。然吉露窘於偏方。明月窮於檐照。牧民者或有叢怨於上之慮。防匪者或有變本加厲之虞。當

此十手交乘。高明神惡。雖是非要可共曝。而一地究似不宜。再四思維。惟有哀懇哀大總統。將胡都督准予辭職。張都督調離東省。選命一資望最優之人。迅速赴任。無庸由單方推舉。致啟爭端。將來憲法規定。再行遵照辦理。似於劃一政權之道。仍示服從輿論之心。度張都督視民如傷。當必不以此為介。一面仍開導兩軍。使之悉蠲意見。共納乾闥闔牆。雖凶終為昆弟。與長淪於異族。寧暫屈於同胞。倘再有一夫先加恃強不服。義旗所指。各有攸歸。洪雖駕鉞。願隨南此諸都督之後。以征不庭。我兩軍諸將士。素持大體。值民國肇造之初。豈忍以偉烈豐功。甘為戎首。事關危急。星火燎原。敢貢忠言。伏希鑒察。

致中央政府請以陸徵祥任總理

總理棄職。邦本搖搖。外患環生。內憂潛伏。總統挽留不獲。乃以陸總長攝任。電命乍頒。中外交慶。然位未即真。名未確定。尤非扶顛持危之道也。夫以唐總理倉皇遠去。誓伏津門。道路傳播。皆謂不返。揆諸情勢。或非無因。縱使裹輪再辦。捲土重來。國人眷其前勳。總統於其舊好。推微諒隱。不忍瑕疵。然隣信均窺。黨攻復起。責言交乘。終非國福。此固事所必然。無容掩飾者也。議者鑿散木之椎輪。怵膠船之溺水。乃欲於國務員外。另舉總理。元洪愚意。頗不謂然。將欲總理易人。部長仍舊。組織之責。豈能發生。勢必陽翁陰張。始凝終汎。負乘總棧。出以因循。答難有辭。經涂無軌。潛流潰決。梓櫟同漂。其不可一。將欲畀以全體。重組內閣。摻厭遽斷。改絃更張。徵論人時既異。來軫難期。且民心搖搖。鄰友未定。廢棄前緒。坐誤機宜。三政四摘。豈堪設想。其不可二。

匪直此也。黨派紛歧，並無政見。樂利日競，意氣相攻。粹更總理，又居奇貨。逐鹿中原，愈爭愈烈。躡台閣於交綏，擲國家於一博。廟未定議，兵已渡江。泡影梵花，亡諸彈指。此尤可為傷魂慘魄者也。其不可三稿謂總理一席，必須從速確定。政有顯主，責有攸歸。方足杜私黨之鑽營，息鄰邦之誑呀。陸總長才猷穩練，識解闊通。各國既信用於前，國務員復贊同於後。舊史不書其惡，新黨不隸其門。以之主宰超然內閣，必無窒礙。如蒙贊成，即懇大總統正式發表，俾免遷延。此外各國務員，受託國民，斷不能以私人之進退，牽動黨派。推倒全盤，除久不到差外，悉仍舊秩。仍希諸公慷慨時艱，共相維持。俟臨時政府期滿後，再行組織。冀安長久，消患無形。當亦諸公所樂出此。元洪與陸總長素無交誼，祇以洞觀時變，力挽狂瀾，覺非有泛應曲當之具，不足以交鄰。非有卓立不阿之才，不足以應變。前車已覆，來日大難。愚昧之言，伏希裁奪。

附譯都督通電

臨時政府組織成立，未及數月。國民甫有初基。唐總理乃調和南北有功民國之人，實全國所信仰。各國所注目。授任未久，並未發生該國殃民之問題。現在西藏蒙古隱患方多，內地各省秩序亦未全復。此時政治尚在維持現狀，整頓補救時代，並非東持政綱統一進行時代。國人同心，以鞏固政府為唯一之目的。有何黨爭之可言。且今日政黨之名初樹，各省黨派方在萌芽。豈可輕議排擊總理。試問一總理去，他總理來，不幸他總理又因事去，國事尚可問乎。且國務員由總理組織，總理去而各部總長勢必隨之更迭。短命內閣發生於臨時

政府發生於二十世紀萬死一生之民國臨時政府。危險問題。豈有大於此者。唐總理既養病五日。假期滿後。應請大總統令其力疾回院視事。以成救國初志。至政黨抱持政策。實力施行。當在現狀安穩。國基畧為鞏固。軍事稍為戢平。統一政策。漸次可以實施。此時自當消弭黨見。共衛國家。臨時政府。印萬無擾。議笑送之理。諸公熱心國事。夙所欽敬。心所謂危。不忍緘默。區區之愚。尚乞亮察。延閣叩印。

致盧君靖等公啟

敬啟者。吾鄂軍民分治。雖已實行。而近拔爾綱。遠綜絕紐。經營伊始。端委方嚴。炳燭思明。頭為之白。竊恢維宇宙。原非一木之支。宏濟艱難。端賴衆擎之舉。執可云事。每與幕僚屈指。指人才。羣相推舉。樽儀在目。矧予懷亟思以賓禮相延。共摠籌策。自維迂拙。天以一誠。公識以用人。擇愚以理劇。推心以應物。揭斯主旨。周質諸賢。所有吾鄂一時豪俊。如某某君等。除已分函招致外。合行奉達。務乞翩然來儀。廣所未聞。公孫弘方開東閣以待。陳伯之豈無故國之思。早責駒車。良辰鶴蹟。當風雲之變幻。作陰雨之綢繆。蓋所望於諸賢者正深也。秋風既啟。用致箋牘。順頌時祺。不具。

致大總統陸軍部為舉馬毓賢

前江西都督馬毓賢。於民軍起義。反正最先。光復九江。統治全贛。接以戰艦。抗長江軍事之重權。裨上下游水陸交通。戎機敏捷。援鄂援皖。措置裕如。復能推信讓賢。功成身退。實屬勛勞卓

著擬請大總統責部論功敘賞。量能授官。藉收得人之效。仰候鈞裁。

致大總統請慰留夏民政長

現著湖北民政長夏壽康。諳練篤誠。和平謹飭。到任半載。眾論翕然。現因時事艱難。力求退避。賢路元。決查酌情勢。萬難照准。惟該民政長去志甚堅。特懇明發命令。加以訓勉。切實慰留。謝非前途。同臻幸福。盼切禱頌。

批外交部特派湖北交涉員胡朝宗辭職呈

據該員呈請辭職歸田。俾得推本公法。注釋條約。以為修正約章之先導等情。虛懷勸學。深堪嘉尚。惟民國值建設之始。鄂省號首義之區。雖藍華山林。未臻完美。而雍容樽俎。端賴通才。該員仍勉為其難。恪供厥職。以實驗充學識。以大局為前提。勿庸遽明退志也。本都督有厚望焉。此批。

第十類 官制

致中央及各省請速頒定官制

政府雖幸告成。各國尚未承認。欲扶持危局。必先尊重國權。欲尊重國權。必先劃一官制。自東南反正。倉卒更張。沿事設官。因人建署。機關林立。營彼亂絲。流弊所趨。更僕難數。官無常格。人有強權。角長爭雄。莫相為下。黨厚者既席勢以兼包。位卑者復抗顏而獨立。鬪摩龍於穴隙。搗寸木於岑樓。秩序蕩然。莫可究詰。一也。省無定制。著無定員。別部分曹。隨心所欲。名籍齊於熊耳。冠蓋密於牛毛。推推盈瓶。終日營營。前減後增。朝生暮滅。琴擾孔亟。憎莫懲嗟。二也。軍民糝

結府縣紛歧。因革損益。漫無標準。各阿其黨。各恤其鄉。一方則溪水分流。千里則車輪異軌。述離撲朔。莫知適從。三也。裂土分疆。者自為政。倭寇美履。採制各殊。夫東周列國。西德聯邦。縱風尚之不同。宜憲章之互別。網際罟廢。絃亂琴殘。魍魎前途。罔知稅駕。四也。新舊攙雜。南北乖離。非燕藩之北徙。而秣陵久設分都。等周命之維新。而沫土猶沿曩制。民情惶惑。爭議沸騰。刺吏節度之議。則訟諸牘書。公推簡任之爭。則訴諸矢石。戈操共室。劍擊同舟。誰東國成。鑄此大錯。五也。因此數端。遂生奇禍。言軍政則波瀾塵飛。大權旁落。言司法則程嬰鬼嘯。上訴無門。言民事則苛稅繁興。貪吏交作。神明之曹。降為與臺。言度支則府海自雄。債台私築。開門揖盜。白首同歸。昊天不庸。降此大戾。哀我胞與。淪胥以鋪。諸公亦何忍視此。竊謂臨時官制。必須早日議決頒行。俾全國有所準則。然後量才授職。為事擇人。道一風同。源澄流治。以此布政。何政不興。以此交鄰。何鄰不服。吾則補苴綴拾。日邁月征。度量尺寸之間。衡準錙銖之內。縱無窒礙。已嫌枝節。况禍變之來。未有極乎。或乃慮末流難挽。嚴令不行。乃以因噎廢食之心。聊為臆策。待時之計。私心耿耿。竊不謂然。夫一旦神州鐵血。協造共和。戴總統為元首。倚國卿為股肱。託議員為喉舌。其喁喁望治之心。固久已敬愛無違。呼號交迫。壺漿箪食。非蕪亂也。元洪雖闇。猶知軫念民隱。服從國權。况各都督。或居耆望。或倡元勳。誰無弟昆。忍此終古。伏懇我大總統。參議院國務院。將官制案迅速頒布。並乞各省極力贊成。俟明令昭垂。元洪當率鄂中全體。首先奉行。以蕪統一。駟馳過隙。去日苦多。其亡其亡。懸於眉睫。若藉諸公之靈。濟以忠貞。加以敦促。或者

彼蒼猶有悔乎。臨風引領。言與淚俱。

附吉林陳都督電

頃奉副總統請速頒官制一電。痛抉時弊。宏議遠謨。謹誦往還。五中盤折。自民國成立。政府統一。惟職官現狀。南北分歧。南方則倡義以來。爭相改革。同調異曲。競尚新奇。易輟同車。自為風氣。省與省殊。府與府別。長此勢亂。政府既遷。北省則全體如故。舊習相循。州縣多行於下。各省輟轉於上。階級複雜。簡牘繁多。近更元氣蕭張。紳牧驕肆。牧代捧檄。若嬰針芒。此訐彼攻。視若傳舍。庶政墮廢。險象環生。總之南省患在官制多偏。北省患在官制沿舊。黎副總統宸鐘一擊。惡夢頓醒。環顧神州。同此危局。伏願各都督合力贊成。乞我大總統參議院國務院迅將官制案議決頒布。昭常敬隨諸都督之後。當實力奉行。服從國權。鞏固邦本。引領翹盼。心隨電馳。

致參議院論省官制

頃聞貴院於省官制議案。經審查會表決。擬刪除大總統解散議會權。而省議會有彈劾省長權。不勝惶駭。方今國勢阨陔。黨派分歧。若立法不得其平。則禍變將何所底止。推貴院意。無非杜中央專制之萌。持伸張民權之義。不知解散議會。待之公判。於民權毫無損害。此種手續。由大總統執行。並非以此增加勢力。事實理論。均無不合。若必集矢政府。以為伸張民權地步。則議會為人民代表。省長受人民委託。於人民皆各負相當之責任。省長違法。官員委託。議會專

橫豈堪代表。顧省長既有糾憲之機關。而議會則無解散之手續。揆諸民選本意。夫豈其然。試舉弊端。可慮有四。議會無限制。勢必輒出範圍。設與省長極端衝突時。是否別立機關。為之裁判。若不服裁判。又將如何處置。此可慮者一。省長既為官吏懲戒法。行政裁判所互相禁制。復有議會為之監督。今又以無限制之彈劾權相加。勢必賢者羣思去位。而閹茸溺職者。反得苟且求容。荒政詭國。誰尸其咎。此可慮者二。設因議會無端牽掣。以致國家要政。不能實力奉行。將來中央考績。是否罪加省長。此可慮者三。強劾濫施。執政者必不能久於其位。遂至政令紛更。迄無定見。大局動搖。何堪設想。此可慮者四。竊謂法制規定。全國之利害隨之。必體察內外實情。宜於民俗。而適於國度。方無窒礙難行之弊。法之制不可行於美。美之法不可施於瑞。即一國之中。古憲不宜於今。前章不適於後。斟酌至當。責在諸君。伏望準諸權衡。平其偏倚。即將此議取消。庶幾三權鼎立。於不相侵犯之中。萬互相維持之妙。民國前途。其有身乎。區區愚誠。伏希垂察。(各省都督領銜)

慎重制定官制任免官吏令

公府秘書廳致國務院函云。敬啟者。本日奉大總統諭。各部事務官。但使熟習部務。勤慎從公。即不宜頻行更換。尤不應隨政務官為進退。現在各部總長。任事伊始。對於此點。不可不十分慎重。至恢復元年官制。根據臨時約法。雖屬當然結果。而事前究未以命令發表。於制定官制形式。即有不合。其他簡任薦任各官。近日各部竟有自行撤換。而令補缺人員。先行到部試署。

者。亦有進行補缺任事者。紫之約法上任免官吏之規定。亦多有背馳。其連函告國務院。於國務會議時。由國務總理將上開各節。交各國務員閱看。以後關於此類制定官制任免官吏等事。務當妥慎注意等因。奉此。相應函達貴院遵照辦理可也。此致。

第十一類 外交

俄國駐京公使王爵庫達攝福覲見大總統頌詞

貴大總統閣下。本國

大皇帝欽命本爵充為駐

大中華民國全權公使。付此重任之榮。特命代表本國

大皇帝與

大中華民國無替之睦誼。本爵茲膺駐中華民國欽差全權公使名榮貴重之任。為勝欣幸。

且遵本國

大皇帝之意旨。必當盡心竭力。維持鞏固兩國之交誼。甚冀

大總統將

貴政府妥協相助。是為厚望。茲將前任庫公使卸任圖書及本爵任命圖書呈遞

大總統敬頌

大總統福壽康強。

大中華民國幸福無疆為祝。

大總統答詞

貴爵公使恭奉

貴國

大皇帝欽命充駐華全權公使。親遞前任公使庫朋斯齊卸任國書。暨

貴爵公使任命國書。並面陳頌詞。述達

貴國

大皇帝對於中華民國永矢親睦之意。本大總統實深欣感。中俄國境密邇。交誼最深。本大總

統素以我兩國邦交為重。深願兩國固有親密邦交。日益鞏固。

貴爵公使才能久著。此次奉使來華。必能與我政府和衷共濟。使兩國日益相親。本大總

統自當推誠相與。俾

貴爵公使克盡厥職。即希將本大總統實心友好之意。轉達

貴國

大皇帝。並祝

貴國

大皇帝政躬安泰。

貴爵公使福履增祥。

日本國駐京公使男爵林權助觀見大總統頌詞

貴大總統閣下。本爵使欽奉本國

大皇帝陛下。簡命蒞任

貴國。今茲晉謁

貴大總統閣下。恭呈國書。至為光榮。竊惟

貴我兩國。比鄰接壤。利害之關係。甚為緊密。如今

貴國政變收局。南北統一。眾望攸歸。

貴大總統新茲就任。從是國基愈致鞏固。兩國交際。愈加輯睦。斯時本爵使奉使再任

貴國。當盡微力。圖謀國交之親善。共通之利益。有所進步。曷勝欣幸。幸荷

閣下眷遇。以全使命。是所切望。謹茲禱祝

貴共和國國運隆昌。

貴大總統閣下康泰洪福。

大總統答詞

貴爵使奉

貴國

大皇帝陛下。特命為駐華全權公使。本日呈遞

國書並函陳

貴爵使力圖輯睦邦交之意。本大總統實深嘉悅。中日兩國。誰為比鄰。關係密切。本大總統。素以親鄰為重。本國政府。必當竭力圖維。使中日兩國。固有之親密邦交。益臻鞏固。

貴爵使前駐中國有年。兩國交誼。賴以彌篤。茲重膺簡命。駐節中華。足徵

貴國

大皇帝陛下注重國交。與本大總統具有同意。本大總統必當優加禮遇。俾

貴爵使克盡厥職。順頌

貴國

大皇帝陛下聖躬康泰。

貴爵使福履安寧。

義國駐京公使阿略第親見大總統頌詞

大總統閣下。本公使欽奉我國

大君主陛下。特命派充駐華使。宣行事全權大臣。謹將調回前公使及任本公使之

國書恭呈

鈞覽。本公使膺茲名榮。責重之任。曷勝欣幸。惟有恪遵本國

大君主之意旨。必當竭誠盡力。維持鞏固兩國世好之友誼。日益親密。茲逢
貴國邦命維新。

閣下初膺大任。提綱挈領。必臻郅治之隆。乘此嘉會。除遵本國

大君主之命。代伸

大君主所深欽慕

大總統之忱。及誠祝

中國福祉之意外。本使臣個人亦謹賀

大總統政躬祺安。康泰無極。

大總統答詞

貴公使奉

貴國

大君主陛下特命派充駁華全權公使。本日呈遞接任

國書暨前公使辭任

國書。並面陳

貴國

大君主陛下祝頌之意。本大總統為勝感謝。中義兩國邦交。素稱輯睦。

貴公使東節來華。注重維持兩國睦誼。本大總統實深嘉悅。自當推誠相與。俾中義兩國素
有之親密邦交。益臻鞏固。應請

貴公使將本大總統實心友好之意。代達

貴國

大君主陛下。並祝

貴國

大君主陛下政躬康泰。

貴公使福履安寧。

與德斷絕外交布告

此次歐戰發生。我國嚴守中立。不意接本年二月二日德國政府照會。德國新定之封鎖計畫。使中立國商船。從是日起。在限定禁綫內行駛。諸多危險等語。當以德國前此所行攻擊商船之方法。損害我國人民生命財產。已屬不少。今茲潛艇作戰之計畫。危害必更劇烈。我國因尊崇公法。保護人民生命財產起見。遂向德國提出嚴重抗議。並聲明如德國不撤銷其政策。我國迫不得已。將與德國斷絕現有之外交關係。在我深望德國或不至堅持其政策。仍保持向來之睦誼。不幸抗議已逾一月。德國之潛艇攻擊政策。並未撤銷。各國商船。多被擊沉。我國人民因此致死者。已有數起。昨十一日接德國正式答復。碍難取銷其封鎖戰略。實出我願望之

外。茲為尊崇公法保護人民生命財產計。自今日始與德國斷絕現有之外交關係。特此布告。

第十二類 吏治

致袁總統各部總長勸規政府諸公

國家興亡。視乎政治。政治隆替。視乎官制。悅自東胡猾夏。宵小充廷。以姸姍為忠誠。以樸樸為明哲。遷流所極。賢者亦無可如何。然資格絕於前。清議持於後。猶不敢昌言運動。顯事鑽營。自新政繁興。後生輩出。高車駟馬。焜耀塞途。白壁黃金。聯翩填巷。魏闈門下。兒孫為獻媚之名。賈姓堂前。妻妾為買歡之具。米溫四鎮。苟或三公。朝被布衣。暮行金紫。宗旨游移。廉恥泯喪。惟利是奪。焉知其他。狂潮所傾。大陸為沒。言念及此。可為寒心。前南中諸公。反對建都北京之議。亦以腥風久熾。狡層難除。欲造新邦。滄瑕蕩穢。嗣奉大總統命令。更兢兢以官邪為念。勵精圖治。薄海同欽。當此民國初基。我當軸諸公。正宜明目達聰。與民更始。我民國士夫。亦應清操自勵。勁節不阿。樹後學之楷模。作中流之砥柱。徵諸歷朝開國之規。罔不於甄別賢才。轉移習俗。覘其見端。若復假名器為報酬。以官階為調劑。各私其黨。各昵其親。始基既傾。大木斯拔。將必至天心震怒。拳怨沸騰。後患之來。何堪設想。元洪對於政府。有服從之義務。對於民國。有規勸之責任。萬日危時。憂心如搗。懲前毖後。不忍不言。一官廢司。萬民環泣。凡百執事。敬而聽之。

致大總統國務院請整飭官常

伏惟財政困難。五方一致。元首睨睨。厥疾弗瘳。四肢百骸。牽連屢屢。戴脊及滿。束手無援。言念

在茲。恐馬如擣。國民認捐。公債義券。熱忱所激。薄海同聲。鈞餽額題。數累鉅萬。度藏中府。實若
晨星。鰥獨魚枯。江河待涸。梅津餉竭。餅畫療飢。前途茫茫。苟其有極。元洪不敏。竊謂民國新造。
元氣未充。譬彼嬰孩。誕彌厥月。撫持腓字。責之乳媪。連其成人。恩歸生我。又若沈疴甫問。頤養
為急。飲食居處。惟醫指揮。不恣情欲。責言奚至。外債一籌。既類乳。稽核用途。亦等醫監。空穴
來風。致飛為蠱。尋本挾源。各有攸歸。湖自滿清季世。廉恥道亡。政以賄成。官因人設。權苞直之
豐。壽定品秩之崇。卑。玩法婪贓。昌言無忌。官常不飭。穢德彌彰。樹的以求。擇肥而噬。割脂膏於
慈壑。諱中飽曰盈餘。素惡文奸。其可究詰。腥風騰擁。聞於強鄰。革新以後。餘毒未殄。言不行顧。
口與心違。焉俟檢開。縱情揮霍。陽稱義務之名。陰據權利之實。虛僑無當。驕侈成風。習俗移人。
賢者不免。劉強規何。穢結瞭然。要約責難。夫豈無故。鳩暇鵲室。祝代庖丁。表貴不賤。於人何尤。
為今日計。無米責炊。其何能淑。信石砒毒。尚可與權。稽核定名。實非得已。請速解決。用固邦基。
然後躬詰膏肓。免貽口實。痛懲貪冒。明定刑條。漢法按吏。首嚴受贓。晉世請求。分為盜律。權彼
輕重。著為典常。敢有嘗試刑齒。無赦所望。止辟惟明。執行以信。滄革故習。勿置具文。徇庇枉縱。
科同與交。齊廷烹阿。莫敢飾詐。獲直誅貴。一軍奮驚。竿立影隨。鉅囊未見。污風聿變。信用乃昭。
涓滴皆公。鐵毫無溢。外新視聽。內植綱維。要挾之端。不灌自熄。

致政府及各首條陳任官方法

國家之敗。首在官邪。官常不飭。百弊隨之。溯自民國成立。省自為風。布政理刑。悉為土著。推其

本意亦欲以溝通隔閡洞達民情然民害日深紀綱愈壞括其流弊約有數端交誼既廢利害太明情昧於前勢劫於後百鍊之剛化為繞指一也親族贊繁關防不謹招權納賄寄社憑城刑則傷恩縱則枉法二也先入易深媒聽中惑愛省之誼不如愛鄉羔斷不公百僚皆靡三也凡此三端賢猶不免更又甚焉盤踞機關援引私暱素餐伴食炫耀里閭公署變為宗祠官廳成為鄉社下情莫能達內患莫能除其害一勾結權要利用爪牙賄賂公行愈趨愈巧構冤獄則夏竊有聲舞弊賈則秋鵠無迹上虧國脈下失民心其害二聯絡社會號召黨徒擁戴報酬以官為市鷹鷂得食則雖繞其前螳螂捕蟬則在襲其後來如擲注去如奕棋其害三據權竊利蒂固根深外府不能貢其才中權不能行其令名為統一實則聯邦外重內輕本根愈撥其害四省界既深內訌愈烈道界縣界因緣以生大陸裂為纖塵中邦迫為部落連五族共和之實開利削分割之端其害五元洪等盱衡允局軫念窮閭殘孤不恤搏沙盡散內無強健之政府外無安聚之居民黨獄繁興政治愈廢賈誰階屬良用疚心粵自武漢起兵東南響應潮流所播遂隨風舊政前規矯枉過正迴思往事深負故鄉痛既椎心窮當思變今者正式政府幸慶告成剗治磨光在斯嘉會竊謂此風不改國治無由國滅種亡可操左券應請嗣後行政官吏自簡任官以上均不得用本省人司法官吏自薦任官以上均不得用本省人各縣知事均須距籍五百里以外至各省合格人才得由都督民政長高等審檢廳長保送中央按文官試驗法錄用簡放外省用人之權既專則中央使於行政應時之途既廣則各省先於遠才正本

清源。此為先務。如蒙允許。即乞大總統明發命令。垂為令典。去此黨風。明知此議一興。反對必烈。然達人知遠。良藥利疴。耿耿此衷。實為救國。去年倡軍民分治之議。眾口交尤。卒至順逆攸分。公私終判。狂夫之言。終蒙採擇。愛民憂世。猶抱初心。太息陳詞。佇祈明教。(鄂民政長饒漢祥列名)

第十三類 財政

致各省論借款

國用空乏。軍餉浩繁。易子析骸。朝不保夕。借債則名要挾。不借則陷滅亡。舉國皇皇。如死將至。愛時之士。欲以國民捐濟其窮。金陵倡聲。各省應響。解囊脫彈。山嶽為薄。洪何人斯。曷敢戴恩。而不知感。然窺危局。俯念民瘼。竊為哀悵。迫切之忱。不憚一再陳於諸公者。天禍滿季。四災薦作。暴斂橫徵。民不堪命。中惟兵禍。貲產蕩然。殘喘未蘇。危魂將落。撫存無術。重以捐輸。下民何辜。遭此剝削。忝尸公僕。能無赧然。縱急公奉上。出自熱忱。勺水之微。何裨鉅瀕。至於官司指廉。軍人助餉。亦惟歲出。稍減微芒。此杯水車薪之類也。鳩眾抽捐。創難作鉅。募集非法。付托非人。一涉輕率。民皆解體。必欲嚴定規則。審選紳高。累黍成錄。積弓作殳。歲有幾何。滄桑已變。飢兵譁濟。即在目前。點石成靈。量沙閔響。邦國殄瘁。咎將誰歸。此江波輻射之談也。近更有甚於此者。總理彙職。國本動搖。各國對待之方針。為之一變。各地勸捐交部。書款則雲蒸霧湧。收歛則斗轉星移。虛名未收。實禍已兆。而奸宄之徒。更復偽刻印章。私造符符。指名勒索。剔垢拔若。

鷄犬皆噉。道路以目。當民國開幕之初。為應有此疾首痛心之象。果與因取。事與願違。此豈諸公救國之初志哉。竊謂時局岌危。賢愚同哭。提倡國民捐。果能辦理得法。可以戢強鄰之大欲。可以振舉國之人心。可以樹政府之後援。可以備異日之債款。而恃此為惟一政策。則不足以救亡。論者慮債權干涉。立蹈危機。履霜堅冰。實佩達識。第念自軍興以來。兵隊浮囂。黨派陵轍。瓜分豆剖。刻刻可危。人為刀俎。我為魚肉。自侮人侮。不待今時。然武漢倡義。既認民軍。南北共和。自敦鄰誼。雖由均勢。亦出同情。至用途之不明。我實構禍於人。何尤。當此存亡呼吸之交。正宜龜勉維持。平和磋商。摩策摩力。使就範圍。縱偶損威嚴。無傷大局。合當如辛慈痛。委曲求全。來日方長。共圖補救。若責難者。逞憤激之談。夸言誤國。當局者徇毀譽之見。悲身亂倫。外圍解散。內禍環生。譬彼中流。莫知所屆。覆巢之下。豈有完卵。揆諸責備賢者之義。恐天下後世不能為諸公曲解也。伏望國務院速磋商。力任艱難。參議院曲體時艱。共圖調護。左提右挈。迅底於成。一面仍責裁軍隊。以節用途。博募義捐。以免耗費。俾他日借款撥入。胥納於生利之一途。救急一時。厚生百世。其南京所用此款。仍須詳報支項。昭示國人。用途果正。固所以破羣疑。用途不正。亦所以垂炯戒。標本兼治。無逾於此。元洪靜觀。顯狀憂心如焚。明知此議一興。干冒不韙。然存亡所係。終不敢斤斤自好。賄誘拜家。區區苦衷。可昭神鬼。臨穎涕泣。敢乞教言。

附周都督通電

借債與國民捐問題。全國注意。兩派爭執。各有見端。然以二者相形。其受害之遲速緩急。雖

不同。若單獨行之。其為非利則一。自齊不敏。敢就目前之勢。比較言之。夫借債危險。人所共知。今之迫而出此者。非獨款缺不得不借。亦且時迫不能緩借。使國民捐可急濟軍需。即借墊款也。自以從速廢約之說為宜。試問民生凋敝如此。商業恐慌如此。東西各省。已捐不一。捐西北各省。又捐無可捐。即普減官俸以為倡。亦只是中央少出款。不得謂中央添入款。朝三暮四。補救毫無明文。飲鴆解渴。不足為訓。譬如人之內病盡毒。而外發惡瘡也。服砒石則可治。而徐圖生機。服硝黃則無功。而反速死命。令之中央。內病盡毒也。各省外發惡瘡也。以國民捐視硝磺。以外債視砒石。求生求死。何去何從。自不待繁言而解矣。矧當此民信未立之時。上下交困。總目前軍餉計之。即以公私財盡數入捐。亦難應付。況未必能得手。故勸捐以減輕外債則可。恃捐以力拒借債則不可。他如不兌紙幣之行。尤非法律所能強迫。西國雖屢行之。而事過追詳。無不以為利少害多。且吾國經濟。半在通商口岸。而商岸之經濟。又多操於外人之手。設外人不信用。僅國民用之。而現在財勢不能迫於經濟之公例。流於外國。及至跌價以後。而外人轉以賤價購買。則將來損失。何可勝言。為今之計。誠舍借外債別無他法。查墊款合同內第五第七兩條所載。發放軍餉。遣散軍隊各節。有予該軍官核計員等以調查應需之便利等語。似含有監督我軍隊性質。然細釋十條中。亦尚有於主權可以補救之處。全在將來實行何如耳。區區之意。擬雙方並進。借外債以救急。仍一面募內債以為清償之計。否則民窮財盡。羅掘已空。軍隊甚多。詳清堪慮。萬一有變。外人藉口於恢復。

秩序保護商務。仍必逼散軍隊。是借債與不借等。現象危險。事機急迫。若不變計。立見國亡。即以東省論。財政收入。僅支一月。現雖裁減薪費。歸併局所。節衣縮食。徒救目前。而所謂與齊業辱民生。亦徒托空言而已。山東如此。他省可知。國民捐之能否救急。於此可見。昨見柏都督電。以借外債為過渡。以國民及內地公債為後盾。兩言最為扼要。蓋與其煎膏滅火。何如添膏救明。自齊魯管度支。與聞借債之事。深知此中甘苦。不敢隨聲附和。誤我民國。特痛陳利害。望諸公共諒。唐總理熊總長之苦衷。熱權緩急。相與贊成。俾鞏國基。而免干涉。全國幸甚。五族幸甚。臨穎惶悚。魯都督周自齊。

致中央及各省論救時

民國成立。倏忽半年。一切建設。僅具模型。財政恐慌。窮于維抵。軍需繁重。評潰堪危。商務滯停。涸竭無濟。分利者萬出其途。生財者百不得一。熊財政總長展轉思維。萬不獲已。始言外債。乃薄海內外。志士達人。應遠思深。同聲拒絕。頃以國民捐倡。發自留守。未及兼旬。全國響應。政界削薪。軍人縮餉。熱忱毅力。悼海迴天。每拜電文。崩角投地。如此國勢。如此人心。遙望前途。轉悲為喜。然目前事急。善後期長。枵柚其空。弩末易見。補苴既往。垂裕將來。燭火冶金。杯水撲燎。詎能有濟。况捐事性質。譬若曇花。醴泉甘而無源。芝草仙而無根。視陰計者。美以續命。竊以利惟取重。害惟取輕。信石攻癰。蚊此癢癢。近方衛察。標病可瘳。惟外款入手。措置失宜。木雨綢繆。首倡實業。遂以全神兼體。僑商。樹為標榜。分途飲學。遍及額蒙。紛使海濱山陬。悉明大局。勸捐募

債並蓄兼收。約以年月。鼓以精誠。累邱垤而泰山。灑勺滂而滄海。清債外債。諒亦匪艱。更有進者。則主要之政綱。與債款之作用。同時並峙。布諸國人。如劃一錢刀。嚴重軍格。務慎名器。審息生齒。推廣交通。擁護銀行。撤釐定稅。諸綱並挈。條晰理分。恃源而治。富強可致。鯁鯁愚慮。竊敢杞人。敢竭悃忱。俟諸公判。

致政府及各團體主張辦理公債

財政困難。全國一致。建設之初。厄此漩渦。主外債者。救目前以垂畫。從來拒外債者。憂後來而急籌現任。政見雖殊。愛國則一。自黃留守發起國民捐。後兼旬之間。各省雲集。認捐急公。減俸好義。電函紛紛。垂告元洪。每一捧讀。未嘗不五體投地。然伏查各都督偉畫。接之中國現勢。似有未可強同者。吾國各行省中。財產豐嗇不一。大抵東南集捐易。而西北倡捐難。自去秋光復後。各省人民捐輸財餉。類皆出自富戶。茲再勸捐。力或不逮。竊意勸捐之說。不如募債。蓋捐之名。甚廣。其財產施而不返。債之權在己。且更有生息之利。蘇州程都督常開方守人民程度一段。實屬老成謀國。詳穩周密之謨。元洪奉掌鄂政。擬從公債累著手。緣鄂中父老。曾担負去年樂捐一次。大義足感。此次湖北國民捐。現議設立救國會辦理。面收捐款。面給債票。故湖北國民捐之名。似應易為湖北國民公債之號。各部曾經文緯武地利民生。早在洞鑒。謹就鄂省現情。略貢愚衷。敬乞亮察。(章程略)

附直督論國內公債電

外債棘手。抗議紛亂。愛國諸君。竭力提倡國民債。並救國公債。冀以抵制外債。接濟中央。用心良苦。然錫鑒之愚。竊以謂值此民窮財盡之時。加以款巨用迫。斷非空言所能集事。而民國存亡。固不容緩。倘一再蹉跎。滯恐時機稍失。挽救愈難。將有終焉沉淪之痛。鄙人前於來電。謂捐債章程。宜歸統一。否則辦法紛歧。不獨難期成效。且恐流弊百出。貽笑外人。蓋已慮及此。今讀柏都督冬電。以外債為過渡。國內公債為後盾。寓求於固。慎終圖始。老成謀國。實獲我心。其喻借債之禍。謂飲鴆止渴。類於自戕。前不借債之禍。謂因噎廢食。等於速斃。元為洞中時局。審察入微。錫鑒建樹無能。隨蕭恐後。應請大總統毅然斷施行。參議院同意表決。民國幸甚。直隸都督張錫鑒。

致湘贛皖各都督維持鹽政

前承長沙都督省電。詢及鹽務辦法。被時國體組織。尚未大定。鄂省款絀。用宏。當以所覆張季直總理原電。先為回復。此係一時權宜之計。現在民國告成。百凡政策。非財莫舉。鹽政為國家歲入大宗。且關係貽款。其中情節。本大總統江電及張總理各電言之甚詳。敬處現以擁護中央財力。維持統一辦法為主旨。特將省鹽政事宜。交由張總理仍照舊章派員接辦。貴省與敝省關係最切。當表同情。

致各省聲明移交鹽政

路礦郵電鹽稅海關。應歸中央主持。以一事權。而專責成。各節。早經電達。今故省准鹽督銷局

事宜。已盡行移交兩淮鹽務總理張接管矣。特此奉聞。

致中央及各省主張統一幣制

讀蘇都督來電。出入款項。中央地方。劃清權限等語。不獨為根本之計。實亦目前切要之圖。應請大總統速行提交參議院核議施行。一面將舊有之大清銀行。一律更名中華銀行。已設省分。亟令復覓。承設省分。即行增設。准由該行發行全國通行紙幣。其各省已經行銷紙幣。中央一概担任。設法收換。仍定虛金本位制。銀銅則作為輔幣。俱以十進計算。明定規則。價及一元。准用紙幣。不用銀元。價及一角。准用銀角。不用銅元。及設中華通商銀行。於中外商埠。專司國際滙兌。其股本金。即由政府聯合內地富商。外洋華僑。籌資開辦。如此通盤籌畫。對內則有通行紙幣。以濟其窮。對外則有銀行滙兌。以劑其平。一轉移間。盈虛消息。操之在我。即兵額未能裁減。亦不至釀意外之虞。今各省自由鑄造銀銅元。發行紙幣。每每慮受中央限制。違云統一。不知此皆當其事者。私自利。有意把持。究其實際。於該省亦未見有利。即以湖北論。銀元鑄造有限。而紙幣行銷日廣。且以生銀無多。銀元不能繼續鑄起。滙兌機關。不得不停滯。外人又從而操縱其間。凡持銀元紙幣交易貨物者。一出一入。虧折太多。於是商家大受其害。官票雖可暢行。實以有銅元。足以兌換之故。由是觀之。各省人民之所信用者。實為銀銅元。並非紙幣也。人民之所以不信用各省紙幣者。實以其信用力祇能及於本省。一出省即等無用也。若以此發行之權。歸之中央。代表法貨。通行全國。此弊自免矣。此欲整頓財政之宜急於統一幣

制者一。此省紙幣信用惟祇能及一省。故不能不鑄同等價值之銀銅元以備兌換。而外國之法銀銅塊亦即相繼輸入。錢價因之日賤。市面盈虧愈為外人操持。無怪物價難平。國民生計之日蹙也。此欲整理財政之宜急於統一幣制者二。且紙幣由中央發行。不須多備同等價值之硬貨。地方反是。故幣制一而不統一。即多銷耗一日之鑄造費。若生銀銅塊之倚賴外洋者。尤為各省目前之一絕大漏卮。何則。幣制一經統一。此項硬貨即可不用。故元洪愚見以為欲統一財政。尤在先行統一幣制。又統一國庫制度。亦係統一財政要道。前清資政院曾經議決。可否廢鑄頒行。並望大總統酌奪見覆是荷。

致大總統財政部為借運蘆鹽事

福利公司借運蘆鹽原因鄂岸缺引。曹康電催運無效。始必出此。此次淮南並自請借運。使果如該部所云。存鹽豐足。鄂省何得出此。淮又何得出此。至福利公司。每引報効三兩。查淮鹽向章。每引商本十二兩有奇。福利公司報効之數。乃于二十八兩餘之內。由商本提出。不取諸公家。該部謂准舊商借運。按照鹽斤加餉新章。每引加抽九兩。是較該商報効。應出兩倍等語。微論該部加餉新章。鄂中尚未見明文。且果使一律實行。均于二十八兩餘之外。加抽食戶九兩。無論何商。均應照辦。非於二十八兩餘之內。自捐商本三兩也。報効與加釐。截然為二。該部何至混而為一。況當此民生疲敝。眾怨沸騰。提倡社會主義者。方乘間抵隙之不暇。該部加餉新章。若是其鉅。尚不知能否實行。該部視淮鹽為淮南世產。偏執保護之說。遂不惜罔顧民生計以

徇之猶復以培元氣相規以違約法相責。豈區區保一淮南。竟足代表全國耶。該部請于舊商毫無成見。元洪固所深信。然能使見信于國人手。且敵者于福利公司。一則曰借運。再則曰限二十萬引。即所以維持引岸。尊重政府。為一時權宜之計。而仍不失將來統一之規。元洪自倡義以來。即殷殷以全局為計。去年戰雲緊急。淮鹽道阻。川商之來府請運者。肩踵相接。當時無中央政府。史無所謂財政部。誰復出為禁阻者。然且再三拒駁。不敢貪近利而忽遠謀。該部今乃責元洪曰。國本永定。立信為先。一予一奪。何所取義云云。抑何其詞嚴而義立耶。元洪愚闇。但以便民利世為前提。不能以硬硬之信。純待私商。三復電文。汗流浹背。鄂省不智。秦執鞭弭。為天下先。值南北戰爭之時。首當其衝。兵民既殲。公私交困。不聞有各省之協濟。中央之補助。雖雀掘鼠。忍痛至今。今者大和已成。事過情遷。他處之於鄂。苟有如秦越。不得已而求一標本兼顧之計。盡涓埃補救之方。乃一掬苦心。輒遭嚴駁。咎由自取。夫復何言。且湘豫皖借運。皆經允准。鄂獨拒絕。該部對於湘豫皖。有以淮南為無。對於淮南。則以鄂省為輕。又見該部階級分明。有條不紊。謹當叩恩戴德。永矢弗諼。自是厥後。所有鄂省按月軍餉。及從前軍需虧空之數。但能由部籌撥。俾保自安。無論該部若何措施。元洪胥惟命是聽。願該部賞式圖之。抑元洪尚有一言忠告。淮南積弊已數百年。內外交通。官民俱困。將來規畫鹽政。改弦更張。欲善中央統一之方。必先除奸商壟斷之害。不然。區區鄂省。不足重輕。恐全國十日所視。不能為該部曲諒。惟善人能受盡言。政違衷曲。敬候裁奪。臨穎待罪。無任悚惶。

致中央及各省宣布大借款之利害

國會初開憲法未定邦人引領若望雲霓乃借款一策大波迭起急雷分飛聚訟盈庭採爻同室元洪等奉總戎行或厲強寄原不取踈田爭分越俎陳言然對民國為編氓對諸公為摯友禍既切膚諱難緘口竊敢以告哀之隱抒請願之誠民國肇建四海困窮賠款未償債權交迫干涉之約將見履行關稅田租同歸於盡其亡一也四郊多壘兵費浩繁養無額糧裁無恩餉奸人煽惑鼓噪隨之合為叛兵散為流寇其亡二也庫約既成藏警疊告折衝樽俎今非其時千里饋糧士有飢色禍端一起何以禦寇其亡三也扞柙久空周轉無術累年鈔票充溢市廛信用愈虧價值愈跌一朝破產全國為墟其亡四也庶政未興一籌莫展行政機關倚同翰墨束手自斃剝肉難醫如彼頹陽亡將無日其亡五也戰事甫息訛言羣興商業凋殘金融停滯寄產於鄰停貸於市歛收餘燼其遺無由其亡六也凡此六危朝不保夕其他久遠之圖尚有可存而不論者外人本合織之勢為壘斷之謀曲於磋商則變更屢起別圖貸乞則虧斃多方美人雖仗義出團五國仍乘危要挾處心積慮已非一朝當此公私交困內外俱窮舍借債無良方當為國人所共諒舍銀團無鉅款亦為天下所共知一年以來議院之談論政黨之主持報章之紀載無不莫借債成款稍有轉機雖明知飲鴆止渴之危亦勉懷亡羊補牢之念政府以借款標準徵議院之同意議院無異詞也政府以借款條件要議院之表決議院無異詞也國會為繼續機關斷不能自戕尊嚴擬於變易謂前此志為虛妄耶則參議院紀事錄固尚執

然可禱。謂現在倘有疑問耶。則國務院答覆書。亦以持之有故。是亦不可以已乎。大國會者。人民所託以立法。政黨者。邦國所藉以協商。歐美各國。其議員自待若何。非必橫語惡聲。各爭勝。勇老拳毒手。互鬥雄辯。闖于堂中。而反訴諸院外者也。觀諸公前後反對之電。其潮及前案。或謂未足法定人數。或謂足法定人數。或謂未經表決。或謂但表決大綱。豈惟兩院之論。絨線難符。抑亦個人之詞。矛盾相攻。諸公謂對了借款。認為必要。亦可見維持大局。顧恤宗邦。然猶且訛訛然抗辯者。不過以會議之時。事前未刊列日程。事後未具文咨復。在政府粗于先例。忽於後防。以是責言。何難加罪。然手續未周。應由議院與政府共尸其咎。寬議院失職之過。既似未平。苟政府違法之名。亦恐不受。若必欲執此小疵。遽翻全案。試問當兩院否認之後。借款停交。簽字作廢。一一皆如願以償。諸公果有卜式之資乎。抑別有劉晏之術乎。將有富國之經。足以遺人而自立乎。抑有文韜之策。足以舍此而他求乎。始無論前述六危。萬難解決。即此次已交之款。業經支用者。將何以項刻籌還。諸公必又號於衆曰。我等乃否認簽字。非推翻借款也。果爾。豈不甚善。然試問一經否認。能保外人之帖然無詞乎。能保後日之磋商有效乎。國產一破。戎機隨之。充其結果。政府不過上誘。國會亦將星散。其激烈者。或竄身窮海。其附和者。且伏首新朝。而國民流離曠野。乃同俯稿。精撲髓之刑。同人捍衛危城。乃親受暴骨剝尸之慘。庭堅之種。云亡。若教之魂。將倏。國既不存。黨將安附。後之人。追原禍首。誰復起諸公於九泉。而剖心共白之。夫逞一時之快論。為萬世之罪人。誠不解哀哀諸公。抑何心之公而識之左也。總之推翻借

欵。遠患近憂。外爭內亂。於勢萬無可逃。元洪等具有天良。非確見大禍燃眉。亦何敢危言聳聽。諸公如惟誠行恕。達變通權。念時局之艱危。加借款以承認。一面再萃合羣言。妥籌善後。議定審計院法。俾之監督用途。稽查浮濫。一也。質問財政部。使此後整頓鹽綱。計畫財政。逐條答覆。協議磋商。二也。方針既定。然後再督其實行。以各省協助中央。即以中央統一各省。內部無分裂之虞。斯外人無干涉之漸。三也。事事既行。衆志齊定。於以鞏民邦之基礎。保憲法之精神。豈惟政府受此懲創。率復不越。亦且國民拜公惠賜。永天弗諶。元洪等誓言俱在。創血猶存。滄海可枯。初心不改。當共以銅頭鐵血。擔保共和。看各省之先鞭。為諸公之後塵。斷不使帝制復生。民權中斬。皇天后土。實開斯言。諸公以政黨中堅。為民國代表。甯合衆人而一無所信。不然。始主集權。而繼主分權。始主借款。而繼主拒款。兩雲翻於掌上。冰炭變於心中。雖最愛諸公。亦百啄無能代解。若果有奇謀幹畧。匡救時艱。亦當昭示愚蒙。解除憂慮。洪等不敏。竊所願聞。翹首燕雲。即希惠復。(各省都督會銜)

維持鈔票示

照得本月二十五日。准北京財政部電開。奉由國務院鈔交文電開。軍興以後。大清交通兩銀行鈔票。無從兌換。多有減成出售者。請速議辦法宣布。免致商民虧累等因。除交通銀行鈔票辦法。由本部會商交通部妥籌外。大清銀行鈔票。本部自應設法籌送。業於該行股東呈中。批示宣布。謹先電聞。並祈宣示商民知悉。准此。合行出示曉諭。為此示仰武漢各商民一體知悉。如

有大清銀行鈔票。勿得減成售賣。自取虧累。其各凜遵勿違。切切特示。

第十四類 軍政

軍官學校訓詞

當列強競爭之會。為國防鞏固之謀。其必以軍政為前提也。固矣。夫兵事乃需者之至精。非可侈口率談。漢覽泰西雄國。其於陸軍一項。設籍徵召。更番退補。幾於通國皆兵。顧欲練強武之軍隊。必先有教育之軍官。日本步武西制。於軍官學校。尤為注重。故當入校之初。稽其年齡。驗其體格。考其智能。合格者乃得選取入校。講授有定科。修學有定期。考試有定準。俟其畢業。以之充任軍官。授之所向。皆能勝任。吾鄂前曾開辦將弁學堂一次。以後並未接續。規模雖具。造就不宏。况當國步更新。民心未固。以言對內。則甲拒乙攻。暗動明伏。厚情疑阻。概未盡乎。以言對外。則陽敦友誼。陰挾狡謀。包藏禍心。尤難叵測。吾鄂縮轂中原。創建民國。將欲圖大局之統一。救列國之顛播。庸在軍人。責無旁貸。爾各學員。自起義以來。奔走國事。具有勤勞。用特拔入軍官學校。尤望趁有用之時光。鼓方剛之旅力。精研深造。俾底於成。將來分任各級官佐。以遞升至於軍師團旅之職務。使國威發揚踴躍。內弭伏莽之憂。外消思啟之警。民國前途。有厚望焉。

工程營進職訓詞

自我軍同志。發憤起義。一夕之間。武昌克復。遂慰我黃祖在天之靈。我軍忠勇團結。以逸待勞。以仁伐暴。士氣不餒。先聲奪人。不數月間。推倒專制。審由我工程營諸老同志。首先發難。鐵血

購來。使我大漢吐氣揚眉於光天化日之下。諸同胞生長斯土。同為黃帝子孫。立志從戎。無非漢族一分子義務。本副總統之所不能已於言者。蓋所望者殷。故所責者厚。我同胞置身軍界。當以國民自許。身可殺而志不可奪。頭可斷而氣不可餒。今漢賊已不兩立。我老同志諸君又復潔身自退。不被匪惑。而永保此統一共和政體。不負起義之初志。萬眾一心。雖歐美各國之強盛。抑又何哉。嗟夫。金雞業已唱曉。覺有晨熹之光。代馬既已銜寒。實深前途之望。回憶中國多材。在昔已然。自我軍起義。各省添練新軍。今已達百餘鎮。少康以一旅興復。楚民以三戶滅秦。販國民之義憤。萃志士之心力。何難外禦強敵。內銷賊患。仍望我老同志一乃心力。和衷共濟。勿水火勿冰炭。勿邪說勿淫蕩。我老同志英年勃發。縱不能遠溯淵源。須知山川土地人民財產。皆我先聖先賢播幾多頭顱。拚幾許生命。保護遺留。以有今茲。將來內政完固。並駕各國。反孱弱為自強。揭日月以重光。上以雪乃祖乃宗數千年不振之恥。下以造若子若孫億萬世無疆之休。榮幸何如。我同胞其勉旃。我工程諸同胞其勉旃。

致孫袁兩總統改任軍務司令長

鄂省自倡義以來。首當兵衝。百政草創。現在大局漸定。正欲急圖整理。以維治安。頃據軍界同人。僉謂軍務部正長孫武。不克稱職。正請速行更換前來。查孫武當起義以前。奔走呼號。尚著勞勩。洎覽軍務。彌費經營。近以心力交瘁。叢睦時虞。不願以疲敝之身。久膺軍務。遂請解職。春疴。雖元洪優予慰留。未加允許。而該部長謙挹之懷。終必欲潔身引退。以避賢路。此次僉請更

換。既昭各同志之公道。尤遂該部長之初心。元洪亦未便強挽。現已遵照臨時政府電諭。改部為司。委任曾君廣大為軍務司長。並派員請樊君增祥為內務司長。姚君晉口為教育司長。高賈不驚。市慶無恙。從此羣策羣力。一意更新。郵治之基。或肇於此。至外間傳言。軍民暴動。孫武家屬被戕。實無其事。知閣僅念。特此電聞。

致各報贊成取消軍界統一會

按王軍長等奏電。請取消軍界統一會。老成謀國。欽佩無限。天方薦瘥。禍變環起。推波助瀾。皆由軍界。有心人。追原禍始。相與歎恨於機關混雜。秩序紊淆。以致統系不明。事權不一。此雄彼長。莫知適從。軍心動搖。民視惶惑。四分五裂。自名滅亡。天下滔滔。莫敢匡救。興言及此。良用慨然。軍界統一會之設。原以當時共和初布。政府未成。欲藉以泯合猜嫌。驅策羣力。苦心碩畫。南北同欽。現在海陸軍部。即經組成。軍界統一會諸公。固已共告成功。克償夙願。及時解散。胥隸一尊。國之利也。軍之福也。元洪敢不拜賜。所有做者前涉該會會員。謹當先行取銷。勉副嘉命。仍望建言諸公。暨我最親愛軍界同胞。共推此服從政府之心。連類及行。以身作則。移山轉海。化險為夷。元洪當乾九州金為公等香花供養也。

覆陸軍部

覽電悉。少年新進。管理宜嚴。習慣不良。流弊滋大。逾限除名。具有深意。有關風紀。敢不贊同。

附陸軍部來電

養電悉。前准夏民政長電。為軍官預備兩校。暑假回籍生請假。當經覆電謝絕。緣該生等九號前不能趕到。即應先期請假。九號後本部又宣布寬限十日。即鐵路中斷。應由海道趕赴。否則請假亦尚可及。乃一再自誤。若曲予收錄。既與逾限開革部令自相抵牾。並恐為後到者藉口。今承電示。本應遵命。惟有前開情由。且該生等遷延不赴。迹近玩視部令。目下學生驕氣。幾於不可遏抑。倘復特別通融。必致純良者相率效尤。貽軍界將來之害。況他省請假限者。亦均未准。鄂省事同一律。方命之處。尚希原鑒。

遣散軍隊論文

照得我軍起義。深賴各兵士努力殫瘁。不避艱辛。推倒專制政府。達到共和目的。惟自軍興以來。庫藏告匱。閭閻凋敝。財政困難。達於極點。農商各業。諸多廢弛。茲當戰事已息。庶政遂舉。非極力振興實業。節省銷耗。不足以圖元氣之恢復。而謀生計之發達。故前本都督傳知各軍隊兵士。如有願請假回籍者。若在本年六月以前。發給一月恩餉。以示體卹。六月以後。概不發給。各兵士深明大義。共體時艱。自願回籍者。所在多有。茲值六月發給恩餉之期限。將次停止。誠恐各營兵士。猶有未及周知者。合亟再行傳知。仰各軍隊轉飭所屬官長。目兵一體知照。如有自願退伍請假回籍者。迅即呈明該本管長官。稟領恩餉。自七月初一日起。一律停止給發。以示限制。

誥諭軍人文

元洪不才。謬膺重任。容嚴迄今。夙夜恐懼。幸天不絕漢。一舉恢復漢土。脫滿清之羈絆。變專制為共和。重睹天日。如遊化宇。我同胞必且以為長此昇平。永享幸福。閉戶不防盜。死灰不復燃耳。殊不知元洪綜觀大局。日夜焦慮。南北洋直隸之內亂迭起。湘甯皖鄂之革命屢興。種種無意思之暴動。不但耗盡民財。流盡骨血。並惹起外人之干涉。滿人得以乘其隙也。否則大局已定。民國成立。滿人得一線生路。自顧不暇。豈能有宗社黨之發現。使我同胞受其權術。為其紛擾者乎。推原其故。類皆多數無愛國心之同胞。貪其財利。受其蠱惑。有以開導引誘使然也。他不具論。即以鄂省言之。開革命之先河。借民國之元功。猶復入其彀中。甘作奴隸。撥害大局。未知所居何心。並聞謠言四起。我軍界同胞。亦混跡其中。嗚呼。我軍界同胞也。曾亦思創革命之初心乎。亦思容嚴之起義乎。不憚犧牲性命。馬革裹尸。為黃帝雪恥。祖父復仇者。我軍界同胞也。為大同胞造幸福。重履今日之共和時代之土地者。亦我軍界同胞也。一旦反去初心。不為功首。並作罪魁。不為共和時代之偉人。反作專制時代之牛馬乎。元洪清夜自思。五臟焦裂。況軍人開通最早。豈不知種族之宜分。大局之宜保。稍一破壞。影響立見。滿人稍一得志。端州嘉定之慘。倚馬可待。且外人環伺。投機之會。聞不容髮。使內地操戈。難免不從中干涉。瓜分我土地。蹂躪我同胞。亡國滅種之慘痛。恐為有識者所逆料。我軍界同胞。其亦思之否乎。務望有則改之。無則加勉。元洪不勝翹首厚望之至。

嚴令各軍人遵守軍紀文

外氛日亟。內力未充。欲大局之安全。恃軍警相維繫。自馬隊案破。數月以來。情形日臻平靜。此皆我程度優美之軍警。爭相服從。各守法紀。乃有此安寧之現象。本都督引以為殊榮。迨道路傳聞流言四起。有謂某某將勾結軍隊。藉圖破壞。或訴之武力。以遂推翻者。眾口悠悠。本難遽信。第恐輾轉相播。搖動軍心。大局前途。何堪設想。本都督率軍旅維持秩序。為本能。各軍警保衛同胞。尤以鞏固為天職。除派員分途密查外。合行通令所有軍隊。務安守本分。毋稍游移。並嚴查奸宄。以靖閭閻。倘有不顧大局。甘為匪人運動者。一經查出。定以軍法從事。仍治各該管官弁。以應得之罪。本都督為大局起見。特此諄諄詰誡。凡我軍人。務各體時艱。嚴守軍紀。則本都督不勝榮幸之至。

限制招兵文

庫事發生。各處將校。或請編新軍。或招集傷部。以冀荷戈前驅。直搗朔漠。其心殊堪嘉許。但現時軍隊。為數甚多。祇患餉械軍裝之不足。不憂軍隊之難敷。况財政支絀。萬分。費幾許辛苦。而謀遣散決。不能率行招集。以重民困。至事機之應付。須由中央主持。各軍之集團勸捐者。已咨內務部。通令限制外。希通令各軍隊。一律遵行。

徵兵示

照得中國古制。原係寓兵於農。各國遠師成法。徵兵率奏膚功。常備續備從備。各依年限相從。必須良家正業。體格考驗適中。無事按期退伍。有事赴召從戎。

此後通國皆兵。餉額節省無窮。似此良法美意。遠勝名譽。國民當兵義務。列強憲法均同。諭我故鄉子弟。其各發奮為雄。

派出軍隊一律停戰令

軍興以來。時越半載。民生塗炭。國本動搖。悼心時局。隱痛實多。本大總統依法繼任。自應力謀統一。丁此風雨飄搖。危機一髮。政綱如何整飭。國基如何奠安。萬端千端。諸待推誠商酌。苟利於國。政府無不開誠採納。立見施行。罷兵息民。最為先務。所有派出軍隊。著即一律停戰。並由該管部署。分籌辦法。剋期撤退。各該省軍政長官。各應嚴束所部。力衛地方。務期草木不驚。雀符盡淨。倒懸之苦。庶其少瘳。此令。

分別管轄陸防軍隊令

陸防軍隊。向由軍民兩署。分別管轄。軍興以來。不無變更。此後應仍劃清權限。陸軍歸督軍管轄。警備巡防各營隊。歸省長管轄。以專責成。而資整頓。此令。

第十五類 法律

致中央及各省通告憲法意見

大總統有電敬悉。民國奠定。編訂憲法。是其先務。惟憲法為國家根本大法。議定之時。宜外觀大勢。內審國情。若徒襲他國之皮毛。削趾就履。適足以速亡而已。今憲法委員會所定憲法草案。可議尚多。何敢知而不言。至貽民國前途之累。謹就大總統電所舉各節。引申言之。國務員

之任命同意權。與不信任投票制。僅行於法美二國。然其性質則兩不並行。美採事前監督主義。其閣務員對於內閣不負責任。故不妨以同意權畀之。有參議院資格之上院。然不同意者。從未一見。我國既採責任內閣制度。臨時政府期內。即已實行此制。因之閣員迭更。屢瀕於危。則此制之不容存於憲法也明矣。至不信任投票。造端於法。法弊所極。較同意權為尤甚。不同意之結果。僅不得國務員而已。當局者猶可藉異黨以解嘲也。若既身為國務員。崇朝而任事。難保反對票之不多至也。自好之士。孰肯坐待吹求。無不潔身以去者。法國採用此制以來。未嘗一次實行。內閣員卒以迭更者。實係於此。我國人材缺乏。達於極點。而尚氣節重廉恥之風。又較他國為盛。此制一行。必致中材以下。亦視政界為畏途。國無人。其何能國。元洪等以為國會對於國務員。僅宜有彈劾權。而不宜有同意制。及不信任投票制者一也。行政訴訟。英美二國。雖有屬於法院之例。然皆緣於歷史上之習慣。自非他國所宜通行。口國及日本。雖試行之。卒以種種不便。旋即廢止。德意志各邦。則多取鑒於法。使行政裁判。與司法裁判。截然分離。於是平政院制。遂為行政裁判與司法所採。權今草案第八十七條。竟舍約法上之平政院。而以行政訴訟屬之法院。元洪等竊期期以為不可。行政裁判為行政監督之作用。即使存而不用。亦足使下級官吏有所嚴憚。若屬於法院。是以司法干涉行政官吏。其不可者一。行政上之自由裁量。較司法上之自由裁量不同。往往因地因人。因時因事。不能無所出入。自非嫻於行政法。規且具有行政上之特別智識者。其判決難期允當。而國與民交受其病。其不可者二。判決之結

果必執行乃微有效。便受判決者之上級官廳。不以法院之判決為然。則爭執易起。爭執不已。進而軋轢。軋轢不已。至於紛擾。皆為事實上必有之結果。其不可者三。人才之進退出處。隨國法保障之厚薄為轉移。今此法院裁判行政事件。其信用固已不厚。設使少失平允。則潔身自愛者。必至望而却步。在職者又以疑畏之心。幸免過。全國政治。必將淪於萎縮之地。而不自其不可者四。又況我國司法尚在幼稚時代。一意扶持。猶虞不及。設再益之事務。被涉牽混。恐行政訴訟之效未收。而司法獨立之實已失。元洪等以為宜另設平政院。專管行政訴訟者二也。國會委員會。為各國憲法所無。今草案規定國會開會時。由兩院各舉委員二十人。組織委員會。職權之廣。直與國會相等。是不但以少數人專制多數人。不足以代表真正民意。且能使國家命脈。惟其操縱。而無如之何。即如緊急強命處分。為國家元首憲法上之大權。在事實。上萬無可以反對之理。今草案竟以同意權予之數十委員。是直剝奪元首憲法上之大權。而使總統無臨機應付之餘地也。元洪等以為國會委員會。萬無存在之必要者三也。審計院為國家監督會計之機關。其功用在防制政府支出。超過預算。為將來提出決算時之預備。非為輔助國會核決算而設也。故各國現行制度。除一二小國外。無不直隸於行政首長。今草案竟反多數立法例。改由議員組織。是以立法機關。侵越行政職權。誠如有鈞電所云。綜其法弊。皆使行政一部。傾為國會附屬品。勢非消滅行政獨立權不止。且國會對於政府。財政既有預算之協贊。復有決算之承認。固已徹頭徹尾。實行其監督之職權。今復於會計中途。許國會時

加干涉。是何嘗以審計員數人。侵奪全體議員承認決算之權耶。况行政權官吏應受行政法規之支配。對於國會。宜負完全責任。今審計院既由議員組織。是否亦受行政法規之支配。設令審計不當。將使何人負其責任耶。元洪等以為審計院應由總統選任。勳望最高。全國信仰之人。而不宜以議員組織者。曰也。總之我國正式政府甫告成立。法律造端。實為憲法。稍有不善。則民國前途。非常危險。務兩院諸公。共體時艱。顧全大局。將憲法委員會所擬憲法草案。詳加討論。重行釐定。務期與我國歷史習慣。現時情勢。適合。以祛流弊。而鞏邦基。無任企禱。題直之言。諸維諒察。君曰。任。民。正。長。德。漢。科。漢。口。餘。守。使。杜。錫。鈞。副。門。領。守。使。丁。槐。曾。節。

劃分行政軍事訴訟權限文

照得共和憲政。最貴權限分明。鄂省兵興之初。各行政機關。為治安起見。收受詞訟。原屬一時權宜之計。現上訴高級審判。各所業已次第成立。凡民人與行政軍事無相關聯案件。如有冤抑之處。應速赴各該所起訴。或上訴。勿得來府稟瀆。至各該所為執行法紀之機關。必能秉公判斷。不致使我同胞有不伸之屈抑也。

通令各軍遵守法律文

照得法律作用。原為懲治不善。而儆戒將來者也。所以漢高入關。首約三章之法。夏禹雖聖。徒彰法罪之仁。蓋不敢以姑息市恩。破壞定例。乃自民國肇新以來。凡百均期統一。而軍法一項。尤為整飭紀綱之具。更不能彼此為政。上下奧援。以使其司法獨立之權限。乃查陸軍監犯。不

待監禁期滿。各軍事機關。為之具保。呈請開釋者。日必屢見。此侵權越俎。微特有失軍法統一之精神。而守法者。亦將視軍法為人情之變態。若長此不整。必將有以軍法為嬉游之事。則前途之壞。何堪設想。嗣後無論何種機關。遇有犯罪人等。曾經定刑監禁。或尚未定刑而在押者。均像軍法範圍辦理之事。各機關毋得擅行呈請保釋。以清權限。而重司法。

恢復約法令

共和國體。首重民意。民意所壺。厥惟憲法。憲法之成。專待國會。我中華民國國會。自三年一月十日停止以後。時越兩載。迄未召復。以致開國五年。憲法未定。大本不立。庶政無由進行。亟應召集國會。速定憲法。以協民意。而固國本。憲法未定以前。仍遵行中華民國元年三月十一日公布之臨時約法。至憲法成立為止。其二年十月五日宣布之大總統選舉法。係憲法之一部。應仍有效。此令。

第十六類 農商

通告注重實業文

為通諭事。四月十八日奉大總統命令。開現在國體確定。組織新邦。百務所先。莫急於培元氣。興實業。東南各省。自上年重罹水患。又迫軍興。農商之業。損失已多。困苦流離。言之淚下。現屆春令。耕作既貴得時。而絲茶又將上市。仍警耗時告。人心未安。設誤農工。荒商市。則收穫無望。閭閻大傷。富者化為窮民。貧者流為餓殍。民不聊生。何以為國。此本大總統所最痛心者也。應

責成各省都督。勸諭農民及時耕種。嚴飭兵警。鎮攝地方。保護市面。使農勤於野。商悅於途。庶幾可期。商市漸復。民皆有以贍其生。而殖其產。以迓幸福於無既。凡有軍民地方之責者。其共體此意焉。此令等因。奉此。查實業為富國之源。農商兩端。尤屬國民生命所繫。鄂省自軍興以來。風鶴頻驚。農輟耕作。縱或蓄畜有待。而土貨價值日落。小民終歲勤勤。無以自存。倘盡失業。咎將誰屬。况漢口被災。商人受禍最酷。金融阻滯。十市九停。重以土匪騷擾。豪強勒索。商業零落。亟待振興。茲奉前因。合即通行諭飭各司。即便遵照辦理。並轉飭一體遵行。毋稍疎忽。

示諭漢口商市照款歸結文

照得漢鎮為通商大埠。自兵變後。各商皆紛紛逃避。市面幾乎無存。商務零落。已達極點。現在大局已定。亟應籌辦漢口市面。招集舊時各商。清理帳項。調查損失。以便設法重整。事業至發達市面。端賴金融活動。銀號錢莊。尤須從速招集。特別維持。以期挹注。各幫藉資周轉。商務始能振興。業經本都督擬定辦法。招集銀錢各商。限期來漢。示諭在案。現據漢口商務總會報告。銀錢各幫均已陸續回漢。清理往來帳項。頭緒紛繁。調查損失。自為入手辦法。在漢言漢。損失固屬一律。均有應直接間接之分。而各處情形不同。尤當有本埠外埠之別。除洋商借款已另有辦法不計外。遠而各毗連。近而外府州縣鄉鎮口岸。向與漢商有銀錢交易。所欠之款。自應一律照款歸結。不得藉詞推展。意圖倒騙。倘有奸商狡獪。其原買地方。未遭損失。或置原貸於不理。向別地運用現款。或藉兵亂以為名。隱瞞帳項。希圖脫卸。則是居心狡詐。既失商人資格。

一經查覺或故弄狡。除勒追火款。並即照律治罪。本都督以恤商保民為宗旨。此等積弊不除。不足以維商業而資整頓。除分咨各省都督。嚴申禁令。並通飭本有各地方官轉飭遵照外。為此出示曉諭。仰各埠商業人等一體知悉。凡向與漢口各幫往來帳項應還之款。務各激發天良。從速歸結。俾損失之家。得資周轉。徐圖重理舊業。事關中外全國商務。實非淺鮮。慎勿再蹈從前積習。致干重咎。其各懍遵毋違。切切特示。

示諭維持漢口商市文

為示諭事。照得富國莫要於通商。通商莫先於立市。中國商務不能發達。由於市道素少講求。然如周官所制。司市次敘分地而經市。縣師量地辨物而制域。則市廛區畫建設之權。應歸國有。可知匠人營國。凡經九緯。經涂九軌。環涂七軌。縱橫有定衡。閭狹有定式。則市道之整齊可知。爾雅曰。達謂之衡。五達謂之康。六達謂之莊。七達謂之劇。八達謂之案。九達謂之達。聚集愈繁。容積愈闊。則市道之寬廣可知。前代經商之遠謀。早寓列邦開市之法意。近百年來。五洲大通。商戰劇烈。每於要津當道。財貨集合之點。開闢商埠。吸鄰邦之精華。掘環球之利權。考其着手之方。則以場面之廣闊。廛舍之整齊。空氣之流通。法式之精美。不惜棄地於市。以博社會之歡迎。使商賈皆欲藏於其市。行旅皆欲出於其途。是以能為富爭雄於世界。遠觀於各國都會。近觀於各省租界。是其明效大驗。吾國以市政不修之故。致洋商裹足不入。不惜捐棄重金。另闢市場。而華商反託庇於其宇下。是誠吾國商界之大恥。漢口以全國水陸之中樞。四通

八達天然第一絕大商埠。從前街道湫隘污穢。災疫時作。而抑此弊。以無法改修。早為中外通人所詬病。適有上兵燹之厄。民國政府。乘茲時會。遣派工程師。開設建築公司。籌辦處繪圖帖說。將漢鎮市遊全體改革。煥然一新。為吾國第一次開闢商埠之偉大事業。凡屬商業中人。應如何協力贊成。俾與東西各國。操奇制勝。乃聞近日商民。頗生異議。或謂棄地太多。或謂尖形不優。或謂拆卸耗工。掉換滋擾。種種偏見曲論。均由不識時務。不明學理之故。誠恐該商民等。輒轉誤會。不得不切言之。漢鎮前阻江漢。後繞湖漢。地面似不及京津上海之闊綽。然舊時漢市。祇一萬七千方丈。今則拓至十七萬方丈而強。且姑嫂樹。萬家廟。謙家磯。韓家墩等處。高陞所至。皆足為他日拓殖之準備。則此寬十數丈之路綫。何靳此而忍弗能予。觀於倫敦之五層樓。而知該公司所留之地。綽然有餘。觀於香港之填海為市。而知後湖低窪之地。皆屬可用。此奪地太多之可無慮也。民居以深藏為寬。商店以顯露為貴。街繁是其趨勢。斷無欲顯為隱。其利之豐。至於尖形商店。居夾道之前。是避三方之環顧。以視正街平面。僅得一方之視線者。其利市。亦當三倍。此尖形不使之可無慮也。安土重遷。畏難悍改。此吾國人之慣性。以營個人之私業。尚且不可。何況大局所關。豈能徇遷就。以商民學術之未精。閱歷之未徧。此無世界之觀念。安有全局之統籌。如謂就原有之路綫。則雜亂而不成章。如謂縮當街之房屋。則減裂而不適用。不知灰燼之餘。勢難仍舊。拆卸之工。萬不能省。該商等原有繁盛或偏僻之地。概由公司按方估價。依次掉換。不敷之地。由公照賠。不過移步換形。於該商等並無損失。亦何固執而不

為此明知民窮財盡何忍過事鋪張。惟今日之新造尚為他年之改作更難。與其苟安寒儉。喪失無敵之利權。不如權用生產的外債。忍一時之痛。收數世之利。尚不失為一勞永逸。事半功倍之計。此折卸掉換耗費滋擾之可無慮也。然其必須改建之理由。則尤不止此者。一則五都之市。攘往熙來。汽電馬車。分途並進。稍形梗塞。即有意外之虞。香港電車之傷亡人數。可為殷鑒。若照新圖。則車馬行人。各有界線。均留餘地。可無危險之慮。一則舊時火警。動輒延燒千百十家。皆由街巷逼窄。致救火者不便往來。受火者無路逃避。每每傷亡之慘。狼藉不堪。若照新圖。道寬而牆高。火力既不能延燒。且救火與避火者。通行無阻。可無火殃之慮。一則繁盛之地。人烟稠密。一切殘廢渣滓。污穢腐敗之物。亦與之加增。為此倒屣。疾病易生。傳染最速。前此漢鎮時疫及各處鼠疫喉症。職是之故。若照新圖。市面既寬。溝渠既潔。得以吐納空氣。而無烟火淤滯毒氣之薰蒸。可無妨害衛生之慮。一則舊時街道。錯雜橫斜。形式既不雅觀。且途易於迷失。銷場冷落。高力脫薄。是其一大原因。今若築室高道。謀勢將削足而適履。徒費鉅款。貽笑大方。而商旅仍然不利。若照新圖。則街衢通達。一覽易了。縱橫縱橫。貨別隨分。洋商華僑。聞風爭至。可無阻滯營業之慮。以上各端。特其大者。此外各公園水電等項。應有盡有。必須有豐亨豫大之財力。湯平溥博之地形。庶足以發揚商務之精神。規制人民之秩序。光大中華之名譽。開拓列強之觀聽。當此炫異矜奇。誇多闢靡之世界。夫豈拘文牽俗。固陋就簡者所能為功。語曰。論至德者不諧於俗。成大功者不謀於家。又曰。凡民可與樂成。難與慮始。此為專制時

代人程度不足者言之。不謂今日民國共和而我輩最開通最繁盛之商埠人民仍為此杞人
之過慮。豈果程度之不足抑亦私利之所蒙。果如所言。則是開闢市場。改建商場之事。洋商能
為之。而中國不能。青島能為之。而漢口不能。毋亦自慮卑弱。甘居人下。永無增廣勢力範圍。與
列強並駕齊驅之日耶。須知世界文明程度日高。權利競爭日亟。小市為大市之所併。弱商為
強商之所役。積久不振。必至入其羅網。吸盡脂膏。窮蹙以至於亡。該商民等毋得畏全盤翻動
之勞。貪一時省事之利。知二五而不知一十。以坐昧經國大計。今日之事。非改頭換面。破除從
前陋習。不足以開風氣。非捐棄金錢犧牲土地。具宏遠之規模。謀商情之便利。不足以挽利權。
是以本都督不憚改革之煩難。不惜成本之浩鉅。全力專注。以俟候漢市之觀成。為吾國經營
市場之發端。而他日中央都會之模範。現在事勢已定。無可轉移。誠恐該商民等未盡周知。爰
以申明語誠。本盤庚告民之意。為司馬論蜀之文。尚其戰兢馳驅。共圖進取。毋謂陋劣之商場
朽薄之財力。得以生存於天演商戰之世界也。其各凜遵毋違。切切特示。

舉辦森林令

森林利益關係國民生計。社會公安。至為重要。邇來林業荒廢。水旱洊臻。亟應實力振興。用圖
補救。前經制定森林法並施行細則。及造林獎勵條例。公布施行在案。惟提倡保護。責在政府。
實地經營。端賴人民。現據農商部擬呈獎勵鄉村林業規定林業公會辦法。均尚妥協可行。著
由該部通行各省。責成地方官吏認真勸導。切實辦理。庶幾成效克收。利賴無窮。有厚望焉。此令。

第十七類 教育

湖北女子法政學校開校訓詞

吾楚女學開化最早。江漢被化於風始。鄧曼見稱於春秋。自是以還。流風未歇。射宇所謂賢妃。此國君之政。哲婦陰家人之道。所以徵例此。何有如焉。然而莫為之失。雖美不彰。莫為之復。雖盛弗傳。乃者軍興伊始。南京有女子北伐之軍。共和告成。湖北有女子法政之設。當希世之曠見。近今所創聞也。緬維內則所稱中壘所贊。但言女德。不獎女學。閨帷之序。遂以闕如。豈吾人秉彝之良。造物鍾毓之氣。獨斡於女子哉。毋亦偏者寥寥。故應者森森耳。本都督則有為女界前途正告者。法律所以濟道德之病。禮義所以為麗則之本。不艾其技。則幹不高。不清其源。則流不竭。自界說不明。危言日出。錮蔽女界之進化。阻碍女學之進行。來日大難。前車可鑒。是欲導之而反抑之。欲啟而致塞之也。不其復歟。要知自由者。法律之自由也。平權者。責任之平權也。使人人皆知法律。人人皆負責任。則無古今異。男女相得。血氣。率履不越。皆富於道德之思想。而約於禮義之軌道矣。此之謂真自由。此之謂真平等。復何有男女之區。嗚呼。聚訟之紛紜。耶。非民國元年十一月日。為法政開校之期。實中華上下五十年來。開女子律學之始。世界文明。卒無從於女兒心性。大是聰明。欲欲諄諄才華。於來可成治謨。迴文美錦。組之即是。爰書。豈惟吾楚之休光。抑亦全球之榮譽。本都督有厚望焉。

傳知選舉教育總會職員文

為傳知事。湖北自起義以來。學校停止。將及半載。現在教育行政機關業經成立。自應籌畫一切。以便開學。更應組織言論機關。以補其進行。倘招集全省人士。開會組織。必致延曠。日久貽誤事機。查前清教育總會職員。暨現在發起教育會維持教育會各代表。均為全省學界所選。舉對於教育事宜。應負責任。仰各會職員代表等。於本月二十三日。在臨時議會會場。遵照此次所頒教育總會簡章。選舉職員。屆時由本都督派員蒞視。以重學務。而展氣象。此傳。

普及教育令

自古鈞治保邦。端資教育。民國肇建。所有敬教勸學各要政。不啻三令五申。乃因國事蜩蟻。地方多故。遂令教育寥寥。日就衰頹。本大總統。早夜憂思。以為民德不進。民智不開。欲求鞏固共和。劃一政治。其道無由。況我國幅員廣大。人民蕃庶。將欲普及教育。比於列邦。惟賴地方官更實力振興。庶有計日觀成之望。縣知事與民最親。興學育才。乃其職責。若坐視學齡兒童。輟業以嬉。何以盡作育人民之任。應由教育部分行各省區長官。通令所屬。察酌情形。妥籌整理。推廣之法。務使地方教育。積極進行。數年以後。漸期普及。並按照知事辦學考成條例。嚴切稽核。分別獎懲。至教育視學。及各省區地方視學。尤須切實周巡。指導糾察。以資振作。庶幾教育日隆。用副國本。有厚望焉。此令。

第十八類 治安

致大總統請將張振武正法

投密張振武以小學教員贊同革命起義以後充當軍務司副長雖為有功乃怙權結黨榮驚自恣赴滬購械吞蝕巨款當武昌二次蠢動之時人心皇皇振武暗煽將校團乘機思逞幸該團員深明大義不為所惑元洪念其前勞屢予優容終不悛改因勸以調查邊務規畫遠謀於是 大總統有蒙古調查員之命振武抵京後復要求發鉅款設專局一言未遂潛行歸鄂飛揚跋扈可見一斑近更盡感軍士勾結土匪破壞共和昌謀不軌狼子野心愈接愈厲冒政黨之名義以遂其影射之謀藉報館之掄揚以掩其凶橫之迹排解之使困於道途防禦之士疲於晝夜風聲鶴唳一夕數驚賴將士忠誠偵探敏捷機關志破拜禍無形吾鄂人民胥拜天賜然餘孽雖殲尤惡未殄當國家未定之秋固不堪種瓜再摘以泉鏡習成之性又豈能遠地為良元洪愛既不能忘又不暇迴湯熨氣仁智俱窮伏乞將張振武立予正法其隨行方維係屬同惡相濟並乞一律處決以昭炯戒此外隨行諸人有勇知方素為元洪所深信如願歸藉者就近酌給川資俾歸鄉里用示勸善罰淫之意至振武雖仗國典前功固不可沒所部概屬無辜元洪當經紀其喪撫恤其家安置其徒衆決不敢株累一人皇天后土實聞此言元洪執然一身託於諸將士之上調弄尸位撫馭無才致起義健兒變為罪首言之報顏思之雪涕獨行踴躍此恨綿綿更乞予以處分以謝張振武九泉之靈尤為感禱臨穎悲痛不盡欲言

附陸軍部覆電

鄂都督慶軍密奉大總統令其常態張振武起義有功固當曲予優容寬其小過乃復盡

軍士勾結土匪破壞共和。昌謀不軌。實屬擾亂大局。為民國之公敵。躊躇再四。未便加以寬典。當此元惡貽害地方。已飭步軍統領軍政執法處。將張振武並同惡共濟之方維。並令即按軍法懲辦。此外隨行諸人。已飭酌給川資。俾歸鄰里。以免株連。副總統為保全治安起見。自有萬不得已之苦衷。杜漸防微。為民除害。足以昭示天下。所請處分。應無庸議等因。相應奉達。致各省布告張振武罪狀 (二)

竊民國初建。共和肇基。我神聖軍人。應如何保護治安。顧全名譽。矧武漢首義之區。為全國視線所注。豈可重行破壞。致陷危亡。乃有張振武。蠱惑軍士。勾結土匪。破壞共和。昌謀不軌。鄂中幾次風潮。伊等均為主動。元洪念起義有功。悉予保全。曾電大總統。薦允顧問。並擬任東省屯墾使。厚給薪金。隆以禮遇。所以酬答前勞。無微不至。詎伊等潛返鄂省。多方煽亂。不時索款數十鉅萬。竭萬民之脂膏。供跪上之揮霍。猶復密布黨羽。分設機關。稽查漢鐵軌之交通。假改革政治為煽惑。每一往返。則風鶴頻驚。欲事蠶食。則虎狼成性。神人共憤。婦孺皆知。此次電促北京。實望革心向善。豈期顛覆逆謀。圖翻全局。倘再為隱忍。糜爛何堪。萬不獲已。祇得雷請大總統。將張振武並同惡共濟之方維。嚴飭查拿。按軍法懲辦。以維大局。而保治安。元洪夙昧知人之明。故少維持之法。應得處分。議無可寬。其盲從諸人。概免株連。惟溯自起義以來。補從軍旅。情誼難忘。並將其家屬從優給恤。以示法外施恩之至意。揮淚歷陳。俾咸聞知。

致各省宣布張振武罪狀 (二)

張振武罪。業經公布。並於統日通電。計早達覽。惟其中詳情。恐未周知。本日再電中央。其文曰。張振武以初等小學副教員。曾充鄂軍務司副長。昔為功首。今為罪魁。元洪棄於真電。請大總統嚴飭查拿。按軍法懲辦在案。惟恐傳聞失實。致起誤會。爰將伊等謀逆原因。再行宣布。以與天下共見之。起義以來。赴滬購槍。糜款六十餘萬兩。槍械腐爛。無裨實用。任意浮報。鄂財政司有案可稽。誤軍需之要公。恣一己之揮霍。其罪一。自募軍隊六百餘人。私立團名。強索餉需。八月二十九日。實為逾格。又私收退伍兵士六大隊為護衛隊。坐糜餉餉。陰遂私圖。幸該團隊軍士大義素明。現願退伍。是知伊之蓄謀。匪伊朝夕。其罪二。冒充軍統。私夜橫行。帶隊放槍。居民惶恐。其罪三。搶奪兵站槍支軍米。其罪四。強佔鐵路。立中小輪船。自由行動。其罪五。暗煽義勇團團長梅占鰲。增加營數。誘令石龍川。往聯領事團。許事成任為外交司長。該員等不為所動。謀遂無成。其罪六。廣納良女為姬妾。夥串某報為鼓吹。其罪七。私立民國公校。當眾演說。革命非數次不成。流血非萬萬人不。止言者寒心。聞者咋舌。其罪八。親率佩槍軍隊。逼迫教育司。詐索學款。扶之以兵。其罪九。又令逆黨方維。勾結已開革之管帶李忠義。及已正法之祝制六等。分設機關。密謀起事。伊為原動。大家皆知。恐牽一以動百。故吞舟而滿。其罪十。此外索款鉅萬。皆密濟其黨。接來往京鄂。實陰行其詭計。種種不法。不勝枚舉。元洪薦充大總統。顧問。擬任東省屯墾使。並有蒙古調查員之命。無非追錄前功。冀其將來。猶復請兵索餉。議設專局。又添漢口私立屯墾事務所。月索款千餘元。檔案具在。慾壑未填。野心益熾。揭其始末。罪狀實屬無可

再原鄂中親故。多碍情面。雖稔逆謀。難予顯戮。一擊不平。大局危危。倘非請由中央。明正國典。何以昭示天下。自聞令下。喧傳武漢。禹象顛手。敬聲若雷。元惡既殄。民心大安。元洪自請大總統。量予處分者。實因上負大總統。下負國民。既不能燭照於幾先。惟冀補苴於事後。從優撫恤。俾生者得所。死者瞑目。天遠聽通。吾言不食。臨電雪涕。咽不成聲。等語。特以奉聞。

再致各省宣布張振武罪狀並引答負責

銑電諒達。連日函電紛馳。詰難摩起。前電倉卒。尚未詳盡。報告政府書。復承齋到。誠足遠道。不察。真象愈溲。取重述。枚。為諸公告。張振武初充軍務司副長。漢陽失守。託辭購鎗械。留函而去。當命參議丁復生。隨至上海。配定式樣。只限購銀二十萬。乃橫撥買餉元銀四十萬。僅購廢鎗四千枝。子彈四百萬。機關鎗三十六枝。子彈二百萬。鎗械腐爛。機件殘缺。有物可查。設有戰事。貽害何堪設想。且除買鎗二十六萬餘外。另濫用浮報三十二萬。無賬首二萬。尚借譚君人鳳五萬。陳督復來電索還。均係不明用途。有賬可稽。罪一。南北統一。戰事告終。振武自逸返鄂。密立將校團。遣方維往各處勾串。募集六百餘人。每名二十元。鄂軍屢次改編。該團始而不服。編制兵站總處兵六大隊。已預備退伍。伊復私收為護衛隊。擁兵自衛。罪二。二月二十七日。串謀煽亂。軍務部全行推倒。伊復獨任方維。要挾留位。復謀殺新舉正長曾廣。大煙元洪訪查得實。始將三司長悉改。顯問罪三。冒充軍統。夤夜橫行。護衛隊常在百人以外。沿途放槍。居民惶恐。其至都督府。槍必發。罪四。護衛隊屢造解散。抗不遵命。復敢搶兵站。槍枝糧餉。統視法紀。

罪五。強調鐵路立中小火輪。勾串軍隊。當夜來往。罪六。暗煽義勇團長梅占登。曾加營數。誘令石龍川往聯領事團。許事成。任為外交司長。該員等不為所動。謀遂無成。罪七。革命後。廣納良女為姬妾。內嬖如夫人者。將及十八。葉某及魯某。皆女學生。復夥串某報。為鼓吹。顛倒黑白。破壞共和。罪八。民國公校開校。當眾演說。革命非數次不成。流血非萬萬人不止。搖動國本。敵人聽聞。罪九。親率佩槍軍隊。逼迫教育司。勒索學款。扶之以兵。罪十。令逆黨方維。勾串已革管帶李忠義。及軍界祝樹六。滕亞剛。姜國光。謝玉山。劉起沛。朱振鵬。江有貴。黃耀生。暨漢口土匪頭目王金標。分攻機關。密謀起事。並另舉總統八人。伊為原動。大眾皆知。雖名冊已焚。祝滕止法。劉永尚寄監。可錄罪十一。機關破露。移恨孫武。復密遣四十人。分途暗殺。罪十二。前次所購機關槍彈。除湖北費收外。道證之藍都督報告接濟之賑。尚匿交機關鎗多枝。子彈三萬顆。私藏利械。圖謀不軌。罪十三。此次電促赴京。實望革心向善。乃叠據偵探報告。伊以委命未下。復圖歸罪。密遣羽黨。預路布置。復查悉函。阻將校園不得退伍。武漢一隅。關係全局。三摘已禱。冀謀四摘。罪十四。此外索款鉅萬。密濟黨援。腹削公家。擾亂秩序。種種不法。不勝枚舉。元洪為元大總統高等軍事顧問。並有蒙古調查員之命。無非追錄前功。冀其將來。猶復要索鉅款。議設專局。又在海上私立屯墾事務所。月索千餘元。凡此諸端。或擋案具在。或實地可查。揭其本末。罪狀實屬無可寬容。諸公老成謀國。保衛治安。素為元洪所欽仰。倘使元洪留此大慈。貽害地方。致翻全局。諸公縱不見責。如蒼生何。願或有謂殺非其地。殺非其道者。責以法理。夫復何辭。然

此中委曲。尚有萬不獲已之哀。為諸公未悉者。武昌當革命之餘。丁裁兵之會。地勢衝繁。軍心浮動。振武暗握重兵。潛伏租界。一經逮捕。立召千戈。既禍生靈。更釀交涉。操切債事。誰尸其咎。况北京為民國首都。萬流仰鏡。初非鄰省。更異敵邦。明正典刑。昭示天下。按諸名義。似尚無妨。此不獲已者一。振武席軍務長之餘。憑將校園之淫威。取靖用宏。根深蒂固。投鼠忌器。人莫敢撻。撻土重來。擁兵如故。狼子野心。更無紀極。前此以往。殺既不報。後此以往。殺更不能。十里毫厘。稍縱即逝。先此不誦。嗚呼。何及。况謀叛民國之犯。果有確據。隨時皆可逮捕。此不獲已者二。振武分遣黨羽。密布機關。奸謀敗露。應命赴京。更懷疑懼。居則佩刀盈室。出則荷槍戴笠。立節之使。不絕於途。心機叵測。消息靈通。一電遙飛。全國竊變。聯電請求。舉兵妥換。雖有西典。亦無所施。况振武現參軍政。遙領兵權。絕以軍法。洵為允當。且北京軍事裁判。尚未完全。南中軍法會議。尤非一朝。詢謀僉同。始敢出此。此不獲已者三。元洪數月以來。躊躇再四。度功刑亂。互內交禁。回腸九轉。慈心百結。寧我負振武。無振武負湖北。甯取負振武罪。無取負天下罪。剖臂療身。決鱗衛命。貴刑除患。實所甘心。夫漢高明太。皆以自圖帝業。遭際庸兒。越踐吳差。皆以悖信譏言。戎戩善類。藏子烹狗。有識同悲。至若懷光就戮。史不論其寡恩。君集被擒。書不原其戰跡。矧共和之國。同屬編氓。但當為民國固金甌。不當為個人保鐵券。元洪已念彼前勞。未忍恣行誅罰。安此尺側。彼亦稍事齟齬。遂致真鏡兩電。詞多含蓄。迹似虛誣。又何怪諸公義憤之填胸。而責言之交耳也。伏思元洪素乏豐功。忝竊高位。愛民心切。取將才疏。武漢蠢動。全楚騷然。

商民流離。市廛凋敝。損失財產。幾逾鉅萬。養癰成患。責在執政。亡羊補牢。法將何及。洪罪一也。洪與振武。相從患難。共守孤城。推食解衣。情同骨肉。乃思深法地。背道寒盟。瘡口罔聞。剖心難諱。首戎之士。悉為罪魁。同室操戈。幾釀鉅禍。洪責涼德。於武何尤。追念前功。能毋墮淚。洪罪二也。國基初定。法權未張。凡屬國民。應同維護。乃陰象環生。禍機迫切。因養指失盾之懼。為枉尋直尺之謀。共一方黎庶之心。解天下勳庸之體。及經行權。為法受患。鼠思泣血。不敢告哀。洪罪三也。有此三罪。十死難辭。縱諸公揆諸事實。鑒此若衷。函事優容。不加譴責。猶當踴天踏地。愧悔難容。况區區寸心。不為諸公所諒乎。溯自起義以來。戎馬倉皇。軍書旁午。忘餐廢寢。忽忽半。南非爭議。親歷危機。蒙藏凶禍。顛驚噩耗。重以騎兵四起。伏莽潛滋。內謹防閑。外圖排解。戎嚴之令。至再至三。朽索奔駒。幸逾絕險。積勞成疾。咯血盈升。俯仰世間。了無生趣。秋荼尚甘。燕雀猶樂。顧瞻前路。如隔深淵。自時厥後。定當退避賢路。俟待厥諒。倘有矜其微勞。保此蓬蓽。窮山絕海。尚可棲遯。漢水不波。方城如故。雖死之日。猶生之年。世有鬼神。或容依庇。百世之下。庶知此心。至張振武罪名。雖得。勞勩未彰。除優加撫恤。贈其母使終年。養其子使成立外。特派專員。迎柩歸籍。乞飭沿途。善為照料。俟靈柩到鄂。元洪當躬自奠祭。開會哀悼。以慰幽魂。並擬將該員。事略。彙成書。請大總統。宣示天下。俾曉然於功罪之不掩。實罰之有公。斗室之內。稍免疚心。泉臺之中。或當瞑目。臨風悲結。不暇擇言。瞻望公門。尚垂明教。

致中央政府及各省請主持正論

聞且有議會敬電欲彈劾國務總理不華駭異查張方槍斃實係鄂軍界取決由元洪雷請執
行此案情節重大牽涉繁多元洪當時宣布文總統不能公開審判原為安靖黨羽顧全大局
起見迭經元洪通電聲明所有完全責任應歸元洪担負但元惡就職全境安堵元洪一人得
罪縱糜軀澤血亦所心甘何得波及國粉總理藉端傾陷搖動邦基密念人心不寒而慄各省
都督議會老成謀國不徇於風影之說不激於黨派之私必能判決是非主持正論望乞彈劾
元洪以謝張方於地下感且不朽臨穎待罪無任馳惶

附表總統挽留電

前接箇電中有逆遊賢路待成謫等語鄂中軍民商學各界聞此消息奔走號汗哀乞挽
留之電不絕於京師則鄂中人民之心意不問可知外有傳聞之詞自不如土著之較為親
切參謀有計畫全國軍事之責任非有為中原發軔之要樞稍有搖動恐全國人心闐而解
體不獨鄂中父老惶惑萬狀也務乞勿再宣言俾安眾志大局幸甚鄙人幸甚哀世祀

附湖北保安社紳耆通電

湖北自起義以來無日不在驚濤駭浪之中禍亂總統鎮撫行宜得以秩序晏安而屢不擾
苦心孤詣遠近咸知張振武雖於光復之初薄有戰績而流上購槍一役吞殺至念餘萬之
多大局未定敢誤軍需腹累人之脂膏實一己之囊橐功罪相較罪實過之副總統曲予優
容未加譴責恬惡不悛乃敢私立機關自募軍隊假借名號擅製徽章任意橫行道路側目

尤復廣置姬妾。需索金錢。漁色過於蒙家。攬贊同於劫盜。南山罄竹。十死猶輕。顧振武雖蒙積邱山。而副總統則量適江海。仍薦之大總統。俾充顧問。資遣入京。已蒙大總統委以調查蒙古屯墾事宜。意蓋慰其前勞。觀其後效。振武若稍有人心。尚存公理。宜如何感激圖報哉。影知歸。奈何捲土重來。野心不死。膽敢勾串軍隊。聯合土匪。意圖大舉。欲取抑督民政長而代之。並揚言如事不成。即將焚掠租界。啓釁外人。使民國同歸於盡。居心危險。蓄謀狠毒。風聲所播。萬眾寒心。武漢震驚。達於極點。萬一決裂。危險何堪。幸而天奪其魄。祝制六等。以此破獲。始得轉危為安。然羽翼雖除。渠魁尚在。汝霖等私憂隱慮。未嘗不議副總統之過於仁慈。失於斷制。養癰貽患。未能為湖北計久遠也。乃自京電傳來。元惡梟首。父老子弟。方慶更生。蘇峻誅而晉室安。元濟禽而蔡人樂。蓋自民國成立以來。伸法權。快人心。度未有逾於此一舉者。在大總統之英斷。副總統之沈毅。真鄂境於苞桑。晉邦基於磐石。功在百世。夫復何疑。不圖參議院諸公。自逞私臆。首發責言。提出質問之書。將成彈劾之案。側聞副總統並已電京辭職。連日鄂中大局岌岌。復有杞捧不安之象。悲夫。何鄂人之多不幸也。竊謂振武罪狀。在他省議員。容有不知。習故守常。尚無足怪。若鄂人則誰不知。在振武前此舉動。或關於公家款項。或涉於個人私德。或觀釁未發。或分謗有人。雖萬惡之已歸。猶千夫之未指。至近日三次革命風潮。摩知為振武主謀。三尺童子。孰不欲得而甘心。吾鄂向鄉諸議員。雖旅食京師。優游自得。然豈無家室在鄂。豈無親友在鄂。豈無耳目共見。豈無函札往來。奈何於茶

毒我之張振武。則極力袒護之。而保護我之副總統。則極力詆毀之。天道猶存。人心未死。諸公清夜捫心。堪自問耶。縱諸公自意非吾鄂人民正式選舉。不必為全鄂人民幸福計。獨不為祖宗邱墓計乎。揣諸公之設詞。不過謂振武有功。宜事寬容。民國用刑。宜從審慎。殊不知推翻專制。非振武一人之功。破壞共和。實振武一人之罪。况乎功小罪大。功少罪多。在副總統已寬不一寬。在民國亦寬無可寬。至於逮捕審訊。原有專章。而振武黨羽繁多。稍縱即逝。需為事賊。雖悔何追。眾證昭彰。即成信讞。南山比案。安用游移。此又辨之無可辨。疑之無可疑者也。汝霖等伏處鄉間。從不過聞政事。惟自去年民軍起義之時。即設立保安社。維持於成事之際。奔走於離亂之餘。招集流亡。捍衛桑梓。迄今十月。粗得少安。今如因張振武功罪不明。致副總統有動搖之慮。豈特鄂人失恃。抑且大局堪虞。棟折榱崩。覆屋是懼。公證所在。未敢緘默。伏乞大總統一面切實慰留。一面廣為開導。仍望參議院諸公。及湖北同鄉諸京官。主持公論。勿感浮言。以福鄂人。以安民國。臨風跼望。不盡欲言。

附陝西都督張鈞挽留副總統電

自滿清入關二百年來。闔無天日。我公首舉義旗。為海內先。神聖慈威。遐邇同欽。某親覽非分。布國不軌。我公以燭照如神之明。為先發制人之舉。孟常投首。諸葛揮淚。法不可寬。愛莫能助。乃有不識大局。妄事誹毀。我公因此特艱。僞萌退志。鈞不才。竊以破壞雖終。建設伊始。我公一人。天下具瞻。去留所關。安危攸繫。望持弘毅之志。荷重遠之任。禮義不愆。人言何恤。

附鄂省教育總會通告

致振武正法。鄂省輿論翕然。乃達道傳聞夫首。致起詰問之辭。不知蔡副總統為一者治女。走見電告大總統。盡法求治。實有不得已之苦衷。敢而實情。伏乞主持公論。勿為羣言所惑。謹此奉聞。

致大總統因軍界反對參議院列告

鄂省軍界。閱參議院為張振武案。有彈劾政府之信。頗為憤懣。經元洪再三勸解。已安靜矣。特此奉聞。藉為慶象。聞昨日軍界通電。措詞峻烈。元洪往阻無及。索稿未獲。深為惶惑。伏思元洪於張振武案。辦理委曲。未能事先為曉。致啟詰問。參議院究其過失。正見愛人以德。咎由自取。於人何尤。感且不遑。敢言冤曲。乃各界憤憤洶洶。煽言四起。怨聲不受。反唇相譏。清夜自思。愈形咎戾。九州鑄錯。雖悔何及。除一面查察議處外。特請夫察之罪。臨顯銜程。淚隨電瀉。

致中央及各省布告大江報罪狀

竊國家要素。在尊重君主權。共和人民。要服從於法律。無政府何以立國。無法律何以治民。當此建設之初。豈容破壞之事。查有大江報出版以來。專取無政府之主義。為國謀不軌之機關。擅造妖言。誣惑人心。廢婚姻之制度。滅父子之大倫。無國家無家族。無宗教。無男女。近乃益肆猖狂。毫無忌憚。至有除去政府。取消法律之邪說。晉偽大逆不道。慘毒已極。我中華禮義之邦。豈可淪於禽獸之俗。此等妖人。誠民國所共棄。世界所不容。等語。非種。朱虛侯在所必鋤。例以

聞人少。正卯是宜務去。敝省為扶持人倫保復治安起見。著軍警即行查封。該報館主筆何海鳴。凌大同。等。現尚在逃。應請一體嚴緝。就地正法。以懲悖逆。而維法紀。除佈告外。合行通電。知我罪我。當與天下共見之。

致各省聲明拿辦何海鳴原因

青電想達覽。查何海鳴等。當漢陽之役。捲逃鉅款。曾經通電緝拿。就地正法在案。共和宣布。大局初定。未予深究。實望洗心革面。同為良民。詎意怙惡不悛。潛來武漢。到處煽惑。圖謀不軌。機關破獲。調查名冊。該逆等實為主動。幸殲厥渠魁。當將名冊燒燬。不事株求。原示開誠布公。以留改過自新之地。乃該逆自經漏網。假大江報紙為機關。盡惑民心。破壞團體。經彼煽動。不之其人。實尋常叛逆可比。元洪為大局起見。通電緝拿。就地正法。且其萬不得已之苦衷。頃閱該黨秘密會議。欲煽報界。以圖解脫。要知此等積惡素犯。濫等報界。本無記者之資格。實為民國之蠱賊。倘遇事姑息。不為限制。諸悖逆之徒。羣起效尤。假報館為護符。民國前途。何堪設想。在報界諸君。代表輿論。鼓吹共和。果係宗旨正大。元洪方馨香禮祝之不暇。此等敗類。自在報界。屏斥之列。元洪自維生平。居心行事。早為國民所共鑒。惟恐各界未悉原因。或起誤會。合亟聲明。惟詳察焉。

致大總統國務院報告李雨霖謀亂情形

近日鄂軍遵辦改編退伍。匪徒乘機倡亂。宣言推翻政府。私舉文武各官。徧送傳單証券。專收

退伍軍人許以官祿約期舉事。其已歸編制不應退伍之兵。彼亦煽惑退伍以削官力。而厚匪勢。所幸破獲尚早。壹據首要各犯。供稱李雨霖曾尚武為原動發起。並謂黨人熊秉坤為已經聯絡人。證據極為確鑿。查李雨霖原充第八師師長。尚未交卸。前月由滬赴任。批鎮師部。據查不知何徑。曾尚武原充寶塔洲稅局總理。交代後既。不朱省報銷。並且捲逃鉅款。熊秉坤原充旅長。甫經給資退伍。杳無蹤跡。以致軍法處無從傳訊。該員等如果清白乃心。當此事涉嫌。自應早求剖白。乃或則擅離職守。或則聞風遠颺。即謂罪案未成。實已有玷官箴。喪夫身分。除呈請大總統先行免去執位職官。以便歸案訊辦外。為此連電布告。著限該犯官等。十日為期。自行回鄂投案對質。有無其事。鞠訊自明。如係虛誣。尚當為之昭雪。並可酌量情節。請復原官。倘仍恃符抗匿。逾限不到。則是情虛畏死。甘為戎首。惟有懇請大總統飭下院部。暨各都督民政長。交涉使。通飭所屬軍警。懸賞緝拿。按律治罪。以肅軍紀。備緝公誼。不勝急切待命之至。

致各省通告鄂亂情形(一)

本月二十四日。據報上海總機關。派人赴鄂。連動軍隊。機關在漢口。民國日報館當令飭軍警。會同法捕搜獲證據。內有宣告湖北獨立。組織北伐軍。請各省協應。並起義宗旨。軍人條例等語。文電布告多件。並拿獲編輯曾毅等四名。文法捕房拘禁。壹據會審供認不諱。各在案。隨即按照警備區域。臨時宣布戒嚴。派兵分段巡緝。本月二十五日。探息亂黨機關多處。約於二十五夜在省城南湖地方集合。口號成城。旗幟袖章。均用白布。為號。經鄂軍轄重圍。拿獲為首指

擇人王泉明。幫同指揮趙大滿等三十名。軍軍第二團一營四連。拿獲陳金標羅漢臣等十八名。飭據軍法會審。王泉明等供稱。改進團在鄂起事。有代表鍾姓。併退伍黃姓。說是軍隊。多在聯絡南七眷。都要動手。叫我等招兵。到南湖集齊。約一點鐘進起義門。併有某議員等多人主持等情。復據警師長天才呈報。職師駐紮造紙廠後靠河邊。念五夜四鼓時。衛兵見有西裝兩入。扒越後牆入營。搜獲手槍四桿。子彈一百顆。又在牆外捕獲接應三名。捕時將手鎗炸彈拋棄河中。據供越牆為時。倚方安漢兩名。牆外為鍾仲衡。何作倚。黃天監三名。係由湖南江西廣東省來鄂運動軍隊。舉行暗殺。因欲推倒政府。故行二次革命。昨在東洋租界松延家。凡原公館商定夜三點鐘開船。到造紙廠運動軍隊。併云革命機關無處不有。各等情。當此戒嚴期內。亂機四起。情勢危急。已獲各犯。未便久稽。致滋變故。業經循據確供。按照軍法分別處決。本月二十六日。復由交涉員軍警會同德捕。在漢口德租界日本所開富貴館。拿獲密詞元熊越山兩名。搜出日本鈔票三千餘元。銀洋三百餘元。名冊一分。內分担任軍事調查聯絡會計文牘庶務各科。並支付各種帳目一本。內有派人赴荆沙田鎮及鄰省等處。川蕤其竄。熊兩名。業又德捕房拘禁。復在法租界伊達醫院第六號。抄獲旗幟多件。復探悉是夜口號忍耐。乃由起義門入攻城。內放火接應。本夜城內外三處放火。均經次第撲滅。查此次謀亂。導源上海。蔓延各省。而以佔據湖北為根據地。並據供稱。有外國兵船。為其司令機關。奉國糧深。已非一日。自維薄德。既不能輯奸宄之心。復不能安商民之業。至武漢三鎮。風鶴頻驚。幸仗諸公之威。屢次破獲。

漸悚何如。現在地方安堵。堪紓屢注。除一面仍嚴加防範。並呈明大總統外。特此電聞。再近日亂黨派人聯絡鄰近各縣。往來不絕。並祈譚柏張各都督。歐陽護軍使。陳司令官。嚴密查緝。以保治安。全局所關。匪徒鄂人拜德已也。

致各省通告鄂亂情形(二)

感電計達。此次亂黨擾鄂。勢雄計毒。較前愈烈。武漢等處機關四布。勾煽軍隊。招集無賴。萃於南湖。以攻起義門。以城內四處放火為其接應。上游一帶。前岳口麻洋潭漲集港等處。所駐各營。同時兵變。均扯白旗。勒索水警槍械。劫奪縣署庫藏。開放盜犯。擄掠船隻。自仙桃鎮以西。漢陽下游一帶。則派人勘測塘堤。擬決江水。以淹黃陂。使留駐北軍。同為魚鱉。不惜以七縣生命為殉。蓋異種相殘。亦無若是之酷者也。幸仗諸公之威力。將士之先事預防。次第撲滅。而公私無形之損失。已經鉅萬。當此民窮財盡。外患環生。舉國一心。猶虞不及。乃竟有元惡大憝。顛覆國基。滅絕人道。豈惟人神所共嫉。亦且虎豹所不容。元洪一年以來。顧全大局。屢為含忍。上次改進黨之變。未戮一人。無非欲革面洗心。共遵軌道。乃陽竊革命之名。陰行盜賊之實。再接再厲。民不聊生。設使再事優容。何以對鄰省。何以對友邦。何以對無告之窮民。何以對起義之先烈。查此次亂黨總機關。設在上海。籌調元熊。趙山。李雨霖等。先後來鄂。攜帶鉅資。潛住租界。與詹大悲。鍾仲衡。彭養光等。分途運動。每以日本所開富貴館。松廼家等處。為其合集之所。計在襄陽。二犯寓內。搜出名冊一本。內開(一)空名(二)李良軒即李雨霖(三)任調查者。鍾

仲衡鍾勛莊。(四)任聯絡者。鍾仲衡溫楚理楊子堯即王鵬趙鵬飛彭養光。(五)任會計者。詹大悲鄒永成。(六)任文牘者。曹毅曾泉源周覽。(七)任庶務者。溫楚珩張東文等。內鍾仲衡一名。因暗殺蔡師長天才被獲正法。曹毅周覽二名。已先在民國日報館被獲。又在甯甯熊二犯窩內。搜出帳簿。內開收入甯款季款等項。記載不明。其支付運動軍隊川資。武昌彭臨九德安張南星荊州楊子堯各二百元。陽夏鍾仲衡三百元。田鎮劉仲州八十元。河南鍾勛莊五百五十元。此外冊列各名。經手支付千百十元不等。並尚存日本鈔票三百餘元。證據確鑿。無可掩飾。後據王泉明等供稱。在漢口會見姓鍾。即鍾仲衡。住在外國兵船。他說是一動手南七者。都要動手的。他令我招兵等語。並先查獲民國日報館告白布告多件。其餘證據尚多。不必宣布。現竄匿二犯。尚留德國捕房。曾毅楊瑞鹿成希禹周覽四犯。尚留法國捕房。已飭交涉員請其引渡。其匪首詹大悲等十餘犯。由日本人保護乘岳陽九下駛。該船抵九江時。查據耿代鎮守使陳司令等報告。確見在岳陽九。有洋兵數人保護。船主不允捕拿。不待上下貨物。即行開輪等語。其餘要犯。亦均四處逃竄。勢必仍潛集上海。捲上重來。慶久不除。魯亂未已。應請大總統國務院飭下各省都督民政長護軍使。將以上冊開各犯。懸賞購獲。歸案訊辦。以杜亂萌。並飭外交部與各國公使嚴重交涉。不得庇護亂黨。擾害公安。大局幸甚。元洪德薄能鮮。弭亂無左。風鶴頻驚。實深慚愧。惟念自起義以來。對於政府。則擁護統一。對於民國。則鞏固共和。固不敢開中央專制之萌。亦不忍見地方分裂之慘。前此推戴南京政府。此志生死不移。若同

室操切甘為戎虜。雖三尺堅子。猶知不可。苦心不諒。夫復何言。諸公老成謀國。當必同此悲憤。共天素心。臨穎禱。不盡所言。

致中央及各省宣布寧能謀亂確據

接劉總長先後來電。係密謂元熊越山二人。均悉。查甯熊二人。同寓漢口德租界。日本人所開富貴館內。攜帶鉅款。勾結軍隊。由文涉員單警會同德捕前往緝拿。在甯調元皮包內。搜出名冊一封。(中略)並現存日本鈔票三千餘元。銀元三百餘元。皮包由德捕頭親啟。一切證據。現均存德捕房。密謂元親為罪魁。實無可掩飾。熊越山同為伴侶。亦確有嫌疑。此次亂黨謀鄂。勢浩大。二十六夜。有城縱火。焚房至七八處。已經三處成災。漢陽派兵渡江。至三四起。上游一帶。同時兵變。下游則勘測堤岸。擬掘江水。幸先時預防。不至破壞全局。為諸公憂。諸公謂甯熊二人。熱心國事。奔走有年。元洪亦耳其名。誠不料甘心從逆。破壞共和。一至於此。讀廣東陳都督東憲。深為痛惜。諸公飭將開釋。或係不知內容。現正要求德領引渡歸案。訊辦。務期無濫。無縱。以副雅命。惟劉工商總長。單銜來電。有南北漸慶和平。似可不再牽累。做處一面轉呈總統等語。區區之愚。竊所不解。元洪自起義以來。但知有民國。但知有共和。不知有南北。若謂分地域。則元洪亦為南人。若謂慶和平。則元洪實求平靖。元洪承政府之命。受國民之托。但期擁護共和。剷除亂黨。天職所在。雖親不抗。果係無辜。雖仇不累。此次各犯供詞。牽涉多人。元洪以證據不充。概不連及。蓋於懲辦亂黨之內。仍寓顧全大局之心。如若甯調元等証據確鑿。何至謂

之牽累。六次改送團之變。未戮一人。無非欲革面洗心。共遵軌道。敢不敢自謂仁慈。亦何忍稍事殘酷。又何至飭其不再牽累。倘此種放火掘水之事。發於珂里。祖宗邱墓。寧忍毅然。大總統雖有特赦之權。然必俟訊明判決。呈候核辦。所謂面呈總統。意欲何為。必謂此案有冤。不妨提京審訊。以昭公允。元洪對於忠告之言。惟有刻骨銘心。更何敢強顏置辯。惟雅不願加此大題。被此惡名。知我罪我。付諸公論。臨電待讞。無任主臣。

致中央及各省通告李兩霖等犯案情形

查此次湖北軍官李兩霖。曾尚武。熊秉坤等。煽惑軍人。倡謀內亂一案。前因李兩霖積離職守。携款潛逃。抗拒不交。經於責日通電。限期十日投案對質。否則通飭緝拿。放於咸日通電。請中央各省派員會審。是日奉大總統令。先行褫奪李兩霖等職。並由鄂省組織軍法會審。提集一千人證。訊明呈請分別懲辦。復於巧日奉大總統電。轉飭遵照前令。飭李兩霖等遵限投案。詳加研訊。分別發落。仍將詳供宣示等因。各在案。現在限期已過。此等要犯重案。勢難久懸。本都督業經遵令組織軍法會審。懸案待質。該犯官等逾限不到。即係情虛畏死。前案既已供證確鑿。尙可照章缺席判決。請令執行。惟念該犯官等。當兵患難。不無勞動。著再展限十日。令其投案對質。予以呈訴之權。以示寬大。俾國人曉然於本案事理之是非。或共諒元洪不遺故舊。不激法權之本意。如再踰限不到。則是自願喪失陳訴之權。至會審判決。呈奉大總統核准。以後無論如何陳訴。斷不能發生效力。國家惟有執法相從。元洪亦不能因私

情而廢公誼也。至本案供證。一俟對質足讞。自當遵令宣布。刻下案情未定。供詞甚多。例不發表。惟現獲容景芳管新源王光漢各犯。均係陸軍官佐。與李曾等直接承辦之人。軍法處均係侍立番閱。絕未沿用前清號訊刑訊陋習。毫無強迫。所供李曾等各給鉅款。主使租房購券。制定暗號字碼。聯絡軍人各情。均有奉印親筆各供。彼此同聲。前後一致。證據確鑿。合先電聞。免至傳聞異詞。該生疑慮。並懇中央各荷飭登各公報。俾李曾等知悉為荷。

致各省為李雨霖事

准抽都督文蔚通電。不勝駭異。元洪前日青電。係因犯官容景芳等口供。李雨霖曾尚武為原動發起。併各給鉅款。為租置房屋購辦證券之用。供詞甚詳。電難盡述。犯官尚在。非可示誅。法律手續。虛實均應傳案質訊。乃李則擅離職守。曾則携款潛逃。軍法處無從傳訊。重犯要案。未使久懸。無已。乃有呈請免。去官款。通告限期投案。如有虛無。當為昭雪。開復等語。平情論事。自問不為過也。不意未電不察。輒以張方案為之比凶。並謂以辦土匪事。加罪李曾。為人輕聽。人言誤傷士類。同意見不合。搆成疑案。興起大獄。請將佳電取消。並通告海內。以誤聽之。故等語。信如所言。則直妬賢害能。殘忍嗜殺之所為。元洪雖愚。抑何至此。不知青電。但稱匪徒。並無土匪字樣。加罪李曾。係破連之步兵。中校容景芳等口供。並非換聽人言。當此案未破之時。武漢一夕數驚。居民遷徙。商旅裹足。直至破獲。始得安甯。皖鄂相去。僅一日水程。事之虛實。不難查悉。即不調查事實。亦須詳覽電文。人尚未到。案尚未訊。何得以外間揣測之詞。遽爾通電。

取消。設何容易。國家治亂安危。全賴法律為維持之具。法律平等。無論有無官勳。賞罰則同。民國成立年餘。正患有賞無罰。循此不變。將成一麻木不仁之政治。識者均引為人心世道之憂。諒我執政諸公。各有治亂安危之責。對於此種密謀煽亂。供証確鑿之案。未必忍而出此。果如來電所云。取消前案。則有官勳者可以犯法。密謀煽亂者可以無罪。罪犯之供證無效。法庭之質訊可以廢除。司法軍法各機關皆可不設。如此尚有存在之國家乎。至上年張方一案。正係未經軍法審判之手續。至啓羣疑。決月經旬。浮言盡消。並無震動全國之價值。則依法質訊。非昔之比。諸公乎。造民國。自當以維持國家治安秩序。保護人民生命財產為前提。當茲急難危疑之際。所望主持公道。鎮定事機。慎勿不顧事實。輕信浮言。誣毀個人名譽之事。貽誤國家全局之害人。尚祈共矢公忠。化除私見。根據法令。仍飭李兩霖曹尚武等到案對質。以徵虛實。如慮鄂省審訊不確。即請大總統飭各院部並各都督。各派上級軍官一員。來鄂會審。以釋羣疑。元洪斷不願李兩霖等有是事。以為鄂省軍官之玷。如果仍舊抗拒不到。正如來電所稱。構成疑案。李兩霖等將終身無以自解。柏都督肝胆照人。素所契慕。此事雖傳聞失實。不能不詳實陳明。然古諷忠肝安當私心感激也。專此布臆。敬候公裁。

附柏文蔚為李兩霖解釋電

自張方案發生後。全國人心浮動。陰象環生。賴大總統副總統威德素著。鎮攝多方。得免意外之變。而輿論紛紜。至今未息。弓蛇杯影。日有所聞。蓋身在局外者。不情局中之喻事。故負

天下之責在一言一動。必期與眾共見。甯屈己身以伸家論。夫豈畏人言而甘自退馬。要求國是之得也。變字之入安而已。共和新建。百端待理。內憂未甯。外患迭作。我大總統副總統憂等情。屬于上。各省督督。輻輳於下。羣一國之人。欣欣然得脫離專制。鮮艷。期共進於無疆之休。文蔚不才。奉附驥尾。每奉中央之教令。誦各省都督之謹言。輒喜指南有針。得所從事。而環顧大局。內審人心。又竊竊疑。懼世變之未已也。近讀副總統佳電。以辦土匪事。加罪李曾諸人。文蔚誠愚。有不得已於言者。使諸人而為匪徒。殺之不可以不盡。使諸人而非匪徒。則是輕聽人言。誤傷士類。天下人聞之。其以副總統為何如人。懷才扶能之士。多不理於人言。往往因因見不化。多成疑業。興起大獄。持國柄者。於此等事。不可不加詳察。況際宋案未定。國會初開之時。黨論囂囂。莫衷一是。正宜示以鎮靜。坐弭流言。豈可輕為舉動。致人口實。文蔚從諸賢。從主張急進。輒斥儒者持重之言。以為迂緩。年來閱歷漸深。客氣漸化。乃知得人心者昌。失人心者亡。往昔名言。不可易也。故適者對於舉措各事。必求根據。法令。順從人心。兢兢自持。不敢稍緩。以此自勵。更望我大總統副總統。勤求民隱。俯納人言。反危為安。慎終如始。收天下之重望。為民國之完人。俾將來修國史者。無所訾議。於其後。斯實出於至誠。並非與李曾諸人有別項交涉。而為之辯護。區區之心。天日可鑒。更請我副總統。立將佳電取銷。並通告海內。以前此誤聽之故。日月之蝕。無損於明。禹湯罪已。興也勃焉。全國安危為重。個人得失為輕。不避疑忌。特貢狂言。是否有當。伏祈指正。仰各省都督。有以

教之。

綏靖地方示

照得國家要素不外土地人民政事三大端。其有危害此三大端者。即為危懼。其能捍禦此危懼者。則惟軍隊。鄂軍自上年起義。專以國利民福為前提。迨自共和成立以來。各軍士於城鎮地方。嚴密巡查。不稍疏懈。是以屢次破復。巨孽莫犯。防患未然。所以勤職守。即所以報民國也。惟是武漢等處。輪軌四通。五方雜處。游土各匪。最易潛跡其間。每每布散謠言。圖謀不軌。大之則攘奪政柄。小之則劫取資財。以我軍士斷頭流血。我人民傾家蕩產。造成此民國。瘡痍未復。基礎未固。若輩乃包藏禍心。再圖破壞。使人民失自由之幸福。國家無共和之精神。震懾我生靈。誣毀我榮譽。此種喪心病狂。全不度德量力。恢復天綱。罪豈能逃。是宜妥為防範。布置有方。俾奸宄不致潛生。閭閻得無驚恐。本都督念國計民生之重。豈能姑息養奸。業已督飭所屬四出探巡。不遺餘力。所幸軍警各員。均屬深明大義。共矢公忠。發伏擒奸。不憚艱險。亂黨無所託足。死灰不至復燃。即令餘孽尚存。各軍警均足任捍禦保護之責。斷不至擾害民間。本都督並與各軍警探巡。及地方人民約。嗣後有拿獲圖謀不軌送辦者。賞銀一十兩。拿獲造謠惑眾送辦者。賞銀五百元。查知前項情事。去密者。賞銀二百元。其有與同謀議為之嚮導者。戮其人。其有引同居住。俾作巢穴者。沒其產。並監禁其人。以上如虛寃坐。法所不宥。令出推行。以期弊絕風清。四民安枕。合行出示曉諭。為此示仰軍民人等一體知悉。尚其綏靖乃心。各安本業。勿得輕

信謠言。有相驚擾。以維秩序而保治安。其各遵照勿違切切。

解散亂黨示

照得法律為國家之綱紀。凡有圖謀不軌。犯上作亂。無論何國。皆在不赦之列。現在民國初定基礎。未固。內而法令。多未施行。外而列邦。尚未承認。加以財力窮困。雨水為災。時局岌岌。跡象迭見。凡我軍民。皆有國家之關繫。應如何萬眾一心。顧全大局。各捐小忿。共矢公忠。政府不致動搖。國基乃能鞏固。迨自共和成立。鄂中造謠生事。時有所聞。皆由不逞之徒。喪心病狂。自罹法網。經本都督出示嚴禁。何止三令五申。乃有祝制六。即羣英會正長。江光國。滕亞綱等。會員三人。分布武漢。私立機關。假改革政治為名。主持極端破壞。以致閭閻風驚。避外省報電紛傳。實屬民國寇仇。罪大惡極。幸而天誘其衷。事機敗壞。業於日昨四時。明正典刑。地方不至受害。否則一偶有警。牽動全局。後患何堪設想。須知民軍起義。武漢首當其衝。抱棄無數頭顱。漂流無數膏血。破壞國家人民無數財產。以造此共和民國。迄今創鉅痛深。瘡痍滿目。秩序尚未恢復。豈堪再罹破壞。興言及此。為之痛心。亂黨業已就誅。此外概不追究。其煽惑脅從為之黨羽者。各須激發天良。洗心革面。本都督坦懷相與。毋得二三其德。自蹈刑章。至政治如有不良。議會。有糾舉彈劾之責。地方人民。如有政見。儘可照章向議會陳請。斷不容干犯名義。以危害政府者。塗炭生靈。此後軍民人等。尚其各安本分。毋得各動浮言。以保治安。而維風紀。切切。

懲辦匪首佈告

為佈告事。照得武漢縮轂中原。地形衝要。往往有匪徒匿迹其間。圖謀不軌。本都督為保守地方秩序起見。迭次嚴飭各軍警嚴拿究辦在案。乃竟有不法秀民。自滄來鄂。組織秘密機關部。據云黨徒頗眾。一部分鼓吹社會。以破壞本都督名譽為主義。一部分煽惑軍隊。以實行倡亂為主義。經本都督查知確實消息。派員嚴密緝拿。於二十四夜在省城內紫珠街。將其機關部破壞。拿獲散放票布黨徒要犯。顧斌。顧開文。羅子常。于達等四名。當經本府開軍法會審。供認倡亂不諱。即將該犯等正法。以靖人心。尚有一同緝獲之張伯模。郭玉山。劉安壽。馬麗等。暫行監禁。俟訊取確供。再行懲辦。又於今晨緝獲該犯同黨阮寶山一名。約同該犯等倡亂。供認不諱。當即正法。該犯此次煽惑軍隊。希圖倡亂。幸城內各軍深明大義。多方誘惑。堅不為動。駐紮城外馬隊。受其簧鼓。當即暴動。幸同駐地之砲隊。不與聯絡。一氣馬隊。經城內軍隊轟擊。全操拋棄軍械。逃竄無遺。惟念鄂中簡練軍隊。原以收緩急之效。自去秋倡義後。鄂省軍人。久為民國所矜式。此次變出倉卒。其城內各軍隊。與城外砲隊之堅持。洵不愧知方有勇之稱。即馬隊敢於倡亂為首者。亦不過數人。其餘皆被迫脅。本都督憫其無知。干罪止拿首犯。絕不株連。竊思武漢為全國中樞。倡義以來。元氣大振。風鶴之驚。茲已四見。言之痛心。雖經本都督迭次覺察。亂事藉以殺平。然損失軍隊。驚擾市廛。對於我最親愛之同胞。費多數爪。任職無狀。深用疚心。久思退處山林。避讓賢路。實因地方秩序一日未甯。所負責任一日未盡。一俟大局又安。即當

終老窮山。決不計此區區名位。前致中央電。想共聞知。至於剪除姦元。保衛治安。在事一日。即有維持之責。爾等幸勿以身試法。自取愆尤。除通飭緝拿外。為此示仰軍民人等一體知悉。該犯既已伏辜。其餘脅從。一概免究。爾等各安生業。勿得驚惶。其各凜遵切切。此佈。

嚴飭粵省停兵令

迭據各方報告。廣東紛擾。禍猶未已。生靈塗炭。外人復有煩言。長此遠延。靡知所屆。龍濟光未交卸以前。責在守土。自應約束將士。保衛治安。李烈鈞統率士卒。責有攸歸。著即嚴勸所部。即日停兵。該省督軍陸榮廷。有長未慶瀾。現已呈夜赴任。龍濟光應將各項事宜。安速預備交代。此後如再有抗令開釁情事。定當嚴行申討。以肅國紀。此令。

第十九類 風尚

整飭人倫道德示

照得前據南京留守黃興電稱。民國肇造以來。年少輕躁之士。誤認共和真理。以放恣為自由。以蔑倫為幸福。綱紀廢弛。流弊無窮。請講明孝弟忠信禮義廉恥。以提倡天下。挽回薄俗等情。仁人之言。聞之感喟。本總統深維中華立國。以孝弟忠信禮義廉恥為人道之大經。政體雖更。民彝未改。蓋共和國體。惟不以國家為一姓之產。而公諸全體之國民。至於人倫道德之原。初無歧異。古人以上思利民。朋友善道為忠。原非拘於君臣之際。其餘三德。雖廣狹有殊。而人羣大紀。已舉無遺。自茲以來。人心浮動。於東西各國科學之精微。未能通曉。而先醉心於物質文

明以破個人道德。緣改哲學。比附名論。厚誣彼賢。私達己過。抑知立國各有本末。豈能將吾國數十年之嘉言懿行。一掃而空。前迷八德。百姓與能。乃妄者以為不便於己。棄於弁髦。造作奇言。誤人子弟。幾欲化全國人民為不孝不弟不忠不信無禮無義無廉無恥而後快。孟子有言。去人倫無君子。率獸食人。人將相食。若任其自然。不為別白。則五季之薄無法紀。復見於今。必為人類所不容。環球所共棄。言念及此。憂心如焚。為此申明誥誡。須知家庭倫理。國家倫理。社會倫理。凡屬文明之國。靡不殊途同歸。此八德者。乃人羣秩序之常。非帝王專制之規也。當此存亡絕續之際。固不必仍守舊說。拘拘於一家之言。亦豈可侵軼範圍。毀冠裳而隨躋介。惟願全國人民。恪循禮法。共濟時艱。其或倡作詖詞。引人人阱。國有常刑。豈能寬縱。本總統痛時局之岌危。悚紀綱之廢弛。每念今日大患尚不在國勢。而在人心。苟人心有向善之機。即國本有底安之理。凡我邦人父兄子弟。其敬而聽之。

第二十類 禁令

致各省都督議會督成禁煙

頃接皖議會暨皖都督合詞。電云。鴉片煙毒。全國痛恨。禁種禁運。非雙方並進。禁吸殊難。今禁種雖已實行。禁運尚待改約。敬者已電總統。總理各部總次長。連與外人磋商。改約問題。以中華民國九年為鴉片進口終止之日。救國救民。此實急務。希諸公贊同協事。必得達目的。而後已。皖議會轉皖都督孫毓筠云云。查禁煙三種辦法。惟禁運為最難。亦惟禁運為最急。從前

中英訂約。以逐漸減運為辦法。商人希圖漁利。徐徐暗中多運。不顧公理。以致禁種禁吸均未收真實效果。茲皖省公電。責為根本解決辦法。徹省官商。均表同情。懇祈大總統國務院主持於中。各議會各都督贊同於外。磋商定議。務求達此目的。則禁種禁吸。自必事半功倍。為民去毒。關係匪輕。希速賜覆。

附國務院覆各省論禁煙電

連日接各省來電。均以禁煙進口修改條約為言。立意自屬正當。惟民國創造之初。聲明前清與各國訂定條約。一切作為有效。查宣統三年四月初十日中央政府再行商定禁煙辦法。第三條內載。無論何省土藥。已經絕種。他省土藥亦禁運入。顯有確據。則印藥亦不准運入。該省等語。又第四條在此條件年限內。英國政府得派一員或數員。會同中國政府所派之員。隨時就地考查減種情形等語。是印藥之能禁進口與否。必視該省土藥之能絕種絕運與否。惟東三省山西四川等省。去年禁種業已淨盡。近聞晉蜀二省。私種漸多。四出販運。若外人援第四條派員考查。必至投以口實。現在政府成立伊始。各國尚未承認修改條約。未便提議。昨經國務院會同熟商。僉以禁運必先禁種。尤在禁吸。如果各該省確無吸烟之人。種煙之地。他省土藥亦無輸入。自可援據約章。禁止印藥進口。望飭下各屬。嚴密考查。對內無可抵牾之點。對外始有操券之效。除另電四川山西都督認真禁種外。特此電聞。

致各省請嚴禁鴉片

查禁煙為自強要政。亟宜切實進行。惟禁種禁吸禁運三項。必須同時並舉。方能有效。鄂省現在屬行禁煙於種吸兩端。已經通飭各屬。嚴為取締。而禁運則非得各有同心協力。不為功。貴省向係產土省分。擬請通飭各屬地方官商會。曉諭各土商。一律不准運入湖北地面銷售。如有違犯。一經查出。即行罰辦。庶根株可絕。實效可收。務望毅力主持。以除巨害。

致各省請重申禁烟

大亂初夷。首在培養元氣。新機既啓。尤宜搜剔病根。禁烟一事。前清季葉。辦理尚屬認真。民國誕生。干戈擾攘。禁令日漸廢弛。前准外部及改良會丁義華等先後來電云。上海土價飛漲。內地吃食日多。已報禁絕省分。現復紛紛播種。致英使將原允停運之議。忽然翻悔。事關自強要政。又攔入外交問題。應請大總統明發通電。重申禁令。並飭下院部於限滿再犯。報淨復發。另訂懲治專條辦法。一主嚴厲。使全國皆知畏懼。外人無所藉口。庶幾歷來痼疾。可以一朝剷除。否則仗租界為存儲寶藏。藉燈館作秘密集合。滋難圖之。變燃已死之灰。事後補救。殊費手續。除已飭鄂屬認真查禁外。尤望各部督民政長。同申誥誡。一律嚴禁。轉弱為強。布新除舊。與民更始。端在此時。迫切陳詞。願聞明教。

嚴禁私自結社文

照得共和開幕。億兆同心。凡屬血氣之倫。均負祀澤之誼。故功成身退。人鑄范蠡之金。貴至名歸家。繡平原之傳。賈哉尚已。至於政黨組織。胥守法律之範圍。社會趨勢。要之人民之意思。乃

識時之真俊傑。亦愛國之真精神。近查有某會某團。名目離奇。情詞憤激。其集合不過失意之閭。昂其奔走。償亦熱心之志士。惟是真偽難別。玉石錯陳。或因誤聽妖言。遂至終罹法網。究其流弊。不可勝言。本都督有人民負托之權。即有保障人民之責。用特拘誠相示。豈忍不教而誅。勉詰將來。宜悔既往。為此諭仰軍民人等。一律知悉。如有巧立名目。倡設機關。著即自行取消。勿得輕於嘗試。但愧孤寒大庇。無杜陵之虞。萬問。須知奸宄難容。有廷尉之法三尺。其各凜遵勿違。

嚴禁抑勒國民捐示

民軍起義以來。公私財產損失甚鉅。軍需政費。支應浩繁。財政困難。達於極點。是以黃留守倡辦國民捐。各省響應。踴躍輸將。此亦我國民愛國之熱忱。民國初基之大好景象也。所有全國辦法。中央政府行將規定公布。鄂省現以武昌官錢總局。漢口商務總會為收捐總機關。凡軍政等界。助捐義士。悉合該兩處投納。掣取收條為憑。並由該局應隨時彙齊。登報廣告。務期款歸實用。以達我同胞救國之目的。惟是國民捐屬純粹義務。籌辦員只可鼓吹提倡。不得騷擾抑勒。如有地方不肖匪徒。以愛國之舉。為擾民之行。致在外招搖撞騙。誣詐鄉愚。勒捐肥己。一經本都督訪聞。或被人告發。定即拿案嚴懲。不姑寬決。

嚴禁鴉片令

近年以來。嚴禁鴉片。三令五申。內地已絕種植。而貪利不法之徒。巧借護符。暗中販賣。蠹國病

民。殊堪痛恨。着內務司法兩部。通行各省行政長官暨稽查運輸各官署。遵照迭次命令。於禁種禁吸禁運各端。切實查懲。以期永絕根株。淨消流毒。此令。

重申嚴禁鴉片令

鴉片流毒。垂數十年。騰笑環球。重為國侮。有清之季。幸賴士庶之呼籲鄰邦之協助。訂期禁絕。限以十年。民國代興。厲行新政。禁種禁運禁吸。具有專條。有司考成。既為嚴最。比年以來。中外會勘。差無訾議。萬國禁煙會。既聲明限制洋藥。商業各省。又經從先停運。足見與國善意。望我富強。凡我國人。允宜急起直追。自滿前恥。逆者訂約之期。本月屆滿。自今以往。時不再來。深虞猾吏舞文。奸商玩法。或託詞稽徵罰款。或私自存土運銷。陽假官符。陰揚毒飯。一隅橫瀆。功敗垂成。是負友國之盛心。而失人民之責望。用特重申前令。著內務司法兩部。行知各該地方官吏。恪遵禁令。嚴切進行。其有犯種運售吸諸罪者。並由法庭從重懲治。仍責成教育部轉飭各講演社。編具淺說。悉力開導。俾得父詔其子。兄勉其弟。曉然利害。毋蹈刑章。本大總統為民除害。不憚煩苛。如有蔑視禁令者。惟有執法以繩。其後不容違孽。再毒新頑。懼之毋忽。此令。

禁止粵省有獎義會令

廣東水災善後有獎義會。於三年十月。經該省將軍巡按使據港澳救災公所呈請。電呈政府核准。暫行辦理。當日該省災情過鉅。籌賑維艱。暫准施行。計非得已。惟查該義會仿照鋪票辦法。實與籤捐相似。且其章程載明以二成五充振。五釐為經費。七成開彩。是真假慈善之名。行

賭博之資。兩年以來。流弊滋多。此項有獎義會。應與各項賭博。一律禁止。以端風俗。而挽澆漓。著廣東省長朱慶瀾。即行查明。飭令剋日停辦。此後無論何項公益之事。均不准藉辭籌款。巧立名目。貽害閭閻。並由該省長隨時嚴切勸告。毋任再蹈惡習。以副納民軌物之至意。此令。

第二十一類 酬庸

致閩都督請為吳王二公建像營葬

去歲民軍起義。王君家駒同吳君綬卿等。奔走燕晉閩。聚集義軍。犁庭掃穴。旋吳君被刺。王君遂奔投麾下。以効驅策。山西西北之役。王君奮不顧身。拚一死與北兵苦鬪。俾公無後顧之憂。厥功甚偉。公對於吳張周三君。擬為鑄銅像。擇宅安。實足以慰忠魂於九泉。惟王君應如何安置。寂然無聞。湖北軍學各界。深引為憾。日來洪處。謂王君遺軀。久寄他鄉。無人過問。請洪電商貴處。優施榮典。以酬其勳。論當時事實。王君不避艱險。捐軀報國。其功貫駕吳張周三君而上之。吳等聚謀於石家莊。王君亦曾參與。其間鄂中之士。意欲貴處為吳周張三君建立銅像。及營葬時。以王君並列。洪意深以為然。特將眾情代達。務望念其謀國之忠。死事之慘。預為籌備。使王君早瞑目於地下。至深感荷。

致大總統請闡幽先烈

去年民國成立。改變之速。為中國歷史所無。亦為外國歷史所無。策勛行賞。黨人之主者。同有榮施。而追溯淵源。黨人死者。資其鐵血。以有今日。斯非闡幽。無以慰九泉而作士氣。竊查唐才

常鄒容吳樾徐錫麟譚嗣同熊成基吳祿貞陳天華楊銳劉光第林旭康廣仁溫生才劉靜安
王漢林時爽林覺民林尹氏喻培仁陳興築姚洪業趙聲彭家珍史堅如傅德祥朱子龍周維
棟張世膺陳敬岳張榕王鍾聲王子貞施從雲楊恢揚守仁蕭鍾音李子高王蕭九陶成章彭
楚藩劉竟激揚宏勝秋瑾等起義先河革命巨子以抑塞磊落之奇才當政治腐敗之季世扶
倡民族奔走號呼運動秘密手段激烈特以時期未至橫被冤死言念先哲情實可憫功不可
沒敬祈大總統明予昭雪追策前勳撫恤家屬建立專祠下慰幽靈大彰公道無任企禱。

致大總統請獎湮抑

此次革命成功之速全係國民同心所致當時投身民軍者以積極行為首先倡義其功為世
所共見而籍隸清軍以消極行為暗中保全者其功為人所難知在去歲建義之初前清統制
薩鎮冰統率軍艦溯江直抵武昌心知革命為不可緩武昌為不可亂訛詞不忍自殘同種密
飭各艦不可輕舉妄動艦隊統領沈壽堃時則近受節制奉令惟謹用致全軍艦隊相率反正
是薩鎮冰沈壽堃二員暗中保全武昌維持革命之功實為元洪所親見復為元洪所獨知又
前贛軍政府參謀總長劉麟於今年三月前贛都督馬毓寶卸篆後即相繼辭職按照補官章
程係在應投資官之列在該員等皆有功成身退絕口不言之高風在元洪固有聞潛發選舉
備所知之義務又前清海軍協都統程璧光學術優長才猷卓著為海軍不可多得之材擬請
將該員等分別賜給勳位或補投資官以彰公道而勸賢能合併電請大總統裁奪施行。

致大總統請給獎劉公

武昌首義之士。孫武而外。尚有劉公。查該員奔走海外。力圖改革。久而弗衰。曾聯絡各省志士。首倡共進會。為同盟後援。聲勢為之一振。革軍未起以前。曾公推領袖鄂黨。毀家擣士。俾收軍界響應之效。其才已可想見。旋以大局未定。出鎮荊襄。寬猛兼施。上游無恙。綜計該員前後行蹟。其功實不在武下。該員現雖解職。擬請查照孫武一例。酬庸。以彰公道。

致贛督李嘉勞

冬電悉。虛光謙德。景仰莫名。然竊以為過矣。公當贛亂之初。懸軍深入。艱難險阻。卒奏膚功。湖口一平。六省瓦解。幹旋之勲。當推第一。元洪曾迷電力併。至再至三。誠以酬庸之具。國家所以勵戎行。寄命之專。國家所以資保障。非敢以同舟之誼。阿其所好。贛省餘孽未清。秩序未復。急欲重煩蓋略。藉觀全功。坐鎮北門。舍公莫屬。贛安則鄂安。鄂安則全局安。希望之殷。如同手足。患難相交。全仗知心之雅。干戈未息。尤非引退之時。公愛元洪。當必不忍退棄也。務望垂念民生。顧全隣誼。力疾視事。毋復固辭。唇齒相依。當與我竭力同心。勉持艱局。章江引領。無任瞻依。

致政府國會請褒嘉商會

竊維此次變亂。醞釀經年。牽掣至六七省。耗損幾數千萬。乃時未兩月。以次救平。固我中央政府處變有方。神聖軍人將事用令。贊則人皆厭亂。天不佑奸。不避之徒。其亡也忽。至於抵拒邪謀。主持正論。則尤以各處商會察與情從違之準的。查該黨倡亂。亦何嘗不以擁護共和為徽。

幟。迹其對於商民。始雖託名保護。繼乃按戶搜括。獨立省鎮。現貨為空。心毒計狡。直與劫盜無異。各省商團。預燭其奸。動色相戒。滬粵兩埠。通海最早。程度較優。故抗拒殘暴。亦最力。贛潯甯皖。商力較薄。曲從不甘。顯拒不納。卒因默示反對。使該黨籌款無著。失其後盾。至如湘謀獨立。亦因不獲商會之贊同。故宣佈最遲。取消亦最速。是知戡亂之師。所至克捷。滔天之禍。轉瞬清夷。則我商民之大有造於民國也。因念前年鄂軍起義。武漢商會。首表歡迎。此次屬階潛生。各屬商團。全體反對。在該黨翼援。昔以倒今。乃商民忽轉嚮而為背。足見順逆之理。辦之甚明。去就之權。審之最決。用能維渙散之人心。挽艱難之國步。按諸時局。裨益良多。茲者大禍已弭。巨浪垂平。擬請大總統明頒命令。優事褒嘉。交院飭部通行。各總商會。傳知各分會。並轉海外各僑商。俾逆首遁逃餘生。以後亦無所施其煽惑。幸亂源已絕。邦本不搖。敢貢愚忱。敬俟裁擇。

第二十二類 選舉

致共和黨本部並兩院議員推薦總統

大局顛危。列強環伺。正式總統。關係全國安危。表項城雄才大略。富有政治經驗。自任臨時總統以來。中外翕然。非舉膺繼任。不足以奠危局。撥逆亂。充決推薦。實東大公。望本黨議員諸君。贊同斯意。一致進行。毋受他黨所搖惑。為國民所唾罵。吾黨前途。更當日上。除通電外。專此奉告。

致參眾兩院請速編制憲法選舉總統

民國成立。已越一年。對內無統一之實權。對外無交涉之能力。因循泄沓。上下瀰瀰。開國之時。已成暮氣。憂時之士。羣歸咎於臨時政府之不善。環球各國。未有戰事久終。而猶以臨時之名。苟延旦夕者。國會初開。美書首至。已墨等國。聘使聯翩。譬如積年淫雨。忽覩微陽。海隅蒼生。喁喁望治。方謂議定憲法。選舉總統。組織強健政府。締造完全民國。共和之願。指日可償。乃爭議朋興。黨見紛起。根本問題。概未解決。推波助瀾。枝節叢生。遂使友邦尊重之念。變為鄙夷。國人期望之心。化為厭惡。以言內政。則亂民載道。伏莽藪途。若火燎原。罔知所屆。以觀外交。則庫患方熾。茫茫邊塞。夜有哭聲。以觀財政。則收租驟廢。借款垂盡。水泮戈壁。草木俱窮。以觀軍事。則餉械支絀。軍隊囂張。刮骨磨膏。坐供驕子。國民將圖陳諫。政府則諉以方更。政府苟有措施。國會則責其不待。此尚得謂有國家乎。種必自滅。而後人滅。國必自亡。而後人亡。誰生屬階。至今為梗。此真可為痛哭者也。今更有甚於此者。贛亂發生。東南鼎沸。野心梟桀。圖竊政權。屠戮名城。殲我良將。播遷我婦女。蹂躪我商民。度劉吳黨。則川谷為丹。搜刮編氓。則山林俱穢。猶復鬼蜮朝陽。盜憎夜雪。誣詆政府。逆電紛飛。假敵國為護符。挈齊民為代價。視從前編訂約法之議院。則去此篋羊。視此後選舉總統之國會。則擲同芻狗。當此殘喘稍舒。真元未復。百年培之而不足。一日斲之而有餘。試問禍患所生。何莫非諸公遠延進。誤有以召之。明知而坐視。是為助亂。不知而坐視。是為溺職。公等何以甘心棄天下乎。夫公等非他。乃將士投命。商民捐資。擲價以購之代議士也。前年義師之起。遠者姑不具論。即徵諸武漢。童叟婦食。帶病扶喪。觀勝則雷歡。

聞敗則雨泣。豈有他哉。蓋來日之生可樂。則今日之死亦甘。今國會已成立矣。而國家之危。如故。人民之痛苦如故。墊隘流離。且倍清季。皇皇代表。甯不疚心。稱謂總統為全國安危所繫。憲法為立國強弱所關。呼吸存亡。間不容髮。豈兩院英賢。見不及此。設使舉棋不定。剖豆交乘。諸公寧有從容討論之餘地乎。為今日計。應請將一切議案。概從緩議。同心協力。編制憲法。先訂總統選舉之一。則即從選舉總統入手。或將憲法全部從速制定。即行選舉總統。兩月之內。一氣呵成。國本既定。人心遂安。尤望於各種法律。內審國情。外對世局。不泥近以味遠。不執私以妨公。不以久遠之法典。而箝制個人。不棄國有之精神。而盲從他國。折衷羣義。斟畫全規。從此總統得人。政府成立。既無掣肘之虞。亦免踰閑之患。五族共和。胥遵軌物。內外維繫。猶可有成。則是諸公大有造於民國也。元洪等對於國會。擁護不遑。敢言干涉。惟蒿目危時。借鑒往事。誠不欲以莊嚴燦爛之民國。陷入漩渦。況行政之藉。不屏乎要荒。請求之權。不遺乎與皂。壞廟天壓。城火魚災。屬在患難與共之時。尤有涕泣而道之義。諸公如必欲絕中國也。昊天不弔。天復何言。倘肯以悔禍之心。為探源之脈。我邦人民。弟實禱祝之。元洪等忝為公僕。敢不惟言是聽。臨電觀縷。不盡所懷。再國會為法人機關。勿復以個人答復。貽譏當世。謹以附陳。（各省都督民政長會銜）

致兩院議員請速行選舉盛典

亂黨既平。人才輩出。名流夙望。拔茅連茹。兩院諸賢。共遵軌遠。宜若可以久安長治矣。然而元

洪獨默觀世變。終日繞床。覺總統一日未舉定。儼若禍在眉睫者。非無病而呻也。文國之本。惟民與財。自亂軍肇興。蔓延六省。攻城據地。殺人如府。今所遺者。皆刀餘也。哀鴻嗷嗷。莫由安宅。中國尚得謂有民乎。五國借款。剝肉鬻膚。往昔半年。政費告竭。中經兵事。虧損愈深。供者已窮。求者無厭。再借再押。國其餘幾。中國尚得謂有財乎。夫民維邦本。食維民天。民財俱盡。餓外患不侵。猶將立槁。况禍原有急於此者哉。元洪不敢與兩院諸公論痛心之交涉。亦不敢求邦人昆弟怒辱國之愆。尤但稽弱國之尊重外交。未經承認。不能為國人取人求。惟欲所送。醜顏道歉。飲恨吞聲。縱至萬無可忍之時。猶能聊勝於亡之想。究之得隴望蜀。豈有窮期。國體淪失。不亡何待。日俄近事。可為寒心。元洪身歷艱危。未嘗不泣血呼號。淚數行下也。以大總統雄才偉略。卓絕一時。再造共和。易如反掌。豈惟元洪信仰。即環球各國。當無異詞。使果能憲政措施。以籌遠略。對內對外。豈不裕如。卒之事與願違。舉襟見肘。豈真明於見前。而暗於見後哉。若使正式政府。早日觀成。名分既真。事權攸屬。政府有強固之力。鄰邦無窺伺之心。元洪得與各都督民政長擁護中央。翊贊民國。五色之旗。抑何至慘淡若此。然則追原禍始。坐失事機。兩院詎能辭其咎。前側聞憲法起草會。已決定先舉總統。爰採美洲之先例。察中國之現象。崇論所傳。海內惟欣。乃遲遲數日。閣寂如故。遲之數旬。而閣寂仍如故。在院諸公。豈不以天下奠安。無妨稍緩須臾。從容磋商。庸詎知耽耽者之伺其側。方惟日不足也。俟河之清。人壽幾何。再或遷延。人豈我待。元洪與諸公寧尚有相見之日乎。伏乞兩院速定大計。舉行盛典。決旬之間。期於竣

事。亡羊補牢。猶未晚也。抑元洪更有請者。昔之以人事君也。內舉不避親。外舉不避仇。今以人事國也。何獨不然。吾國政府。分門別戶。然欲達福國利民之目的。必先求戡危濟變之才。舍舊謀新。殆難斯選。若以一黨之好惡。而輕拂輿情。以一己之是非。而動搖國本。來日大難。必有噬臍莫及者。舉不得人。其害將甚於不舉。此尤為兩院諸公警香禱祝者也。元洪天性贛直。素不屑阿諛取容。且身非議員。何敢於國會之前。嘵嘵瀆論。然必膺切膚之痛。乃肯負妄言之譏。愛國之忱。迫不暇禁。雖言出禍臨。亦有所不能息者。伏乞從元洪之言。以為中國治安之計。仍請議元洪之罪。以杜軍人干涉之萌。庶於行政立法。均有裨益。含酸待謫。無任屏營。

第二十三類 就任

蒞任正式副總統宣言

今日為正式政府成立之期。即為國慶紀念之日。我大總統履任伊始。元洪承國民委託之重。備位副貳。追隨其後。實中國亘古以來未有之曠典也。諸君無遠俱通。濟濟踴躍。額手相慶。元洪德薄能鮮。深恐弗克負荷。貽隕越羞。然以兩年來與我國民共歷險艱。怵惕惟厲。以有今日。元洪謹撮一言。維諸君擇焉。武漢起義。天下響應。不三月間。南北統一。雖漢上之遺鏃未滿。四民之創夷未復。然非國民希望之切。友邦提携之力。共推共挽。曷克臻此。此過去之觀念。與諸君所共勵者一。破壞既終。建設方始。然四郊多伏莽之憂。翰甯兆潢池之變。暴民思逞。德步多艱。幸而天不助逆。民情效順。國軍所至。大難救平。乃以國民望治之殷。促進政府成立之始。公

戴元首。遂康庶事。而元洪亦得雍容樽俎。扶助進行。此現在之觀念。與諸君所共勵者二。文明進化。首重法治。國家振興。尤賴人才。然拔茅乃得連茹。除暴所以安良。惟能鞏固中央。乃謀事權統一。元洪與諸君危舟共濟。大厦同扶。永矢初衷。贊襄偉略。每念艱難草創之業。益深虎尾春冰之懼。從此增進福祉。保障和平。此將來之觀念。與諸君共勵者三。仰更有進者。元洪與諸君休戚相關。患難與共。今日之衣冠樂教。前日之鐵血金戈也。今日之舞蹈歡忻。前日之呼籲奔走也。自今以後。願元洪勿以今日自矜。願諸君勿以今日自足。願大總統益展其安邦靖亂之雄才。以發揚我國權。宣揚我民意。則將來豐功盛業。即以今日卜之也。諸君其亦贊成吾說乎。

附政界祝詞

惟我副總統首義武昌。登高一呼。旌旗飛揚。羽書四出。薄海披猖。推倒專制。統一中央。與謀分治。都鄙有章。乃勤上理。乃厲戎行。乃泯意見。乃鋤強梁。方冀建設國威。發皇何意。亂黨破壞多方。兩年以來。逆謀益彰。救弊補偏。昕夕不遑。天相中國。掃盡梟槍。或則授首。或則遠颺。大亂救平。同履康莊。皆副總統弭禍蕭牆。乃者選舉。惟邦之良。公以次選。儲貳贊襄。調和猜忌。鞏我金湯。不矜不伐。無怠無荒。德高望重。言表行坊。天之所與。民之所望。今當就職。共敬一觴。祝公萬歲。日月同光。謹祝。

通告各省就任臨時副總統

連接各省代表會與本省代表兩電。知中央政府。舉元洪為臨時副總統。聞命之餘。慚悚交並。元洪才識平庸。素無表見。自起義以來。全賴羣策羣力。互相維持。以武漢一隅。而收十七省。益地之圖。以前後兩月。而雪三百年數天之憤。諸君子創其苦。而元洪收其樂果。縱諸君子謬蒙推獎。能勿慙然。現在和議未定。戰事方棘。尚望諸君子堅天初心。共襄盛業。勿爭權利。而起範圍。勿懷意見。而分門戶。勿輕敵而有驕心。勿畏難而萌退志。豈惟我中國父兄子弟羣相託命。環球萬國。將於是觀聽隨之。元洪有厚望焉。

致各省聯任臨時副總統

效電敬悉。甚懼本懷。不意皓哥兩電傳示。復承諸父老昆弟錯愛。竟推洪蟬聯前職。殊深慚悚。竊念義軍發起之初。以託民國完全成立。皆全國同胞共同之力。洪何人斯。敢忝副職。祇以力辭不獲。兵事未終。權從眾志。隨諸公後耳。今南北和同。兵戈永息。項城柄國。人望攸歸。洪之才力。實難比肩。謹以臨時之局。暫從公民之命。仍望諸大君子見身建設。真定民國。一俟端緒就理。仍當歸耕南畝。為一自由之公民。如蒙時惠教言。不勝翹企之至。

覆袁總統就任參謀總長

元電悉。元洪學淺才疏。謬邀鈞命。重以謙先下逮。藻飾逾恆。善畫周全。且感且愧。當此政府未立。時局方艱。急浪孤舟。固知所屆。論才固不敢就。論義復不容辭。祇得承乏。勉期成立。將來大局稍定。仍希早延夙望。藉作替人。公德私恩。感且不朽。

附表總統來電

黎副總統均鑒。參謀總長。關係全國軍事計畫。環顧海內。實鮮相當人員。足孚眾望。前托張君大昕。面達誠意。蒙允屈就。欣忭莫名。武昌為長江中樞。執事負天下重望。安危所繫。未便遽離。參謀事目下。但須遠顧。俟大局鞏固。再圖北來。區區苦衷。知承曲諒。交通便利。時盼教言。

致各省通告就任正式副總統

叠接國會政府電告。元洪於十月七日當選副總統。並承大總統就商日期地點等因。元洪欣逢景運。叠荷殊榮。佐國踰年。治軍叢咎。乃有遽辭書。復膺次選。反辱高位。益慄深淵。惟有服從公意。協贊中央。本共和立憲之精神。盡匹夫天下之責任。高望大總統。時頒教令。諸僚友共錫箴規。幸託寵光。免貽隕越。茲於國慶日。就兼領湖北都督任內。拜受嘉命。謹陳謝悃。併以通聞。致大總統及各省通告啟行赴京。

元洪忝廁戎行。材薄任重。屬滄海橫流之會。當中原板蕩之秋。溯自陽夏媾和。及乎贛甯肇變。荆山欲崩。漢水幾沸。幸賴我大總統當機幹運。先事綢繆。莫民國於無疆。投元凶于有昊。元洪得依餘蔭。幸保虛聲。未嘗不嘅若懷波。茹未念靈。燕雲楚樹。道阻且長。雖顏色未覩。而神魂久縈。祇以周旋鞭弭。執掌軍書。親從汜水之師。致後塗山之會。盲騎莫適。瞽笑為勞。天命更新。楚氛幸靖。風前逞竄。確堅向路之心。浪後頽魚。愈切登門之念。謹於本月九號。親戒行裝。面聆迪

誨。本府一切事宜。應懇大總統派員代理。俾專責成。專此縷陳。並行通告。

致鄂省各機關人員慰勉

本副總統。因公入京。於本月初九日。自鄂起程。十一日早抵京。迨維在鄂兩年。同舟共濟。諸賴匡襄。此次行期匆促。不及言辭。深懷歉仄。現在鄂都督事。已奉大總統令。任段總長兼領段總長。威信素著。愛國為懷。必能造福地方。維持秩序。尚賴諸君子各盡職務。相與有成。本副總統。有厚望焉。軫安。知念。並聞。

告別鄂中父老宣言

元洪不德。濫握軍符。義旗一舉。蒙鄂中軍學紳商各界推舉都督一席。力辭不獲。勉竭綿薄。陽夏之役。屢戰屢敗。孤城介立。岌岌可危。卒得保全。無恙。贊賴人心。歸向。蒙志成城。迨共和肇建。南北統一。而意見紛歧。黨爭激烈。雖極意周旋。而彌縫無術。致使風聲鶴唳。頻湧漢江。商場元氣。喪再喪。本年鄰境亂作。禍患幾遍於東南。鄂省踞上游門戶。扼南北咽喉。控制濱江。各省掉之死命。鄂省之安危。南方數行省之視線所趨也。元洪本此意。以籌畫。調駐重兵。緊急防維。晝夜焦思。絕粒數日。遂使破獲機關百餘起。保守疆界。化險為夷。是固各將士之勇往服從。各商民之公同協助。有以致之。旋而沙陽叛亂。襄陽陷害。邊界內河。干戈擾攘。匪徒所至。搶掠難堪。痛剝數月。未報肅清。未必非元洪之不德。階之厲也。其他災民流離。米食恐慌。金融停滯。紙幣浮濫。並一切鄂人之盼望於元洪者。元洪卒無一增幸福於鄂人。遺憾抑何深也。今者燕京

之行。原因磋商要政。將來駐都回鄂。兩難預揣。惟段代督明達精幹。軍事上尤擅特長。必能補元洪之缺點。登鄂民於衽席也。遙望漢江。不禁淚下。謹此宣言。

致各僚屬人員

元洪一武夫耳。莅鄂以來。幸無造謠。全賴諸君子大力維持。同舟共濟。故得保全萬死一生之身。患難經年。屬忍言別。此次北行倉猝。未獲握手。良用疚心。但中央人多事少。經濟尤用。務希抱國家主義。化個人私見。各盡厥職。自謀生理。切勿遠存希冀。有誤精英。如有需才之處。自當電召函聘。其介紹而至。私自前來者。不獨無可安插。抑且未能招待。道念故人。不禁感傷。臨穎落淚。諸維諒察。

就任大總統申令

元洪於本月七日就大總統任。自維德薄。良用兢兢。惟有遵守法律。鞏固共和。期造放法治之國。官吏士庶。尚其共體盛意。協力同心。匡所不逮。有厚望焉。此令。

附各省賀電

山西閻錫山來電

黎大總統鈞鑒。庚密。頃奉國務院魚電。驚悉。袁大總統於本日因病薨逝。聞信之餘。驚痛何極。查約法應以副總統代行中華民國大總統之職權。時事方急。遭此意外。我副總統海內重望。功德在民。應請俯念國家之重。勉依約法。即正大位。以安人心。大局幸甚。謹此電

稟伏乞鈞鑒。同武將軍督理山西軍務關錫山叩。

南京馮國璋齊耀琳等來電

急北京蔡大總統鈞鑒。接國務院電傳奉 袁大總統遺令。依照約法以鈞座代行職權。本經給草昧之元勳。膺遺大投艱之重任。耳目所屬。中外同歡。值此各溺求挽。倒懸待解。中樞幹運。端賴閣猷。國璋耀琳自當力保治安。勉圖襄贊。謹率全省文武官吏及軍民人等。抒忱馳賀。伏乞垂鑒。國璋耀琳叩。陽。

南昌李純成揚來電

蔡大總統鈞鑒。本日奉國務院魚電開 袁大總統於本月六日已正因病薨逝。業奉遺令。依約法第二十九條。宣告以副總統黎元洪代行中華民國大總統之職權。各省地方緊要。務望以國家為重。共維秩序。力保治安。是為至要。等因。奉此。國家多難。環機元良。依法代行。民國定例。伏維我 大總統勉遵約法。起膺艱鉅。並乞勉日就職。以慰國人。從此海宇乂安。中外禔福。無任歡忭。慶幸之至。除分飭所屬遵照共維秩序。力保治安外。謹合詞恭電馳賀。李純成揚同叩。庚印。

濟南張懷芝蔡儒楷來電

北京蔡大總統鈞鑒。奉國務院魚電開。本日上午 蔡副總統依法接任中華民國大總統職權。謹電肅賀。濟武將軍張懷芝山東巡按使蔡儒楷率領全省文武恭叩。陽印。

開封趙倜田文烈等來電

黎大總統鈞鑒。承准國務院魚電。恭誦鈞座本日接受大總統職權。當四海多難之時。宏天下歸人之量。力任艱鉅。旋轉乾坤。中外交歡。全國企幸。德武將軍督理河南軍務。趙倜巡按使田文烈。率同文武全體。恭叩。陽印。

太原閻錫山來電

北京黎大總統鈞鑒。頃奉國務院通告。敬悉。大總統已於本日就職。逃聽之餘。無任欣慰。伏維。大總統江漢炳靈。日星耀德。武昌起義。薄海同欽。際此時事多艱。風雲正急。大局未定。主席忽靈。應天下之人望。遵約法之成規。大位既登。人心斯定。轉危為安。正在今日。錫山猥以菲才。忝膺疆寄。保衛地方。擁護中央。勉竭涓埃。責無旁貸。現已督飭所部。力維秩序。特先電肅。敬表賀忱。同武將軍督理山西軍務。閻錫山叩。陽印。

山西巡按使金永來電

大總統鈞鑒。國務院通電。我。大總統於本日上午十鐘。依法接任。蒸生有託。薄海知歸。洵為國家之福。晉省各界。同聲慶幸。謹率所屬官吏軍民。代表賀忱。伏維鑒察。山西巡按使金永。陽印。

廣東龍都督等來電

黎大總統鈞鑒。接國務院語日通電。欽聞我。大總統依法接任。逃聽之下。歡躍莫名。伏維

大總統共和手造。日月重光。利國福民。普天同慶。謹代表全省文武紳商士庶肅電恭賀。廣東都督龍濟光廣惠鎮守使龍裕光謹呈。陽印。

駐津日本司令官來電

恭祝 黎副總統榮遷大日本駐津軍司令官石光少將。

駐英施公使電

奉初六日電。遵下半旗申吊。並轉電各館。親持照會往交英正外部。據稱已得未使電。至為悼歎。所願新政府能維持一切秩序。基答以國維甚備。並言承貴國於前總統政府親切友誼。對於新總統政府有增無減。彼言重在維持治安。係全外人生命財產。貴政府能抱定宗旨。英亦必盡力維持。即聯邦莫不同情。又言各方紛紜。想此後能謀統一。答 黎總統為南非人望。且依約法就職。國人想望治安。亦期答友邦厚意云。謹聞。並析分別代呈轉。基。

駐美顧公使來電

黎大總統鈞鑒。統治華夏。中外膺歡。謹率館員暨所屬分館領事館館員及華僑等。虔致賀忱。駐美兼駐古巴公使顧維鈞。

庫倫陳都護使來電

北京國務院堂密代呈 黎大總統鈞鑒。我公代任。寰宇歸心。從此神州奠定。鞏固共和。實民國無疆之福。都護使駐紮庫倫辦事大員陳彝謹叩。陽印。

吉林郭巡按使等來電

北京國務院謹請轉呈 新任大總統鈞鑒。奉到院電。恭悉 大總統於本月七日就任。大權有屬。衆望攸歸。天佑吾華。國基永固。中外禔福。億兆曠歡。著吉林巡按使郭宗熙謹率全省吏民叩賀庚印。

吉林孟將軍等來電

大總統鈞鑒。恭讀虞電。欣悉依法接任。時艱雖云孔棘。宏濟定固苞桑。五族膺歡。四荒被福。民國幸甚。鎮安左將軍督理吉林軍務孟恩遠。率吉長鎮守使裴其勳。延琿鎮守使高鳳。城寧阿蘭鎮守使徐世揚。暨全體官佐士兵同叩庚印。

徐州張勳來電

大總統鈞鑒。恭讀虞電。欣諭我 大總統上根約法。下順輿情。力任其難。夏正厥位。當海水羣飛之日。觀星雲復旦之麻。作善降之百祥。行仁政猶倒懸之解。惟民歸於一德。慰國人如望歲之心。從茲經緯萬端。權與庶政。兵氣銷為日月。國基固於苞桑。寰海喁喁。吉祥止止。謹率定武軍全體。暨皖省軍人。同伸歡極。用表悃忱。張勳叩。庚印。

南昌李將軍來電

大總統鈞鑒。奉虞電開。本副總統依法接任中華民國大總統職權。於本年六月七日就任。特此電告等因。詳傳之下。羣情歡躍。北望呼嵩。鞠躬至再。維天生聖哲。以繼元良。民國版圖。

賴以丕振。從此海宇安謐。中外蒙庥。凡我軍人。慶幸昌極。純及全體官兵。服從命令。本屬天職。保衛治安。責無旁貸。除合力加意維持地方秩序外。謹率江西軍界全體官佐士兵電賀李純叩。庚印。

福州李將軍來電

北京國務院鑒。堂密語魚電謹悉。黎副總統於本月七日就大總統。薄海人民同深歡忭。伏思。今大總統偉績豐功。久負重望。此次出膺鉅任。必能宏濟艱難。拯億兆於溺飢。奠國家於磐石。民國前途。實賴賴焉。厚基恭領折疆。適逢變局。維持秩序。責無可辭。除飭屬力保治安。並專電恭賀。大總統。謹乞代呈。李厚基庚印。

湖北將軍王占元等來電

黎大總統鈞鑒。承准國務院語電開。本月七日。黎副總統依法接任中華民國大總統職權。特此電告等因。仰惟盛德。中外同欽。慶宸宇之久安。慰軍民之仰望。特申叩賀。伏頌榮綏。所有鄂省地方。遵當力保治安。共維秩序。乞釋屢念。湖北將軍王占元巡按使范守佑率全省文武各官暨紳商學各界同叩。

湖北范巡按使來電

黎大總統鈞鑒。奉陽日電。諫先盛德。照耀寰區。統全國之治安。慰人民之仰望。至誠格物。天下傾忱。守佑職守攸專。莫由觀賀。謹當克勤厥職。仰答仁懷。漢水方深。克比淵冲之雅量。

燕雲遙護。益瞻虎蔭於鄉邦。謹貢愚忱。伏祈宗鑒。少卿銜著湖北巡按使范守佑。齊印。

開封田巡按使來電

大總統鈞鑒。接奉陽電。具仰謙懷。我大總統遵約法之成言。塞天下之眾望。出當艱鉅。力策安全。庶仰當并締造之功。同享萬歲共和之福。文烈謬膺驪寄。無補時艱。誼分宵旰之憂。敢竭駑庸之力。謹電復陳。河南巡按使田文烈。庚印。

成都陳都督來電

黎大總統鈞鑒。天祚民國。神人效順。鈞座依法繼任。國是已定。天下歸心。官誠歡誠。謹率全川文武官吏紳商軍民恭祝民國萬歲。大總統萬歲。陳宦謹叩。庚印。

成都陳將軍來電

國務院轉呈。黎大總統鈞鑒。川省前因退位問題。與項城宣告斷絕關係。現在鈞座既經就職。官謹遵照獨立時宣言。應即日取消獨立。嗣後川省一切事宜。謹服從中央命令。除通告各省外。伏乞訓示。祇遵。陳宦謹叩。庚印。

歸化藩都統等來電

北京國務院轉呈。新任大總統鈞鑒。堂密奉院電。本月七日。我大總統依約法接任中華民國大總統職權等因。奉此。佳音所布。中外騶騰。薄海嗚呼。同深愛戴。留任綏遠都統潘矩楹。謹率文武僚屬同伸叩賀。庚印。

駐莪王公使電

黎大總統即臨時位。已經面告該外交次長。據稱繼任得人。友邦同慰云云。乞代呈誠悃。圻直隸紳學商民各界代表嚴修等來電

黎大總統鈞鑒。我公繼任總統。羣情歡忭。惟現在全國擾攘。人心不定。開宗明義。似應以維持金融為第一要務。自中交兩行不兌現。閭令發生。四民失業。險象環生。為今之計。擬請從速取消此項閭令。一以維持國家信用。一以表明大總統保全四萬萬家身家性命之心。明知此中種種困難。然無論如何為難。總以辦到為目的。一見明令。則人心大定。此後一切問題。均可迎刃而解矣。直隸天津各處地方。現承巡按使設法維持市面。但非根本解決。終難持久。惟有鑄幣速發明令。嚴修等再隨時稟承省長。竭力繼續進行。庶不致變生意外。是否有當。伏候鈞裁。直隸紳學商民各界代表嚴修等。

天津公教進行會來電

黎大總統鑒。我公就任。萬姓瞻欣。中華大局。從茲砥定。南北爭點。指日冰消。夙仰我公善體天心。主持人道。今日得行其志。必能福我同胞。公民等欣慰之餘。尤深冀望。願我公本拔溺救飢之素志。抒福利民國之新猷。共隸幃幃。同深感禱。天津紫竹林望海樓城內靜海縣鹽山縣慶雲縣公教進行會同賀

上海湯化龍來電

黎大總統鈞鑒。陽電敬悉。公依法就任。中外騰歡。乞明令恢復元年約法。召集二年國會。改組內閣。修改息火。以慰天下之望。湯化龍齊。

蚌埠倪將軍等來電

黎大總統鈞鑒。頃奉京電。袁大總統薨逝。我公遵照約法。代行職權。於本月七號。受任社稷。人民得所。依託。蒼生霖雨。覆幬羣倫。全體軍民。無任忭舞。謹率僚屬肅電叩賀。伏乞鈞鑒。再嗣冲因公赴鄂。今夜始行回蚌。全皖安謐。足慰鈞廑。合併陳明。安武將軍署理安徽巡按使倪嗣冲。率同安武軍全體軍官。並巡按使公署全體職叩。佳印。

盛京張作霖馮德麟來電

國務院鈞鑒。堂密祇奉魚電。內開。袁大總統於本月六日。已正因病薨逝。業奉遺令。依約法第二十九條。宣告以副總統黎元洪。代行中華民國大總統之職。權等因。恭閱之下。不勝驚痛。作霖職領軍民。責無旁貸。謹當督飭地方文武官吏。極力維持秩序。以保公安。敬電以聞。張作霖馮德麟魚印。

南昌李純來電

段國務卿鈞鑒。接奉魚電。殊切憂惶。正擬恭電上叩。主座起居。忽奉國務院同日電開。驚悉我大總統已於六日。已正薨逝。天胡不吊。降此鞠凶。哲人云亡。國民莫賴。乃回首思。知肝腸摧折。北向號痛。莫知所云。惟國家存亡。千鈞一髮。敢不謹遵鈞諭。同心竭力。共任保全。當已

轉飭各帶兵長官。宣諭部下。以期鎮撫軍心。力維秩序。至此後大局安危。關係匪輕。及大總統身後事。宜端緒甚繁。尚乞我公膺此鉅艱。主持一切。以補大總統未竟之志。而慰在天之靈。李純叩魚印。

太原閻錫山來電

國務卿鈞鑒。鑒。頃奉魚電。驚悉袁大總統於本日因病薨逝。聞信之餘。驚痛何極。依法當以黎副總統代行中華民國大總統職權。時事方艱。遭此意外。自應恪遵院令。督率所部。維持秩序。以保治安。謹先電復。乞紓屛系。同武將軍督理山西軍務。閻錫山叩。麻印。

山西巡按使金永來電

國務院鑒。鑒。魚電驚悉。國方多事。元首遽棄天下。望空號泣。哀痛無窮。黎副總統功高望重。全國共仰。今奉遺令。依照約法繼承大位。必能奠安大局。以成前大總統未竟之意。洵為付託得人。晉省接近京畿。關係尤重。永本日復與閻將軍晤商。協力同心。嚴密部署。必可無虞。請釋屛系。並代轉呈繼任大總統。仍候隨時指示機宜。以資遵守。山西巡按使金永。魚印。

武昌王占元等來電

段總理鈞鑒。魚電到後。旋奉國務院電。驚悉大總統遽棄人民。薄海軍民。同深震悼。幸得黎副總統繼任主持。諸公贊襄輔弼。惠民庇國。仰賴蓋壽。占元忝膺彈劾。值此特艱。自應

仰體鈞意。鞏固國家。力保治安。共維秩序。謹電奉覆。占元守佑魚印。

吉林孟恩遠等來電

段國務卿鈞鑒。齊密。魚電敬悉。承示維持國家。即所以報稱。上總統知遇。自應仰體尊意。力維秩序。冀救危亡。應如何撥亂反正。冀國家於磐石之安。尤為我公是賴。臨電延企。不盡依依。孟恩遠郭宗熙陽印。

齊齊哈爾畢桂芳等來電

段相國鈞鑒。齊密。奉魚電。哀痛欲絕。同日復奉院電。謹悉。黎副總統已依法接任。國家有賴。桂芳等受國家之重任。丁茲危局。自當同心竭力。共保治安。務望時賜方略。俾有遵循。為叩。畢桂芳許蘭洲陽印。

南京馮國璋等來電

段國務卿鑒。奉國務院魚電。驚悉。袁大總統薨逝噩耗。國璋等震越失次。泣不成聲。值時局之艱難。失中流之砥柱。私情公憤。痛悼如何。遺令以副總統代行職權。具見尊重約法之至意。諸公中樞翊贊。必能力持安全。國璋等自當竭力保衛地方。以期內外一致。至。故大總統撫馭民國。五載於茲。錯節盤根。極憂盡瘁。追懷功德。宜永尊崇。所有身後一切事宜。應由我輩同任保護之責。此外一切進行辦法。當希隨時見教為荷。特電復聞。國璋耀琳陽印。

福州李厚基來電

段總理鈞鑒。魚電謹悉。元首病勢不下。有無轉機。設竟不測。京師為根本重地。關係尤鉅。諸公老成謀國。必能濟此時艱。善畫萬全。闔省秩序。基責任所在。無不竭力維持。以報大總統知遇之恩。而慰諸公畫籌之意。如何情形。尚乞隨時電示。無任盼禱。李厚基叩。虞印。

開封趙個等來電

段國務卿鈞鑒。魚電駭悉。同日又奉院電。袁大總統瘁身國事。天不做年。個文烈念時局之岌危。溯生平之知遇。上為天下弔。下以哭其私。公等卓識深謀。邦基克奠。個文烈職任所屬。轄境秩序。自應協力維持。足抒盡注。至飾終大典。公等必已斟酌盡善。哀祭之禮。如何舉行。日內當有定議。尚乞電示。俾有遵循。不勝企禱。趙個田文烈陽印。

濟南張懷芝蔡儒楷來電

國務院鈞鑒。堂密。奉麻電。袁大總統薨逝。官署下旗誌哀。七日上午。蔡副總統接受大總統職權之時。仍應升旗。禮畢下旗等因。業已遵照辦理。並飭屬知照。謹覆。濟武將軍張懷芝山東巡按使蔡儒楷叩。陽印。

承德姜桂題來電

段國務卿鑒。賡密。魚電奉悉。痛駭莫名。自當謹遵院令。保衛地方。期副大總統遺囑。茲發各省通電一件。文曰。竊自滇黔軍興。中原鼎沸。生靈塗炭。國勢岌危。近雖停戰議和。復以總統問題。相持不下。分崩之禍。迫於眉睫。現袁大總統因病薨逝。遺令依照約法。以副總統

代行職權。從前爭點。一旦打消。南北積嫌。不辭自釋。自宜勉日罷兵。共善善後之方。用救危亡之禍。大局幸甚。國家幸甚。捐誠奉達。佇候明教。等語。持聞。桂題陽印。

上海楊晟來電

國務院統率辦事處外交部鈞鑒。貴室本日奉電。驚悉。袁大總統因病薨逝。山崩棟折。中外震驚。捧讀之餘。哀痛欲絕。謹率僚屬北向舉哀。並照會領團一體下旗。以誌哀悼。謹達哀忱。伏乞鑒察。楊晟陽印。

龐家莊張樹元來電

國務院參謀本部統率處鈞鑒。奉軍使轉到鈞電。驚悉我大總統薨逝之耗。無任哀悼。伏念我大總統蒞位以來。手造民國。統一寰海。功在人民。而元等介胄之士。上荷特達之知。培養生成。受恩尤渥。傳來噩耗。能不痛心。元等竊職東陞。忝膺戎寄。惟有謹遵鈞諭。如痛含辛。勉濟時艱。即所以報知遇也。謹電泣。張樹元各官兵同叩。陽西印。

南昌李純等來電

國務院鈞鑒。堂憲奉到魚電。驚痛無地。哀我元首。再造中國。宵旰焦勞。方以睿躬不務。當道天庥。益占康吉。詎意昊天不弔。哲人云亡。北望雨泣。摧折肝腸。伏讀遺令。宣吉之苦心。彌思生死為國之嗣德。純等守疆有責。敢不遵從遺令。竭盡能力。共維治安。以慰我大總統在天之靈。除分別電飭文武官兵遵照。力保地方秩序。並出示諭曉。以安民心外。謹合詞具覆。

惟祈垂鑒。李純咸揚叩。麻印。

武昌王占元來電

國務院鈞鑒。華密。魚電驚悉。大總統遽棄人民。薄海軍民。同深震悼。幸得黎副總統繼任主持。諸公精襄輔弼。患氏庇國。仰賴蓋籌。占元忝膺疆寄。值此時艱。自應仰體鈞意。鞏固國家。力保治安。共維秩序。謹電奉復。占元魚印。

開封趙個來電

段相國鈞鑒。華密。魚電驚悉。元首一身關係全國存亡。天禍吾華。中道覺逝。諸公者勳碩望。國家大計。全仗維持。豫省治安。倘與田巡按使。自應竭力負責。請鈞蓋念。趙個叩。麻印。

開封趙個來電

國務院段國務卿鈞鑒。華密。奉魚電。驚悉。袁大總統覺逝。易勝悲感。國事顛危。不絕如縷。濟艱出險。端賴宏謀。副總統代行職權。依照約法。自屬允協。至豫省地方秩序。倘當會同田巡按使。竭力維持。勉保治安。以紓蓋念。仍乞時頒渠訓。俾有遵循為禱。趙個叩。麻印。

盛京鮑貴卿來電

段總理鈞鑒。貴卿因公於六日晚抵奉。聞大總統於是日覺逝。奉聞之下。不勝驚痛。奉地安謐。謹以奉聞。鮑貴卿。魚印。單署代。

吉林孟恩遠等來電

國務院鈞鑒。堂密。奉魚電。驚悉。大總統薨逝。哀痛欲絕。當國家存亡絕續之際。正賴大總統維繫扶持。冀有莫定之。乃昊天不弔。降此鞠凶。凡屬軍民。無不同深感泣。思等惟有仰體。大總統愛國愛民素志。力保治安。以慰。大總統在天之靈。並紓屢注。飾終典禮。仍懇安籌辦理。無任企禱之至。孟恩遠郭宗熙陽印。

南京馮國璋齊耀琳來電

國務院鑒。堂密。送奉魚麻電。驚悉。袁大總統薨逝。噩耗悲駭。捨呼。攀號莫及。幸奉遺令。由副總統代行職權。主持有人。咸獲遵率。國璋耀琳。奉守疆圉。維持治安。責無旁貸。刻已按照電開各節。飛飭所屬。一體遵照。一切應行禮節。中央如有規定。並請隨時電示為荷。國璋耀琳。庚印。

龍華揚善德等來電

國務院鑒。堂密。奉魚麻兩電。驚悉。袁大總統因病薨逝。棟折榱崩。中外震悼。捧讀之下。涕泣莫名。謹率三軍暨文武官吏。撫膺恸哭。北向舉哀。並分飭各官署。一律下旗。以誌哀悼。善德等仍當督飭軍警。地方嚴加防範。力保治安。謹達哀忱。伏祈鑒察。楊善德盧永祥等叩。陽印。

歸化潘矩楹來電

段相國鈞鑒。華密。奉讀魚麻二電。驚悉。袁大總統薨逝之耗。震悼莫名。以楹受知廿年。竟

竟因奉職邊陲。不克躬承遺訓。撫衷尤深愧惋。惟有督策軍警。力保地方治安。以期仰慰
袁大總統在天之靈。並副元老諸公諄諄訓諭之至意。京師為根本重地。元首不可一日無
人。黎副總統繼承。曾否正式就職事關全局。尤所深念。伏冀隨時指示。俾有率循。臨電涕
零。統祈賜察。矩楹叩。陽印。

大同鄒道沂來電

國務院致相國鈞鑒。頃奉電傳。袁大總統薨逝之耗。邦家不造。遺此閔凶。惟幸鈞軸旋
蒼生有託。大同地當衝要。遵即會同陸軍將領。通飭所屬營縣。協力維持秩序。幸屬境安謐
如常。堪慰垂屢。謹電聞晉。雁門道尹鄒道沂叩。陽印。

南昌李純來電

段國務卿鈞鑒。屏密。麻電敬悉。前復魚電。諒達鈞覽。國方多難。元首升遐。凡屬軍民。如失覆
幬。純廿載追隨。受恩最厚。迴溯往事。痛徹心脾。即將校中之曾隸幟幟者。無不同聲痛哭。純
已加以撫慰。時以大義責令。竭力維持軍中紀律。保持轄境治安。即所以仰報。先總統師
育之恩。日聚軍心。尚屬鎮靜。地方一律安寧。可紓鈞慮。先總統身後事宜。得公主持。自必
毫無遺憾。純輩聞之。深慰悲懷。謹復。李純叩。齊印。

西安陳樹藩來電

國務院段國務卿各部總長公鑒。室密。魚電奉悉。袁大總統既已薨逝。陝獨立應即日宣

布取消。樹藩謹舉陝西全境奉還中央。一切悉聽中央處分。維持秩序。自是樹藩專責。斷不敢稍存諉卸。貽政府西顧之憂。抑樹藩更有請者。獨立雖得九省。而袁大總統之薨逝。實未退位以前。依其職位。究屬中華共戴之尊。溯其勳勞。尤為民國不祧之祖。所有飾終典禮。擬請格外從豐。並議訂優待家屬條件。以慰袁總統不能明言之隱。以表我國民猶有未盡之思。此外關於大局。一應善後事宜。懇隨時電示遵行。至深感禱。陝西都督兼民政文陳樹藩叩。陽印。

徐州張勳來電

段國務卿鑒。讀魚電。驚悉袁大總統薨逝。凶耗聆悉之下。悲泣莫名。伏思袁大總統受職以來。扶持大局。煞費苦心。一旦歸真。尤殿殿以國家為重。遺命共維秩序。力保治安。凡我同胞。允當善體此心。各盡職務。至袁大總統身後一切。得諸公主持。必悉臻美善。惟其子孫家屬。與大財產一切。自應一律協力維護。凡我軍人。夙荷深澤。計十之七八。天良具在。必有同心。但望即將如何保護緣由。迅速明白宣示。以安眾心。臨電不勝迫切待命之至。勳虞印。

南昌成揚來電

國務卿段鈞鑒。鑒魚電敬悉。並迭奉院電。哀我元首。為國焦勞。沉疴不起。可勝驚痛。揚受我大總統特達之知。涓埃未報。遭時多故。久未入覲。尤為嗚咽。贛省地方安謐。謹當遵照。

隨時會商昌武將軍督飭文武官吏竭力維持。現在黎副總統已依法任大總統職權。所望諸公同心協贊。開誠布公。以正人心。而肅紀綱。則我大總統五載憂勤。再造河山之功。德永煥千秋。實惟諸公是賴。咸揚謹叩。虞印。

西安陳樹藩來電

國務院轉呈 黎副總統鈞鑒。本日接國務院電開。袁大總統於六日因病薨逝。遺令依約法第二十九條。以副總統代行中華民國大總統之職權等因。除將陝省取銷獨立各情電陳國務院外。謹率全陝文武官吏及八百萬人民。北向三鞠躬。恭祝我副總統萬歲。中華民國萬歲。陝西都督兼民政長陳樹藩叩。陽印。

齊齊哈爾華桂芳來電

國務院除雲南貴陽廣東廣西陝西浙江成都長沙各省將軍巡按使均鑒。天禍吾華。迭遭大變。亂災未息。元首捐塵。危急存亡。千鈞一髮。值此時局。自應以維持秩序。鞏固國家為第一要素。幸地方安謐如常。堪好屢系。華桂芳庚印。

陝州蔡成勳來電

段總理鈞鑒。華密魚電驚恚。國家多故。元首升遐。凡我官兵。同深哀恫。北方秩序。謹當遵照訓示。竭力維持。藉慰先靈。本師分駐運城。陝秩序如恆。異常安靜。請釋屢系。蔡成勳叩。露印。寧夏馬福祥來電

國務院鈞鑒。空密奉。奉魚電。驚悉。大總統賓逝。天崩地折。薄海銜哀。遺令。加以鈞院贊襄。大局定能穩固。寧夏地方安謐。福祥當殫竭血忱力。維現狀。冀盡厥職。馬福祥叩。齊叩。

貴陽劉都督來電

黎大總統鈞鑒。虞電佳奉。恭悉我。大總統於本月七日受職。遜聽之餘。無任歡忭。念自共和締造。禍亂侵尋。風雨飄搖。人有覆巢之懼。邦基阮臬。誰為大厦之支。喜民意之有歸。允天心之向順。我。大總統望隆中外。名並岳嵩。抱彌綸區宇之才。具旋轉乾坤之力。義昔起師鄂渚。還黃漢之河山。今茲正位燕都。照絳霄之日月。重延國脉。再造神州。滿藏蒙回。已隱消夫異志。東南南朔。願環拱若衆星。慰兆民喁望之殷。冀百世久安之業。普天同慶。向日傾忱。貴州都督劉顯世謹率文武官吏暨全省軍民恭叩。蒸叩。

岑都司令來電

黎大總統鈞鑒。天相中國。禍亂潛銷。公為一國元氣所鍾。及時正位。旋頭遜聽。徵洽三軍。謹掬微忱。特電馳賀。岑春煊叩。庚叩。

上海張百麟來電

黎大總統段總理鈞鑒。前電諒已達覽。惟大局初定。人心不一。望速佈德音。以安志士。嚴申禁令。以遏亂萌。張百麟蒸。

廣東龍濟光來電

北京國務院段相國鈞鑒。堂密。我公總秉國鈞。再造共和。旋乾轉坤。重光日月。濟光已於青
日率屬開會慶祝。上下騰歡。軍民一致。即日取銷獨立。服從中央命令。惟粵省黨派紛歧。諸
多困難。俟部署周妥。再電馳陳。謹先奉頌。龍濟光叩。元印。

廣東龍裕光來電

北京國務院段相國鈞鑒。堂密。文電敬悉。粵省自聞 黎公繼任。我公總秉鈞衡。再造共和。
軍民額手。舍弟與裕光一致贊成。青日率屬開會慶祝。上下騰歡。即日取銷獨立。服從中央
命令。惟粵事困難。容俟布置周妥。另電馳陳。謹先奉復。龍裕光叩。元印。

蘭州張廣建等來電

蔡大總統鈞鑒。奉虞電。謹悉鈞座於本年六月七日依法接任大總統職權。溯義幟於武
昌。民國本由首創。型苞系於華夏。神州幸免陸沈。堅鄰誼於東西。統一尊於南北。民生永賴。
邦本以寧。薄海欣聞。遐邇同慶。謹率全城文武。即日於巡按使署大堂。敬奉肖像懸掛國徽。
鳴放禮礮。恭致慶祝。所有軍民商學各界。全體蒞臨。氣象雲蒸。歡聲雷動。謹馳專電。肅貢賀
忱。將軍街督理甘肅軍務巡按使張廣建。著甘肅提督焦大聚。西軍精銳軍軍。統正任甘肅
提督馬安良。寧夏護軍使馬福祥。隴東鎮守使陸洪濤。西寧鎮守使馬麟。秦州鎮總兵楊樹
德。署涼州鎮總兵馬麟。河州鎮總兵張定邦。著肅州鎮總兵張和遜。新建左軍統領正任涼州

鎮總兵吳攀桂。新建右軍統領陸軍少將吳桐仁。政務廳長洪廷祺。財政廳長雷多壽。高等審判廳長黃芝瑞。高等檢察廳長徐全聲。蘭山道尹孔憲廷。代理涇原道尹周務學。署渭川道尹楊丙榮。調署西寧道尹龔慶霖。甘涼道尹馬鄰翼。肅州道尹潘齡皋。寧夏道尹陳必准。省城警察廳長正任涇原道尹王宗佑。花定推運局局長蒯壽樞。蘭州電政管理局監督李臨春。公叩。蒸印。

上海蒲殿俊等來電

黎大總統鑒。我公繼任。中外騰歡。堂先恢復。民國元年約法。速開正式國會。組織責任內閣。以固邦本。而慰人心。國家利賴。禱祝無窮。旅滬四川國會議員蒲殿俊楊肇基李為綸張瑾雯王湘趙時欽龔煥宸廖希賢叩。蒸印。

上海范殿棟等來電

黎大總統鈞鑒。我公繼任。中外騰歡。遠讀宣言。彌深欽佩。惟鞏固共和。端在恢復元年約法。請速明布。以息紛爭。而定國是。吉林旅滬國會議員范殿棟趙成恩林膺恩蕭文彬徐清和楊繩祖叩。

上海楊允升等來電

黎大總統鈞鑒。公依法繼任。全國歡欣。惟此時安危。一髮千鈞。懇速恢復元年約法。招集二年國會。以奠邦基。民國幸甚。旅滬河南省議會議員楊允升曾祖培叩。

康州隆世儲來電

黎大總統鈞鑒。恭讀京電。欣悉已就大總統任。聞命之餘。昔天同慶。從此國基永奠。挽一髮於千鈞。民氣昭蘇。頌元首者五族。世儲備員邊鎮。勉應時艱。服從共和。願盡天職。率邊軍而起舞。共祝民國千秋。向勳斗以騰歡。三呼 總統萬歲。廣東欽廉鎮守使隆世儲叩庚叩

廣東凌鶴年來電

黎大總統鈞鑒。奉都督飭知國務院語。日通電。欽悉我 大總統依法接任。共和再造。華夏莫安。百粵歡呼。萬民永賴。謹率廣東省會警界同人。肅電恭賀。廣東省會警察廳長凌鶴年叩佳。

廣東王秉必來電

黎大總統鈞鑒。請國務院語。日通電。欽聞我 大總統依法繼任。兆民有賴。薄海歡騰。伏維大總統手創共和。重扶日月。永銷金革。共慶昇平。敬達賀忱。伏惟垂鑒。廣東菸酒公費局局長王秉必謹呈。蒸叩。

粵海道尹楊觀東等來電

賀 黎大總統鈞鑒。恭讀京電。欣聞我 大總統依法繼任。名正言順。天與人歸。日月載新。遐荒同慶。惟有功斯能奠國。亦惟德足以服人。華翁再世。發東西大陸之祥。天下一家。是南北協合之會。願維嶺嶠。敢外生成。謹集同寅。齊呼萬歲。署廣東粵海道尹楊觀東。署高雷道

道尹梁志文署司法廳廳長葉鏡湜謹呈真

天津北洋商學會來電

黎大總統鈞鑒。大局瀕危。千鈞一髮。我公憫時興起。力任艱難。通國傾心。化干戈為玉帛。此世界以祥和。商旅實首蒙其福。謹合詞電慶。商學公會全體會員叩。文

兩廣岑春煊來電

急黎大總統鈞鑒。陽電元奉。過蒙藻飾。長年閣議。萬不敢承。武昌之游。耿耿在念。溯回震蕩。慨歎同深。煊逃亡在外。自分葬蠻夷中。皮骨已空。有何遠志。惟生性鷙直。嫉惡如仇。公雖未消。誓拚一死。故一聞國難。聞關造歸。重以鄉里舊游。強相督責。即不自揣。勉總帥下。然受職之日。即宣言項城朝退。煊當夕隱。信誓旦旦。有眾共聞。今幸天心厭亂。惡氛自戢。國命攸託。復在明公。大紛已解。於自然。鄙志乃酬。於一旦。私衷歡洽。冠絕平生。一俟料簡粗定。即當浩然歸去。惟煊誓求出師。早經部署。聯軍數萬。廣集粵中。斟酌編遣。恐非旦夕可致。在此期間。有何明令。均謹遵從。區區之愚。伏希鑒察。抑又有言者。方今八難初平。人思法定。望我公力護舊約法。恢復國會。創設責任內閣。納民心於軌物。示天下以大公。則黨派不足平。軍民不足治。不肖亦得安依丘墓。以平民終。即永拜公賜於無窮矣。臨電無任屏營之至。岑春煊叩元印。

大總統致岑雲階電

肇慶岑雲階先生鑒。元電謹悉。昊天不惠。政變迭生。耿耿夙心。負我民國。杜門却掃。生死存亡。與公殊途。宅心則一。項城棄世。國本漂搖。徐段王諸公。辱相督責。亦知篤鉞義無可辭。旬日以來。軍民安堵。不有羣力。危何能持。緬懷明公。問關萬里。乘時致果。浩氣凜然。國有老成。民受其賜。重蒙推戴。尤見大公。來日大難。同舟共濟。披道訪伏。尤恐不周。豈有冗良。忍言高蹈。矧惟舊好。拳拳在心。寧誨於前。遽捐於後。仁者之心。當不出此。聯軍屬集。編遣需時。尚乞與部院籌商。早圖竣事。安車前席。謹遲高賢。辱教各節。各論不刊。滬上諸賢。刻正與芝泉磋商。一俟決定。即當奉聞。

兗州孔令貽來電

蔡大總統鈞鑒。恭讀六月七號報。欣稔我大總統爰正殿位。頒發渙汗。樹威德以維世道。隱消憂患於無形。順輿情而慰民望。定解倒懸於有勞。天下歸心。薄海同歡。令貽謹率孔教族眾。廟廷執事官各先賢儒奉祀官敬以致賀。襲封衍聖公孔令貽寒叩。

汕頭姚雨平來電

蔡大總統鈞鑒。頃讀國務院魚電。項城逝世。公依法繼任。遴聽佳音。距躍三百。雨平前以時勢危急。間關返粵。召集舊部。擬從西南義師後。捍衛國家。今約法有靈。共和如昨。自應本其素志。擁護中央。力謀統一。國基重建。經緯萬端。根本大法。伏祈早定。臨電禱祝。無任瞻依。姚雨平叩。

哈爾濱總商會來電

國務院轉 大總統鈞鑒。恭讀七日申令。塞外商民。莫不歡欣鼓舞。商民等望治久矣。我大總統首創共和。功德超邁。從此挽回大局。奠定國家。國民幸甚。謹中慶賀。藉達下忱。哈爾濱總商會。

雲南唐繼堯來電

黎大總統鈞鑒。佳日恭奉鈞電。欣承我 大總統於中華民國五年六月七日就任。敬聆之餘。忭舞逾恆。伏維我 大總統名齊北斗。席正中樞。欽盛世於唐虞。共和鞏固。溯神威於江漢。郵治光昭。由茲海不揚波。知中國之有聖。咸喜日逢復旦。舉天下以為公。元首啟明。四方來賀。繼堯懷滇迤。琴向燕雲。從金碧以陳辭。虔修駢啟。合蒼赤而獻悃。恭賀鴻禧。陰由本省舉行慶祝外。謹此電呈。伏乞睿鑒。雲南都督唐繼堯謹率全省文武紳民同叩。真。

蚌埠倪嗣冲來電

大總統鈞鑒。滇池發難。中樞崩摧。外患內訌。更達極點。我 大總統依照約法。出膺艱鉅。以淡泊寧靜之心。堅定沈毅之力。定能調和意見。永戢干戈。溥海歡騰。匪獨私幸。燕日奉陽電。重以根本大計。軍國要圖。殷殷下問。嗣冲至愚。何足仰贊高深。願大局顛危。管見所及。亟宜補救者。厥有三端。一曰謀統一。南省國體之爭。是公義。非私忿也。今共和穩固。公義已伸。大總統繼任。更無私忿之可言。既正共和之名。必副共和之實。劃地則非共。稱名則非和。以

古義考之共和之名。始於周宣。陟洛雖云分治。周召愈見同心。以西事證之。法統八十六。薩美聯南北兩洲。無論中西。未有分崩離散而能立國者。護國諸君子。皆當代偉人。果有敢時良謀。儘可發行政見。討論一切。況以國際而論。列強環伺。久作鷓蚌之爭。必收漁人之利。是國必自伐而後人伐之。人不亡我。我將自亡。識時俊傑。豈忍出此。以國情而論。民國初立。軍費政費外債。皆就全國歲入。酌劑盈虛。定為經制。一旦割裂短少。外人必有責言。南北亦將坐困。根本大計。無逾於此。應請大總統明發命令。飭獨立各省。一律取銷。共矢公忠。以維大局。一曰化黨見。自歐風東漸。黨派朋興。其中確有政見熱心為國者。固不乏人。而少年英銳。迂儒拘牽。或力持急進。欲凌節以圖功。或心醉歐風。致鑿柄而不入。人麗言雜。各黨已幾不相容。此是彼非。政府難盡償所願。其始則僅差釐黍。其終則竟至參商。以政見之不投。而隱生觖望。以觖望之過度。而發為暴悖。倡者一二人。和者千百輩。於是有辛亥之爭。癸丑之爭。政府既迫不得已。而所以激之致此者。似難專為一方咎也。勝負既判。嫌怨益深。或異地接遲。或洋場流寓。隱若敵國。防不勝防。長此相持。危亡可待。考各國政黨。非不互相競爭。然各以政綱相號召。以法律為範圍。是以愈競爭而國家愈蒙其益。愈競爭而人民愈受其利。我國神明遺裔。道德宗傳。苟欲自強。豈宜多讓。現在痛深創鉅。必團結始足圖存。事過境遷。豈始終不知悔悟。我大總統包含萬類。復憐羣倫。應請明發教令。首泯猜嫌。其有嘉謨嘉猷。足裨時局者。或政府上書。或國會請願。苟有可採。立即施行。如再秘密結社。稱曰政黨。以攘

權利。因操權利而壞公安。是其自甘違法。即應按法嚴懲。一曰維幣政。銀行發行紙幣。以代現金。各國皆然。查外國銀行。發行紙幣之初。必備有一半準備金。及各項不動產。總計其值。足抵所發紙幣之數。故人民之視紙幣。無異現金。信用既堅。寔成習慣。即有時因軍事緊急。暫停兌現。而紙幣之流通如故。不至遽生恐慌。中國則不然。銀行內容。人民已不盡知。發行紙幣若干。及準備金不動產之多寡有無。局外更難深悉。所幸數載以來。中交兩行。信用漸著。所發紙幣。隨時隨地。可以兌現。故能流通無阻。一自停止現金。信用掃地。商務頓形停滯。國稅因之短收。影響所及。官民交病。現雖各省各自維持。暫支危局。而此省鈔票。彼省不收。金融機關。仍難活動。欲圖補救。非有大宗的款接濟。該兩行不可。應請大總統設法籌借。數千萬現金。分給該兩行。以資周轉。並令飭各省。凡該兩行之紙幣。不分省界。一律通用。一律兌現。庶已失之信用。可望挽回。國計民生。胥於是賴。以上三者。係目前切要之事。謹陳鈞鑒。伏乞裁酌施行。嗣冲受 前大總統知遇。垂二十餘年。感激馳驅。義不可負。計持罪皖。有前後四稔。忝握兵符。兼理民政。區區愚忱。惟以維持地方。擁護中央。為惟一之目的。不敢始終易節。致違本懷。統希垂察。現在皖境尚屬安謐。惟春夏雨水太多。二麥減收。民食殊為可慮。知關睿屢。謹以附呈。安徽將軍兼署安徽巡按使倪嗣冲叩。文印。

辰州府程熊書來電

黎大總統睿鑒。頃奉電令。我大總統依法就任。維持民國。保障共和。中外傾心。雲霓慰望。

謹電仲賀兼代湖南辰沅道道尹沅陵縣知事程熊書叩。

廣東龍濟光來電

大總統鈞鑒。密陽電謹悉。濟光奉職無狀。待罪海疆。蒙大總統鑒其愚忱。不加譴責。尤復
虛衷下問。導之使言。光雖不敏。敢不效其一得之愚。上備采擇。竊維帝制發生。海內鼎沸。滇
黔發難。桂粵景從。浙陝川湘相繼而起。分崩離析。不可收拾。幸天佑中國。以莊嚴燦爛之民
國。舉而還之共和手創之人。雖曰人為。豈非天意。茲既還我共和。民國約法。首宜尊重。竊以
為約法所修改者。當然取銷。從前憲法所宣布者。自宜遵守。伏乞大總統明令公布。早定
方針。而免藉口。並一面召集國會。建根本之大法。樹立憲之精神。此外善後之策。雖經緯萬
端。但使舉其大綱。其餘縷晰條分。不難迎刃而解。管見所及。是否有當。敬候鈞裁。廣東都督
龍濟光謹呈。寒。

南通州張謇等來電

大總統鈞鑒。我公依法繼任。溥海驩騰。報傳新政方針。尤欣喁喁之望。開來鑑往。標本兼籌。
從此自治復生。農商交利。局勝舞蹈。謹祝民國萬歲。大總統萬歲。江蘇通崇海泰總商會
長張謇副會長周樹聲等通揚淮徐海各屬四十商會全體會董商民公叩。鹽印。

駐日本代辦劉崇傑來電

頃東京商務總會總理中野武營來。稱本總會以欽佩。大總統德望並冀。大總統使我

兩國交誼益見敦睦。以國亞東和平之基。而啟通商發達之氣。謹於本日開臨時總會。請祝文以表誠懇。已電請外交總長代呈。大總統鑒。責使再將此誠懇之意。及歷來關係詳陳。大總統。

外交部致駐日本劉代辦電

甲東京商務總會總理對於 黎大總統就職開會祝頌。又對於 袁大總統薨逝表示弔意。政府甚為感謝。希代達外交部。

南京江蘇回教聯合會總部金鼎等來電

黎大總統鈞鑒。伏讀通電。欣悉繼任元首。凡屬回族。同深慶幸。值茲國是絕續。政治競爭。戡濟休養。惟公是賴。江蘇回教聯合會總部金鼎沙丹如來占元洪占奎全體叩。頌。

開封總商會來電

大總統鈞鑒。恭承申令。欽忭同深。吾豫近依畿輔。商務國脈攸關。當建設之肇新。祝玉基之永奠。河南總商會公叩。

熱河總商會教育會來電

黎大總統鑒。依法繼任。民願以償。天下太平。國基永奠。普天同歸。薄海騰歡。熱河總商會教育會同叩。

舊金山余炳等來電

黎大總統鑒。公膺正任。薄海歡呼。墨國信那。嶺省華僑團體總會余炳等叩。

江蘇張謇來電

大總統鈞鑒。天祚中國。元首繼任得人。震宇同歡。寧惟海峽。比年政象險幻。民痛苦深矣。願大總統原法治之闕規。定標本之兼策。尊信約。組議院。恢復自治而外。首除苛稅。以卹農商。俾國民欽初政之仁。庶稅法得乘時而理。東南沐澤。企祝尤殷。江蘇省農會會長兼南通商農會會長張謇謹叩賀。

揚州張鶴第來電

大總統鈞鑒。武昌一別。瞬已三年。瞻望德輝。欽避無既。方今國事岌危。得公繼任。中外傾心。南北誠服。鞏固共和。造福民國。吾僑小人。惟公是賴。昨電致總理。請恢復國會。而未及眾人所言之約法者。良以廢止新約法。當然在蓋畫中。或遲未發表。或慮恢復全部約法。不無窒礙。平心思之。即論約法中。國務員徵求同心一策。鶴第前在臨時參議院及國會時。已身親痛苦。凡為議員。豈能言之。然此時既不能以命令變更法律。而又非國會所能修正。惟有迅復國會。提出諮詢案。就兩院組合國民會議。再求通過。無論斟酌損益。悉聽民意。一秉至公。何事於千鈞一髮之際。徒紛紛道謀庭訟為也。甘冒不韙。用獻芻言。知我罪我。俟諸公論。江都張鶴第敬。

兩廣都司令總署岑春煊等來電

萬人急北京。黎大總統鈞鑒。竊以國難之生。由於有人毀壞國法。故此時解紛靖難。非力護民定根本大法。別無入手之方。且此為民國不易之方針。決非私人固執之偏見。誠得如是。南軍固為滿志。而全國又豈有他營。燧等待詭行間。熟思審處。以為既違千載一時之運會。宜有百年大定之規矩。我大總統盛德謙光。萬流宗仰。著為明令。曠不遵慄。以此盡其狂愚妄。有陳說大綱四事。可得而言。一我大總統及時承位。乃繼任。非代行職政。蓋項城稱帝以前之大總統資格。係由國會選舉而來。當時所據。實為民國二年十月五日所宣布。憲法會議所制定之大總統選舉法。則項城有變更。處理總統問題。當然依據本法。查本法第三條。大總統任期五年。第五條。大總統缺位時。由副總統繼任。至本大總統任滿之日。止。是我大總統之為繼任。的確無疑。二南軍政府迭宣言擁護約法。乃指民國元年之民定約法。非民國三年項城改定之約法。蓋項城解散國會。本不合法。而召集約法會議。尤非民意所存。機關不正。所修法案當然無效。三國會為民國根本法所由產生。項城以非法解散。今應恢復國會。四我大總統既已正位。不可無內閣以輔之。惟此時之國務院。由政事堂遞嬗而來。不得謂之依法成立。民定約法既復。應請我大總統依據約法。指定總理。組織新內閣。交由國會同意。以上四端。實為今日時局當然之途徑。決非南軍過激之主張。前見河南趙將軍田巡按使庚電。於前二事。指陳利害。酣暢淋漓。且發南軍宣言之所未發。可見理無二致。人心大同。祇須本此以行。萬事俱迎刃而解。至召集國會。建謀內閣。乃恢復民定約法。

程序之所必經。實為一事。而組織新內閣。法理而外。更為現勢之所必然。前二事既定。後二事似尤無討論之餘地。煊等以為大綱既舉。即時派遣要人。籌商善後。依次處理。決無艱虞。方今南北洶洶。人心浮動。大計之定。刻不容緩。而明公正位。已達一週。發言盈廷。迄無定議。誠恐奸人抵隙。戰士激昂。前途險巇。不堪設想。伏乞我大總統。截斷眾流。渙汗大號。即本上陳四義。著令明宣。庶幾耳目始新。眾志始一。其他施設。方能進行。煊引退在即。前電已詳。惟甲冑一日在躬。尚有為民請命之責。榮廷錚錚。焜焜。奉任封圻。軒衛大局。往復商榷。所見悉同。用敢聯銜上達。力請施行。自昧陳詞。統希鈞鑒。再滇黔各省。亦經電商。惟因電阻。尚未得覆。合併附陳。兩廣護國軍都司令岑春煊。廣西都督桂湘聯軍總司令陸榮廷。湖南都督湯薌銘。廣西都督陳炳焜。同叩。元二印。

李烈鈞自行營來電

黎大總統鈞鑒。奉陽。獎借逾量。無任惶悚。高山流水。舊誼殷然。還憶鄂渚追隨。親承揆。皇皇四載。神感弗移。從此風雲又飛。華山蒼蒼。揚鞭立馬。仍獲瞻依。但撫念昔今。神馳不已。前途變幻。奚如。慨茲洪流。臨風歎息。存軀屢頓。意興蕭然。禹域神巖。公實賴之。謹抒誠款。敬布歡忱。烈鈞叩。刪印。

濟南張懷芝等來電

大總統鈞鑒。竊以三年約法。應歸無效。臨時約法。應即恢復。南北各省軍民長官。均已詳細

電陳計蒙鈞察。蘇直兩省州電。會陳恢復。尤屬周詳。當此時局代謝之秋。風雨飄搖之會。約法一日不定。人心一日不安。深慮延日曠時。更生枝節。應請迅頒明令。恢復臨時約法。以固邦基。而重民志。其餘一切事宜。均可依法解決。從容辦理。伏望速賜施行。為叩。張懷芝蔡儒楷巧印。

上海虞和德來電

黎大總統段總理鈞鑒。大總統繼任。中外慶慰。遵照元年約法。召集國會。已成全國公論。請明令宣布。並將開除黨禁。恢復交通。減輕苛細稅捐。補助平民生計。次第施行。財政攸關。國本。首宜注意。銀行。中行。急宜維持。交行。急應清釐。如何入手。希早籌及。以保信用。財務既有辦法。人心自然大定。海通以來。國政與商務有密切關係。謹獻芻議。伏祈鈞裁。虞和德叩。

上海陳允中來電

黎大總統鑒。共和根本。成自元年約法。近人民企圖恢復。呼聲甚高。請應時勢要求。為法治先導。另容詳前。國會議員陳允中。洽。

無錫蔣曾煥來電

黎大總統鑒。庚電諒達。我公就任。匪旬。倒懸未解。根本大計。務望當機立斷。以慰缺望。參議院議員蔣曾煥叩。蔣。

朝陽王玉樹等來電

黎大總統鈞鑒。我公依法繼任。全國歡騰。北方蒙漢人民。尤望速復國會。定憲法。鞏國體。大局自易統一。民國幸甚。眾議院議員王士樹、呂泮林、張滋、大鮑喜洽。

南京將軍行署馮國璋等來電

大總統段國務卿鈞鑒。國務院真電敬悉。國家根本大法。不可無一。不能有二。新約法為總統制。今日已不適用。當時制定。又未按照定程修改。在民國法多為非正統。本年四月二十一日。前大總統中令。本有幡然變計之言。是不關各省要求。此法早已應歸無效。新法無效。現在舍臨時約法外。別無根本之法。舍恢復臨時約法外。即別無可以造法之道。此節似已無待再計。第就恢復而論。所應籌及者兩事。一恢復應用何種方法。國璋等意恢復與修正不同。自非變又法律之比。可用明令宣佈。但稱中華民國臨時約法。自三年五月一日起施行中斷。茲恢復之云云。似較直截了當。且亦無損莊嚴。一臨時約法缺點滋多。未縛行政幾於無可展布。在今日凡百待理之際。凡有障礙。應用何法救濟。國璋等意臨時約法。原非永久之制。設其規定有十箇月召集國會。由國會制定憲法之文。果使二年政局不生紛擾。黨爭不為法外之憑陵。相見各有真誠之拘示。則國是早定。憲法早成。臨時約法早歸消滅。立法行法。得劑其平。國家已有三年之發展。何至遷延錯誤。以迄於今。往事已矣。來日方興。今茲急務。仍在速定民國可久可長之憲法。憲法早一日公布。則約法早一日廢止。法律增一分健全。則國家增一分治理。天壇草案。已具規模。當年懷挾之疑。於今可以盡釋。起草委員

諸君本極一時之倏廢結既化利害自明謀國之忠。詎後吾輩該草率尚可修正政府特派員
得出席於委員會。在法律非無根據。即意見亦可疏通。將來必有高權餘地。議論之點。如同
意權彈劾權議會解散權等。大者不過數端。當無曠日持久之慮。數月之內。務期憲法成立。
則臨時約法之弊不敢自止矣。至於恢復民國二年國會。本與臨時約法相聯。因臨時約法
而有國會組織法。依國會組織法而有國會約法。既復其舊。則由該法發生之國會。勢不能
不相因而復。自二年十一月者。特中輟耳。議員接續任期。當除中輟計算。應依臨時約法續
行召集。今之情勢。已非昔比。意見紛拏之害。當可潛泮。前無所觸。後無所憑。議員自少不平
之氣。若政見督促。是在政府開誠布公以臨之而已。憲法一定。則憲法中應別有立法機關
前之國會。亦當消滅。大總統選舉法。為憲法之一部。法統既正。存廢自明。是則無須宣布。當
然復舊者。總之國不可以無法。現在只有臨時約法之可遵。法不可以不良。舉國當為制定
憲法之監視。國璋等與政府諸公。分屬公職。身亦國民。璋有所見。極盼隨時商定。依法主張。
以為輿論之導。約法不得已而暫復。憲法即不可以多延。速開國會。速開憲法起草委員會。
速開憲法會議。速定憲法當務之急。似無逾此者。謹呈管見。乞酌奪施行。馮國璋齊耀琳。

吉林楊福洲等來電

黎大總統鑒。我公依據憲法會議繼任大總統。從此實行法治。鞏固共和。奠定國基。刷新政
策。敬祝我大總統萬歲。參議院吉林議員楊福洲等眾議院吉林張雅南等同賀。

上海張百齡來電

蔡大總統段總理鈞鑒。近自 大總統依法繼任。舉護國領兵諸君。辛亥起義諸將。均意見一致。擁護同心。段總理以老成謀國。共撐危局。凡屬國民。無不引領望治。惟恢復舊定約法。召集正式國會。勢理所在。何用遲疑。中央苟有困難。則今昔肇造民國之人。各有一份維持責任。誓同艱苦。以竟前功。輿論誠虔。立待明令。張百齡叩。

沙市電政局長謝立生來電

蔡大總統鈞鑒。依法繼任。望慰雲霓。邦國之光。桑梓之福。謹以叩賀。沙市電政局局長謝立生叩。

就任大總統申令

現在時局顛危。本大總統駁膺重任。凡百政務。端資佐理。所有京外文武官吏。應仍舊供職。共濟時艱。勿得稍存諉卸。此令。

第二十四類 辭謝

致兩院及各黨預辭正式總統

國會密邇。庶政紛繁。選舉總統。尤關重典。溯自義軍肇興。舉國震盪。南北激爭。互懷猜忌。壯轉四方。老填溝壑。國家元氣。推喪無遺。幸賴袁總統之幹旋。孫總統之選讓。始得戎衣底定。宣布共和。彌歲以來。政府皆推誠布公。內弭黨爭。外攘邊釁。艱難締造。慘淡經營。然而亂黨猶且滋

生郵邦尚未承認者。則以開時之太斯。而收效之未宏也。方今蒙藏風雲。波詭雲譎。宗社餘孽。乘機思逞。六國借款。謠信要盟。禍患之來。聞不容髮。環顧國中。瘡痍滿目。兵不用命。民不畏刑。亂象環生。倍履清季。編戶之氓。方相與吞聲飲泣。以靳正式政府之成。總統一席。豈惟寰球耳目所關。抑亦全國身命所寄。匪任重致遠。為國保全。匪就熟駕輕。為資因應。五中焦灼。若雲霓。乃遠道不容。頗有馳書要問。欲相推舉者。雖不虞之譽。出自衆情。而無因之投。彌增隱痛。伏念元洪外綰戎行。未嫻政治。屬武漢舉兵。謬相推戴。乘時兼運。遂領疆圉。嗣以海內人傑。安自比附。況機難運。智深勇沉。洪不如表項城。明湖事機。襟懷恬曠。洪不如孫中山。堅苦卓絕。壹意孤行。洪不如黃善化。先復以來。覲顏尸位。賞不足以安勛。勛不足以儆兇。邪成效未收。謗聲日至。如天之福。屢危復安。清夜自思。既慚且悚。祇以受故鄉父老之託。當中原縮數之衝。一髮偶牽。全身皆動。忍辱負重。未敢告勞。夙昔拳拳。惟有默祝生靈。早登衽席。果使總統得人。國基鞏固。洪雖無狀。猶當率江漢子弟。維持南服。擁護中央。揚大漢之天聲。償平生之夙願。倘或有少數議員。垂愛個人。貽誤全局。在元洪為損友。在民國為罪人。惟有解甲歸田。長辭都市。惟天與日。貴式憑之。敢布腹心。伏惟矜諒。

致大總統力辭翰督

奉國務院佳電。大總統令。任命元洪兼署領江西都督事。驚悚莫名。伏念任免官吏。為大總統特權。元洪何敢置喙。惟江西既設護軍使。節制全省陸軍。復有要塞司令。節制江防。直歸陸軍

部管轄責任既專。疏令自一。屬在腹地。披應亦靈。似無設都督之必要。元洪才力綿薄。謬專鄂閩。負疚已多。若常命更膺。必致以禍鄂者禍贛。禍贛者禍全國。且元人自效。何以為辭。此次勸導李督之語。何以表平日沒視權位之心。伏乞收回成命。即責成贛護軍使。要卷司令官。民政長。維持秩序。俾中央得收統一之效。公私交感。肅此電辭。

致共和黨預解選舉

承電誦悉。正式選舉一節。早經通電宣誓。總統為國之元首。御極居中。必其才足以制馭四方。力足以維持統一。當局身肩大任。裁定中原。攘外安內。炫今震古。華盛頓當平定南北。已正式受任。當局勳績足與匹倫。彼之全國心理。早已一致贊同。望勿拘黨義。謬相推舉。元洪迂拙成性。與世無爭。但得長處於匡救調和地位。與五大族人民同謀樂利。為幸實多。若復徇愛個人。致釀成局。則惟有擔筇携屐。徜徉湖山。決不與人間事也。雲天在望。特布腹心。

致政府辭授文虎章

頃奉大總統令。以湖口之役。授元洪一等文虎章。聞命慚慙。不知所裁。伏念義軍羣起。宣布共和。下諭輿情。上享天聽。自南自北。如絮隨風。萬眾一心。豈察人力。二三偉人。忝竊祿位。攘天功為己有。謂眾目為可欺。連動叛軍。勾串死黨。明搶暗劫。擅戕家居。羽檄不居。刁斗無睡。茫茫大陸。載浮載沉。元洪念先烈之艱難。痛邦基之漂蕩。冀尤府垢。曲意調停。惡索苦衷。冀紓兵禍。大厦將圯。寸朽難支。潢池弄兵。卒興慘劫。譬如驕子做弟。習與性成。感誘無方。至於前捷。洪實涼

德於人何尤。夫千羽不格，聖人所矜。蒲鞭倍施，循吏所上。何況患難之交，一朝斷絕。離羣索處，甯不痛心。警謀朝至，則黯然消魂。提書久來，則潸然出涕。耿耿寸心，莫可告語。束身司貶，亦復何辭。夏季六月，長天無雲，烈日鏘金，火沙沸樹。苦我健兒，遠離鄉井。攀嶠涉海，露宿風餐。長鎗不施，短刃相接。病不交睫，傷不裹創。上下同心，憫無怨讎。元洪足不履戎行，目不睹戰線。風簾持是，則衣重甲之疲，靈帳陳饌，則念乾糧之苦。幸得要塞蕩平，中流底定。總統之靈，單長之略，將士之力，兵艦之威。洪何有焉。伏乞大總統收回成命，另賞功人。尤望愛國軍士，指日肅清。從亂黨徒，幡然悔悟。莫共和於不敵，與北庶以更新。異日者，載整干戈，嚴守邊圍。元戎十乘，以征鬼方。元洪得以未死之身，躬逢斯盛，勒燕然之石，築單于之臺，竊所願也。敬奉腹心。

致參眾兩院辭臨時副總統

參議院眾議院公鑒。共和肇造，國慶再周。值臨時政府告成之期，乃正式總統當選之會。普天望幸，萬國觀光，甚盛典也。伏念元洪一旅一戍，欣逢景運，義旗甫建，五族同風。當統一之初基，承副貳之重寄。自惟德薄能鮮，時懼弗勝。兩年以來，國信未昭，民生重困。嗚驚桴鼓，既窮感格之方。鮮起蕭牆，終乏調和之術。安內攝外，莫挽時艱。權變經常，未行遠畧。所幸大總統文明武健，主張於上，中央地方，政府諸公，羣策羣力，維持匡救於下。元洪得免隕越，以貽國民羞。久思退讓名賢，詎敢久辱高位。今者憲法開張，次第選舉。元洪謹對我中華民國會兩院，辭謝臨時副總統職務。我國民代表，必能登明選公，為國得人。俾四萬萬人民，陰受其福。元洪亦得以退藏。

拙鈍。託庇嘉蔭。則大有造於民國也。四方多士。實試國之昭告國門。統祈察照。

上大總統呈請辭去兼領湖北都督文

敬呈者。竊元洪屢觀 鈞顧。仰承優遇。思逾於骨肉。禮渥於上賓。推心則山雪皆融。握手則池水為泮。馳惶靡措。誠服無涯。伏念元洪忝列戎行。欣逢鼎運。屬官吏推選之衆。承軍民擁戴之殷。王陵之率義兵。堅辭未獲。劉表之居重鎮。勉力難勝。洎乎宣布共和。混一區夏。蒙大總統俯仍舊貫。悉予真除。良以成規久圯。新制未頒。不得不沿襲名稱。維持現狀。元洪亦以神州多難。亂黨環生。念瓜代之未來。顧豆分而不忍。思欲以一奉之石。暫砥狂瀾。方寸之棘。權撐圯廈。所幸仰承偉略。乞助雄師。風浪不驚。星河底定。獲託威靈之庇。免貽隕越之羞。蓋非常之變。非大力不能戡平。無妄之榮。實初心所不及料也。夫列侯據地。周室所以陵遲。諸鎮擁兵。唐宗於焉弛靡。六朝玉步。覘於功人。五代干戈。胎自驕將。偶昧保身之哲。遂叢誤國之愆。災黎填於壑。而罔聞敵國入於宮而不恤。遠稽往乘。近覽橫流。國體雖更。亂源則一。未嘗不哀其頑梗。惜莫懲之。嗟前者贛水弄兵。鍾山竊位。三邊酬諸異族。六省訂為同盟。元洪當對壘之衝。亦尚盡同舟之誼。乃罪言勿納。忠告罔聞。夜此苦心。竟逢戰禍。久欲奉還職權。藉資表率。祇以兵端甫啟。選典未行。暫忍負乘致寇之嫌。勉圖扶杖觀成之計。孤懷耿耿。不敢告人。前路茫茫。但漸救國。今者列強承認。庶政更新。洗武庫而偃兵。做文園而弼教。際四海困窮之會。急起猶遲。念兩年患難之場。迴思尚悵。論全局則須籌一統。論個人則願乞餘年。倘仍恃寵長留。更或陳情不獲。中流

重任。豈忍施於久之身。當日苦衷。亦難驟諸無稽之口。此尤元洪所冰淵自懼。最饋難安者也。伏乞大總統矜其愚悃。假以開時。將所領湖北都督一職。明令免去。元洪追隨鈞座。長聽教言。汲湖水以澡心。擲雲山而鍊性。幸得此身健在。皆解衣推食之恩。倘遇邊事偶生。敢忘披甲執兵之報。伏居待命。無任屏營。謹呈。

附大總統覆文

來牘閱悉。成功不居。上德若谷。事符往籍。益歎淵衷。溯自清德既衰。皇綱解紐。武昌首義。溥海風從。團體既更。嘉言益著。調停之術。力竭再三。危苦之詞。書陳累萬。痛洪水極獸之禍。為千鈞一髮之防。國紀民彝。賴以不墜。藉尊之亂。坐鎮上游。七邑不驚。指揮若定。呂梁既濟。重思作楫之艱。虞淵弗沈。追論搗戈之烈。凡所規畫。動繫安危。偉業豐功。彪炳寰宇。時局粗定。得至京師。昕夕據譚。快傾心膈。褒鄂英姿。獲瞻便坐。遊珉同志。永矢畢生。每念在宮之艱。輒有微管之歎。楚國寶善。遂見斯人。迭據面請。免去領湖北都督一職。情詞懇摯。出於至誠。未允施行。復有此牘。語重心重。慮遠思深。志不可移。重違其意。雖元老壯猷。未盡南服經營之用。而賢者久役。亦非國民酬報之心。勉遂謙懷。姑如所請。國基初定。經緯萬端。相與有成。期我益友。嗣後凡大計所關。務望遇事指陳。以匡不逮。昔張江陵恒言。吾神游九塞。一日二三。每思密語。輒為敬服。前型具在。願共勉之。此覆。

請馮副總統代行職權電

南京馮副總統各省督軍省長南學陸巡閱使瓊州龍督辦各都統各護軍使各鎮守使奏。東日兩電計達。此次政變發生。致搖國體。元洪不德。統御無方。負疚國民。飲痛何極。都中情形。日趨險惡。元洪既不能執行職權。民國勢將中斷。查約法第四十二條。大總統因故不能視事時。副總統代行其職權。又查大總統選舉法第五條。文義略同。併有國務院攝行職務之規定。應請馮副總統依法代行大總統職務。目前交通梗絕。印綬齋送。雖難併已。特任段公芝泉為國務總理。印務印交由設法轉呈。此後一切救國大計。概由副總統總理協力進行。尚望共體時艱。勉圖匡贊。無任禱盼。元洪。冬。

通告馮副總統代行職權電

南京馮副總統各省督軍省長南學巡閱使瓊州龍督辦各都統各護軍使各鎮守使鑒。東日兩雷冬日一電計達。此次政變發生。致搖國體。元洪負疚民國。哀痛何已。於本月冬日特任段芝泉總理國事。並電請馮副總統依法代行職權。在副總統未經正式代理以前。一切機宜。統由段總理使官處理。所有印信文件。業經送津。請段總理暫行攝設。並設法轉送副座。呈請接收。再頃者公府衛隊猝被撤換。惟交三海。元洪亦即移居醫院。此後一切救國大計。務請諸君商承馮副總統段總理合力進行。臨電勉企。不盡區區。元洪。江。

第二十五類 附錄

祭清德宗景皇帝孝定景皇后文

中華民國二年十二月十三日。副總統黎元洪謹遣代表黃祖徽致祭於大清德宗景皇帝孝定景皇后之靈曰。穆穆景皇。英明仁惠。比宋神宗。亟亟求治。雄圖未奮。孝思靡窮。景后翼之。載厚合宏。天不假年。靈絃中輟。遺詔既頒。四海悲咽。時領一軍。泣拊烏號。幸仰靈暉。如月在霄。執政不綱。羣竊威柄。七膏府怨。莫達天聽。當拳兵諫。匪發難端。后順輿情。亘古所難。哀痛天書。登民衽席。黃屋非私。蒼生是惜。女中堯舜。遠邁宣仁。修和有貞。萬禩恒春。風飛忽雷。劍化相從。巍巍厚德。食報弗終。風雲慘淡。松柏淒涼。日暝月沈。冥冥夜堂。誓挈山河。勿傷坏土。聖靈其鑒。哀情終古。

致參議院力崇節儉

頃閱東西各報。載民國光復各省。夙以志士自命。念切同胞者。大半染驕奢淫佚之習。與滿清當道政態。有過之無不及等語。不勝駭異。該報所載。雖不盡實。必非無因。我國民膏血。自滿清廢劑二百餘年。即無此次戰爭。亦當力崇節儉。以恢復元氣。況當干戈未已。徧地嗷鴻。即膏腴卧薪。尚恐不能造國民之福。果如該報所云。民國前途。何堪設想。敬祈轉達大總統。速下崇節儉抑奢侈之命令。凡軍民人等。有則改之。無則加勉。以挽頹風。而免外人訕笑。民國幸甚。

致參議院為漢冶萍與日人合股事

側聞漢冶萍公司改辦條約。內載有中日合辦字樣。鄂中人士。僉不謂然。漢冶萍關係全國財政命脉。現以不得已之故。另改辦法。如定為中日合辦。為累恐非淺鮮。漢冶萍係公司性质。不

可認為國家私物。萬不得已而聽外人入股。祇可作商人合資辦法。言明漢冶萍公司與日商合資。改立新公司。庶於國際全無關涉。若兩方均以國家代表。是直以該公司為兩國所共立。將來各國援為口實。選求開辦各種實業。國家將何以對付。懇再與日人交涉。將中日合辦條例。改為漢冶萍新公司。由漢冶萍公司與日商合股組織。庶於外交前途。不致大受損失。事關國命。伏乞俯賜查奪。立予施行。

致袁總統論廣西遷省利害

桂因遷省首府。各國體疊電主持。至今未決。盤庚遷殷。周公營洛。因時制宜。古有明訓。現值開放時代。南甯地點適中。盤江環繞。水道四達。更擬建築滇甯鐵路。東與粵接。遷本為宜。獨是各屬主改。在便利交通。林桂主因。在節省經費。當改革之時。既困窮之境。言各有理。行貴執中。請由中央派員前往。統籌桂省全局。如確係多數贊成。費款不鉅。一勞永逸。便可從速解決。謹抒管見。伏候卓裁。

致上海紅十字會

本會統一大會。元洪身羈鄂事。不克親臨。已委任鄂都督府顧問官趙儼威君代表。並賚送祝詞到會。想荷鑒及。即日開會盛況如何。不勝繫念。兩會長及諸君子。以熱心毅力。成此偉舉。仁聲義聞。焜耀千秋。豈惟民國之光。蓋實人道之福。

覆國事維持會

孫王林洪揚諸君晉電悉現值臨時政府將終正式政府未立國家威信不行人民譁張愈肆內訌外侮交通日深危亡之機不絕如縷諸公發起斯會聯合全國團體居間排解以維持國事於新舊斷續之交苦心孤詣宏願熱誠欽慰無既且不偏立於政黨議會中央地方之一方面全力以行其中茲所稱方法因時制宜非以調停遷就為事大公至正尤佩偉畫元洪深表贊同所望當道諸公共成斯舉風雨同舟誕登彼岸則民國之幸也

附國事維持會覆電

敬電敬悉敝會初立基礎薄弱乃蒙謬加獎借力予提倡並通電各省協同扶助高誼熱誠同深感戴現由本會開會公推先生為名譽理事以後一切進行事宜諸賴鼎力維持尚祈時賜訓言俾有遵守是所切禱

致中央及各省惋惜宋教仁被刺

嗚呼宋君避初在滬寓車站遇刺逝世驚駭無既宋君奔走革命寒暑十更卒能號召人心推翻帝制當南北統一之始扼摶猜渙締造艱難國人視為干城總統倚為指臂綜其生平事略昭揭日星此等元勳何負於中華民國而慘報若此元洪向同患難遠接計高既深亡國之憂尤抱失羣之痛五中慘裂悲憤填膺尚望各都督民政長嚴拿正犯務得主名雪不平之鳴毋無窮之患或者邦人昆弟猶有甯期電短淚長佇俟明戮除一面派顧問官揚問甲前往治喪外特此奉聞

致各省倡議宋案當由法庭審辦

程都督應有長有電驚悉。議院政府尚未成立。外憂內亂。迭起環生。若陷漩渦。罔知所底。乃值此存亡一髮之際。猝遭慘案。更涉要人。罪案尚未判成。人心已為搖動。舉國惶惶。如臨大禍。顧瞻危局。欲涕無從。各都督民政長老。咸謀國。愷悌及民。聞斯電音。必有同深震撼者。望勿狃於成見。掉以輕心。以鎮定息浮言。以公平安大局。至審辦宋案。尤應由法庭詳求真狀。宣示國民。終必求水落石出。毋激意氣。以求殘害也。有渝斯盟。神將不佑。臨風洒淚。敢以告哀。

致湯藝仙張季直二君

太炎雲階仲仙諸君來鄂。甚慰鄙懷。擬屈台從惠臨。籌商一切。並盼惠復。幸勿吝玉。

附湯藝仙復電

祇奉箇電。仰挹冲懷。非海知劉。詎非厚幸。當稟嚴命。特發家君。執不放行。謂庚子夏間。特往江寧。冒昧以贊互保之請。前年秋暮。暫承浙乏。倉皇以解種族之圍。大倖安可屢徵。不遑何堪。幾冒且既遠政界。復與政議。自顧究有何能。此行大嫌無據。潛蹤蹈久之。識固不足。借箸而籌。理又不便。絕裾徑去。况有諸老閔亮。瞻言百里。兼顧雙方。必能輔公以定折衷之論。立闢市之平。密啓中央。冀回末劫。人之愛國。誰不知我。鷓蚌徒利於漁翁。蟲沙易化為流寇。商市緊迫。即無兵事。亦足召亡。此則潛所日夕大憂。計全國無智愚賢否。均能察見癥結。而不待潛之故作危詞。實其一得也。頃悉唐前總理適來滬。內外關繫。極好調人。唯公圖之。不克詣

前諸求鑒宥

復寰球尊孔會

頃接取函。倍欽瑀。赤過蒙裝飾。慚愧矣如。來書所述。孔道如日月經天。江河緯地。民國建設伊始。百度維新。尤以人心風俗之所關。為立懦廉頑之大要。執事昌明聖教。握要以圖。元洪不敏。何補高深。囑書區額。謹題聲教洋溢四字。勉隨諸君子後。守循牆之訓。為馨香之祝。特此佈復。

覆四川都督胡

宥電悉。廢省存道之說。久為一般學者所主張。良以省治沿乎元初地廣而控制不使。共和先進。莫法美若。法分為六十七郡。美分為四十五州。吾國幅員廣袤過之。而分省僅二十有二。面積皆與一國相埒。論者早以吳元濟淮西之事為憂。此次逆黨叛亂。皖贛甯粵。均以憑藉一省之力。始敢與中央抵抗。前車不遠。來軫方遘。其關係固不止耗費一端也。專論以聯邦藩亞為成。主張發省之制。劃全國為若干道。以治理言。無鞭長莫及之患。就統系論。更少尾大不掉之虞。猶誦再四。佩企莫名。極表贊同。

批佛教會立案呈

稟及公佈均悉。查化人西至。詳說禦寇之書。恒星夜明。瑞應春秋之義。溯宗教之最古。與孔老以同源。歸來尚已。惟至道高遠。末法陵替。濫觴於東漢。波蕩於六朝。河汾尊之。昌黎闢之。顧流所激。正信未孚。聞者惑焉。然而平等之法。屢阨於專制。慈悲之高。允信於共和。精神之團結。始

尊之於前。形勢之集合。宜持之於後。該員等發宏誓愿。轉大法輪。本三藏十二部之洪文。為四眾二十九派之警舌。建立斯會。實獲我心。按政教分離。於權限本不相侵越。矧緇白畢集。於經旨尤有所發明。在昔天台大師。黃梅五祖。均五楚之先進。為法界之偉人。曩哲匪遙。辦香所在。所願祛法。向之邪說。無易初衷。演如來之妙文。大宏法教。在會旨為大悲之救世。在法規為信徒之自由。若夫三界惟心。識家教之揭發。四大和合。啓科學之權輿。無執邪迷。無貪福利。會章具在。無俟重陳。從茲發海潮音。能獅子吼。悟百佛千佛。萬佛原是一佛。參一乘二乘三乘。總歸一乘。證由信菩提。作佛門龍象。人天應供。與世界關係以無窮。法惠雙圓。於民國前途。其有補本都督有厚望焉。

愛國歌

我中國。峙亞東。政體由來帝制崇。倡革命。首鄂中。義旗一麾列省從。
開軍府。堵要衝。陽夏戰役何洶洶。湘蘇繼。浙閩訂。秦晉粵蜀皆合從。
聯軍起。巨雷轟。贛皖滇黔聲勢雄。講遜讓。息兵戎。南北攝和銷煙烽。
纔四月。奏膚功。車軌書文告大同。東和滿。北連蒙。新疆西藏洽華風。
五大族。意見融。共和立憲本至公。採美制。步歐踪。中央統治萬機董。
最可慘。是戰攻。烈士碎身血殷紅。最可寶。舊疆封。帶礪河山物產豐。
最可慮。貌象恭。爭權攘利逞頑凶。危大局。惑羣聰。文明法律斷難容。

首單界。責任重。今日破壞已告終。號神聖。天公忠。保衛治安莫放鬆。
次警學。暨商農。大家詳聽警世鐘。第一義。要和衷。休因黃鼓受欺騰。
我胞與。慶遺達。民國成立賴天工。玉步改。杼袖空。宜求根本成彌縫。
廣教育。斂兵鋒。振興實業利交通。外患弭。內治隆。千萬億載運無窮。

覆四川都督胡贊成廢省存道

省制沿于元初。不廢而控制不使。共和先進莫如美法。法為六十七郡。美分四十五州。吾國幅
幘廣袤過之。而分省僅二十有二。面積皆與一國相埒。論者早以吳元濟淮西之事為隱憂。此
次逆黨叛亂。如贛晚暹粵均以憑藉一省之力。始終與中央抵抗。前車不遠。米軫方遘。其關係
固不止耗費一端也。尊論以聯邦藩鎮為主張。悉廢省制。劃全國為若干道。以治理言。無難長
莫及之患。就統系論。更少尾大不掉之虞。循誦再四。佩企莫名。極表贊同。

題小萬柳堂寫本首楞嚴經

願亭林謂南方學者。晚年每好學佛。佛非不可學。特學之不至耳。桐城吳女士芝瑛。生有慧德。
遭時多故。懺悔淨空。其夫廉君惠泉。曾發聖湖北高峯十三級淨園之想。女士為寫大佛頂首楞
嚴經以實之。經凡十卷。六萬餘言。中經患難疾苦。幾於廢輟。亦越兩年。竟成其志。書法廉勁。疏
宕得魏隋人清氣。有功德於是經之流傳者益廣。殆可謂堅苦卓絕。願力宏大者歟。在昔印板
未興。儒家原以寫經為業。是何足異。獨怪士夫酬嬉。古典荒落。其勤者。復惟權利是競。不屑肩

為講學修道之事。人心益以不靖。抑知天壤間潛心梵典者。尚有環佩其人。不可不敬哉。
飭辦袁總統喪禮令

民國肇興。由於辛亥之役。前大總統贊成共和。奠定大局。苦心擘畫。昕夕勤勞。天不假年。遺疾長逝。追懷首緒。薄海同悲。本大總統患難周旋。尤深愴痛。所有喪葬典禮。應由國務院轉飭辦理人員。參酌中外典章。詳加擬議。務極優隆。用符國家崇德報功之至意。此令。

附祭袁大總統禮節

六月二十三日辰時。

大總統特派國務卿敬詣

前大總統靈筵前。行大祭禮。先期由恭辦喪禮處。撰寫祭文。陳燎牀於寶光門外。是日質明。陳饌筵於

靈筵前。其前置奠几。又前置奠池。東設帛案。尊案。西設祭文案。各一。帛籩尊爵。鑪。鐙。具。讀祭

文官捧祭文入。設於案。出。文武百官咸服其服。文職燕尾服。武職半大禮服。軍官軍禮服。均左臂綴黑紗。有勳章均佩勳章。軍

武百官入景福門。至行禮位前。東西向立。持簡任在前。薦委任在後。均文東武西。執事

官各以其職為位。凡執事官皆由奏贊引官二人。於景福門外引國務卿進景福門。由

來薰風門中門入。至行禮位前。贊引官贊就位。國務卿就位。通贊官贊皆就位。文武百

官皆就位。北向立。通贊官贊鞠躬。再鞠躬。三鞠躬。國務卿以下皆三鞠躬。贊引官贊奠帛。司帛官進帛。國務卿受帛。拱舉。授司帛官。奠於几。退。贊引官贊讀祭文。展祭文。官進立於案。東北向。展祭文。讀祭文。官讀文畢。捲訖。安於帛籠。退。通贊官贊鞠躬。國務卿以下皆一鞠躬。贊引官贊祭酒。司尊官實酒於爵。司爵官接奉以進。國務卿祭酒三爵。皆祭皆以空爵授司爵官。反奠於几。畢。司爵官退。通贊官贊鞠躬。再鞠躬。三鞠躬。國務卿以下皆三鞠躬。通贊官贊送燈。讀祭文。官捧祭文。司帛官捧帛。送燎。由中路出。贊引官引國務卿退。立西旁。東向。文武百官各退。立東西向。候過畢。均復位。通贊官贊禮畢。喪主出帷。稽顙泣謝。國務卿答禮。一鞠躬。贊引官引國務卿退。引禮官分引百以次退。執事官皆退。

恭辦喪禮處擬定 前大總統祖奠禮節。

發引前一日辰時。

大總統遣特任官一員。敬詣

前大總統靈筵前。行祖奠禮。先期由恭辦喪禮處撰寫祭文。陳燎牀於寶光門外。是日暫明。

陳饌筵於

靈筵前。其前置奠几。又前置奠池。東設帛案。尊案。西設祭文。祭各一帛籠。尊爵。鑪。盤。具。讀祭

文。官捧祭文入。設於案。出。文武百官咸服其服。文職無尾服。武職軍大禮服。善官華禮服。由左臂纏黑紗。有喪章者均佩喪章。

軍警佩刀之豫集景福門外內尉於懷仁堂左右班立。左於尊案之東右於祭文案之西引禮官分引

文武百官入景福門至行禮位前東西向立特簡任在前薦委任在後均文東武西執

事官各以其職為位贊引官二人於景福門外引遣官進景福門由朱薰風門中門入

至行禮位前贊引官贊就位遣官就位通贊官贊皆就位文武百官皆就位北向立通

贊官贊鞠躬再鞠躬三鞠躬遣官以下皆三鞠躬贊引官贊奠帛司帛官進帛遣官受

帛拱舉授司帛官奠於几退贊引官贊讀祭文展祭文官二人進立於案東北向展祭

文讀祭文官讀文畢捲訖安於帛籠退通贊官贊鞠躬遣官以下皆一鞠躬贊引官贊

祭酒司爵官進爵遣官祭酒三爵每奠皆以空奠於几司爵官退通贊官贊鞠躬再鞠

躬三鞠躬遣官以下皆三鞠躬通贊官贊送燈讀祭文官捧祭文司帛官捧帛送燈由

中路出贊引官引遣官退立西旁東向文武百官各退立東西向俟過畢均復位通贊

官贊禮畢喪主出帷稽顙泣謝遣官答禮一鞠躬贊引官引遣官退引禮官分引百官

以次退執事官皆退

不准收受陋規諭

公府指揮處通告為通告事本指揮使奉大總統諭本大總統向來潔己奉公從不准屬下

人員收受陋規致損名譽現在受任伊始用人較多欲求永絕苞苴不能不重申誥誡嗣後如

遇有餽送及節賞茶敬之類務必概行辭卻免踰愆尤着指揮使傳諭各處知之等因奉此除

府內各處印刷傳知外。特此通告。

中華民國十七年四月九版

黎大總統文牘類編全書一冊
定價大洋四角

所有版權
所有

編輯者 上海會文堂新記書局

校正者 琴石山人

印刷者 上海會文堂新記印局

發行者 上海會文堂新記書局

漢口四官殿
廣州永漢北路

分發行所 會文堂新記書局

北京楊梅竹斜街
奉天鼓樓北
濟南西門大街
長沙南陽街

總發行所 上海會文堂新記書局

河南路
拋球場

24 SEP. 1944

曾 重

家 慶

山 石

27 OCT. 1942



封 底